

定邊縣志

知縣黃 沛豐亭鑒定

縣丞江廷球楊齋檢校
典史宋 謙吉甫增輯

地理志卷一

前合戴元夔論曰普天之下莫非王土定邑自我

朝定鼎即列版圖何延榆綏舊志略而不載耶豈唐宋沒於西夏
勝朝又多兵火自古無傳之者耶夫漢時河內地皆為郡縣此亦
屬上郡地何不按籍稽耶蓋邊地既遠今古異名疆場多故文獻
無徵亦有難者余即身所經歷及故老傳聞聊記一二欲求詳備
難矣

定邊縣志

卷首

地理志 分野 五

定職業學校印

分野

延安郡禹貢雍州之域天文井鬼分野

按漢書地理志云自井十度至柳三度為鶉首於辰在未

為延之分野 天之一度為地一千九百餘里

春秋白翟所居秦上郡地漢曰翟國後魏曰東

夏州西魏曰延州隋唐曰延安郡宋改延安府由明迄

大清為延安府定邊隸焉

寰宇記云北方水位自河曲黃甫川西經榆林至寧夏鎮又西經

蘭州踰河至嘉峪關四千餘里得水位之半

郡志云凡星野之說可用於統部通志而不可用於州縣之志蓋

謹人事而應天象理所宜然至於葦爾一隅未知當於天度幾許

而修志者輒引周漢國都強相附會非其實矣然沿習已久去之

或訝衆目故附載於此

疆域

定邑東界靖邊縣二道塘西界甘肅花馬池郭家庄南界甘肅環縣走馬城北界邊牆西南界甘肅靈州及環縣東南界保安縣金湯鎮東北西北皆邊牆東西廣一百八十五里南北廣二百九十里

縣冊東界靖邊縣一百六十里西界甘肅靈州花馬池二十五里南界甘肅環縣二百九十里東南界甘肅安化縣二百七十里北界邊牆一里共分十八塘路

郡志定邊東至寧塞堡靖邊縣界一百六十里西至花馬池寧夏

定邊縣志

卷首

地理志

疆域

六

定邊職業學校印

靈州界四十里南至鐵鞭城環縣界二百六十里北至邊牆一里東南至吳旗營靖邊縣界一百七十里西南至五個掌兒環縣界二百六十里東北至大邊一里西北至大邊一里東至府五百五十五里至西安布政司一千三百六十里

東至靖邊縣治二百三十里西至靈州治三百六十里西北至寧夏府治三百六十里東南至慶陽府治五百四十里

形勝

東接榆延西通甘涼南隣環慶北枕沙漠諸山拱於南村庄基布龍沙繞於北廬帳星羅

聖天子德威遠播旃裘左衽莫不來王

仁皇帝鑿輅時巡瀚海流沙盡歸郵傳地則中外和耕市則彝夏交易斯又一統無外之盛亘古所未有也

定邊秦漢時北土郡地後魏大興郡西魏改五原郡兼西安州以
近鹽改鹽州隋初廢煬帝置鹽川郡唐初為梁師都所據武德元
年收復鹽州設都督府貞元二年沒吐蕃九年復城之領縣二曰
五原白池宋咸平中陷於夏明置定邊營東四十里磚井堡又東
五十里安邊營皆為宋鹽州地又南六十里新安邊營為宋夏州
深河兜地東南四十里柳樹澗堡為宋夏州地定邊城西二十里
鹽場堡又南一百里石灣寨為宋鹽州地東南六十里三山堡為
宋鹽州三山兜地西南一百里新興堡及饒陽水堡皆宋夏州地

定邊縣志

卷首

地理志

山川古蹟七

定職業學校印

皇清因之而裁新安邊三山石灣新興饒陽水五堡併歸定邊營
修築諸城堡雉堞崇隆規模宏遠誠足以鎮沙漠而懾西戎也蓋
自明余子俊築為邊牆自黃甫川稍折而南自東至西又稍折而
北乃至寧夏定邊各堡當東南一隅雄鎮套口尤為扼要
延綏鎮志鎮西隣寧夏與花馬池接壤者定邊之鹽場堡也定邊
轉而東磚井各堡皆依山臨塹倚險可守

山川

古蹟

南梁山在磚井城南三十五里周圍三十五里

郡志縣城東南六十里有冢嶺一名南梁山舊志在磚井堡南

俗呼南梁山有洛水出焉

按按洛豫州浸出冢嶺山在山在商州北時因洛水所出俗亦有其名耳

北極山在磚井城東南五十里周圍二十里

延綏舊志北極山與冢嶺相對一峯巋然望之若虬龍奮迅而上郡志北極山九十里有黃羊嶺在磚井堡南為要地稍西有鐫天嶺一百三十里有白雲山又東有桃林山又東有亂石山又南十里為紅蕨山

鷹窩山在縣城東南八十里周圍二十里上有古樹有古戰場為宋范文正公遺蹟

羊圈山在縣城西南八十里周圍二十里最為高峻上有舊墩與靖邊縣之鎮靖堡榆延墩對峙宋時邊警烽火相望

將軍山在縣城南二百五十里鐵鞭城川北相傳邑之高將軍墓

定邊縣志

卷首

地理志

山川古蹟八

定邊職業學校印

此山

桃花山在安邊堡東南一百里周圍二十里

吳党山在柳樹澗堡西南一百里周圍三十里

烏龍山在鹽場堡南一百七十里周圍二十里

尖山在鹽場堡西南一百六十里周圍十五里

張家山在鹽場堡南二百二十五里周圍二十里

乾溝山在縣城南一百二十里鐵柱泉出焉夏雨驟至諸山之水會集於此挾土北流適當縣城土田藉以灌溉即成沃壤而民廬城郭亦恐遭漂沒則隄防為要也

嘉慶七年七月大雨乾溝水發湧溢縣城街衢深至三五尺城

垣廬舍致有傾壞查乾溝距縣城南二十里上接甘肅慶陽一帶通衢約長八九十里雨面皆山每於夏秋之間雨連水漲眾山之水悉匯茲口而出因近口灘地歷年水漫泥積盡成膏腴歲收倍於他處居民復慮水大有傷禾稼迎口接築東西兩牆迴繞二十餘里中留水道南山地勢較高是以每遇暴漲直走縣城履勘兩牆對立形如街巷中間水道與溝渠相類牆外阡陌相連蒨藪青葱居然沃壤循牆抵口詳看情形口之下注牆之上游尚有東西兩灘皆可為受水之地若設法引水從兩岸出既不致北灌城垣又不致下溢兩牆以外之田未誠為兩全無弊但決東牆而水東注由鄭家園出邊牆外計長不逾十里

定邊縣志

卷一

地理志

山川古蹟

九

定職業學校印

似於縣城風水不宜惟毀西牆引水西北出經由王來家灘及小巨家灘一帶沙窩繞廟兜塘韓家樓抵七墩灘出邊牆計長五六十里外曠野下隲之區毫無妨碍亦為受水之地須於口下迎築引水牆垣於城垣麓地均有裨益復集紳耆鄉約諮訪眾論欣然第念民情何常惟利是圖難保歷久不萌故志幸經前署知縣鄭永江稟明道府批准按署知縣誠安遵辦在案

洛河在縣城東南一百二十里自琉璃廟發源係黃水流入保安縣界傳云即洛之源然考水經注云出謹舉之山又云自鹿蹄山至元扈山通與謹舉為九山明一統志謂安化東北之山洛水出疑即此

郡志洛水出定邊縣西南山海經孟山西二百五十里曰白於之
山洛水出於其陽西南流注於渭周禮雍州其浸渭洛淮南子曰
洛出獵山按地形志富平有彰獵山即淮南之山也說文洛水出
左馮翊歸德北夷中東南入渭元和郡縣志洛源縣白於山在縣
北三里太平寰宇記洛陽縣白於山在縣北三十里今水出縣西
南琉璃廟石縫中廟西北有白露山疑即白於山也志家多以白
於山為在甘肅合水以出安化之洛水為正原按樂史言廢洛源
縣在慶州北二百七十里又曰華池縣縣在州東一百五十里本
漢歸德縣之地即洛源也今慶陽府唐宋慶州治自府東北一百
二十里已入定邊縣界廢洛源縣又在其北李吉甫說白於山又

定邊縣志

卷首

地理志 山川 古蹟 十

定職業學校印

在洛源縣北三里其山在定邊無疑洛水出此南入保安縣界靖
邊縣界又南還安塞縣西又南入甘泉縣界又南歷鄜州洛川中
部宜君耀州白水縣同州府澄城朝邑諸縣境入河

今考洛河俗名白鷹河在縣城東南一百二十里琉璃廟水即

此河按此則郡志洛水出定邊縣西南疑西字誤人琉璃廟下

游尚有東派水自安邊東屯孫克家墓嶽流出西派水自磚井
西路大河畔流出俱係黃水會合白鷹河經新安邊張千戶岔
流入保安縣界

石灣河今考即俗謂在縣城正南九十里清水自頁濠發源經鐵

鞭城流入張千戶岔

三山堡河在縣城西南一百二十里河西為甘肅靈州後衛地陝甘兩省以河分界係清水至高家灣子與石子兒河水合流入宏德城環縣界

石子兒河在縣城西南一百二十里自三山堡發源係清水經高家灣子五個掌兒赫城子流入宏德城環縣界

把都河在安邊堡東南五十五里自崔家集發源係黃水流入寧塞堡靖邊縣界

神水在縣城西南九十里三山塘高家小灣係乾砣磔一道平時無水冬至七九八九後水出流壯徵歲收豐稔潮溼水少徵歲收歉薄又水出早驗霜降早水出遲驗霜降遲相傳久遠土人屆時

定邊縣志

卷首

地理志

山川 古蹟 十一

定職業學校印

探視歷歷徵驗隣邑咸知之因名神水嘉慶十三年鄉民高進潮宋魁倡募捐資建立河神廟三間禪房二間大門一間前賽樓一座今每歲正月二十三日集祀

鹽池在鹽場堡北城外曰花馬大池

上有五池詳載鹽法

郡志縣城西北有鹽池唐書地理志尚有胡落鹽池按長澤縣今屬靖邊界延綏鎮志原屬寧夏衛嘉靖九年總制王瓊改屬本衛池周圍三里許中有井引水溉畦一夕視之若積雪此九種之一也又其東尚有澇池鹽池鹽池水濁不可飲澇池水可飲堡人汲者便之又二池之西為寧夏境按食貨志池周圍十六里許按地理通釋漢於上郡龜茲縣置鹽官即此

海子即海眼在鹽池南

鐵柱泉在鹽場堡南

馬泉在縣城南沙地今淤

牛毛湖在縣城東邊外本沙地春月水從沙中出生牛毛草遂成湖灘至冬涸

忻都古城在安邊堡北套地漢時築城用兵後為赫連氏統萬城鹽州古城在縣之東南隋唐時築遺址尚存又縣之西北西南有

大土墩二曰戰臺亦昔時築

牛營城在縣城南二十里近倉吉灣

鐵鞭城在縣城南二百四十里川東宋時築

定邊縣志

卷首

地理志 山川古蹟 十二

定邊職業學校印

新寨兒在鐵鞭城川東山峒上

卧牛城在縣城南一百二十里城設川東山頂

半角城在縣城南二百里川東倚山築城山城各居其半故名半

角

琵琶城在縣城南二百三十里川東

張家城在縣城南二百二十里琵琶城東城設山頂

手抱城在縣城南二百一十里張家城北城設山凹

黃花城在縣城東南二百里手抱城東北城設山頂

暮雨城俗名牧驢城在縣城南一百二十里城設川西河灣與卧

牛城對峙

尤家城在暮雨城南數里川西今廢

鐵角城俗名跌脚城在縣城正南二百四十里川西宋時築南界
甘肅環縣走馬城

田百戶城在縣城南二百四十里川西是城與琵琶城鉄鞭城為
鼎足之勢故老相傳宋時有胡女姊妹三人分據猶環援應范文

正公韓魏公平之

閣連城在縣城西南二百二十里田百戶城西

石家城在縣城西南二百二十里閣連城西

木瓜城在縣城西南二百五十里

舊城在縣城西南九十里近三山塘高家卯

定邊縣志

卷首

地理志 山川 古蹟 十三

定職業學校印

神堂寨在安邊堡西 歸德寨在安邊堡南 雞舌寨在安邊堡

西 骨勒寨在縣城西 土寨在縣城西北 以上五寨並見武備志疑皆宋時築

圈馬廠在張千戶岔河東宋時胡人韓昌圈馬於此圍墻尚存今

地屬靖邊縣轄

通濟橋在縣屬紅柳溝之西界甘肅靈州屬二道溝之東界係陝

甘通衢行人絡繹為要道焉此橋建造代年無可稽考乾隆五十

三年武生郭玳倡捐修造有碑記二嘉慶十六年玳子生員永崇

復倡捐重修

風俗

通志云人勤稼穡俗尚鬼神不事侈靡頗習法程

舊志云尚氣概先勇力

圖經云修習戰備高尚氣力以射獵為先名將多出

隋書云人性躁勁風習果決尚淳質好儉約喪祭冠婚畧近於禮
又曰近邊尚剛武

氣候論曰寒早而暑遲三月而冰未泮四月而草始萌麥成在夏
至之後霜降或仲秋之期盛夏不廢羔裘嚴寒必資土室延南如
中宜極邊如榆塞相去千里寒暑先後即相懸絕亦足以知邊民
之苦矣

歲時

定邑惟以元旦長至為重餘如常

定邊縣志

卷首

地理志

風俗

十四

定邊職業學校印

正月元旦前門貼春聯門神是日皆早起以黃表香燭敬事神及
祖禰並附近廟宇恭拜父母尊長放紙炮以代爆竹黎明閭里交
相拜賀至十五日街市遍張燈燭紙炮戲樂

二月朔三日文昌廟龍神廟有獻羊以祭者諺云開廟門

三月清明至期士女出外墓祭有於墓前飲食者

五月五日飲雄黃酒戴艾食米棗角黍十三日皆敬事

關帝獻牲

七月十五日亦有祭墓者有於田內掛五色小紙幡者曰田幡

八月十五日家皆以餅瓜果焚香拜月亦有以餅瓜果饋遺者

九月九日有食糕者

十月初一日曰寒衣節至晚皆用紙捲紙錢焚於門外以送祖先
亡者

十一月冬至節交相拜賀有以酒羹待客者至晚於門外焚紙鏹
祀祖先諺云冬黃昏年半夜

十二月八日用米豆棗腐作粥亦有加肉於內者曰臘八粥二十
三日之夜皆以糖祀灶神有用雞者除夕之前皆出外以紙錢祭
墓燃一火堆至夕皆相拜賀曰辭歲有終夜設席備酒不眠者曰
守歲

立春日縣署鞭春牛畢爭搶春牛土及牛身蓆片木頭攜回攔護
喂牲口槽上謂牲口終年不起病

定邊縣志

卷首

地理志

歲時

十五

定邊職業學校印

郡志云乾隆二十五年正月地震沉睡者不知土人相慶曰歲轉
豐矣先是歲屢歉是年後俱有收定邑俗傳亦如是遠無可稽近
自嘉慶十四年後起連年歉收至十九年八月地震次年有收二
十年九月復地震次年豐收可見邊地歲時之驗也

定邊縣志

建置志卷二

前令戴元燮論曰人亦有言區區延疆地大而荒一邑可分數邑民貧而少數邑可併一邑今定邑轄五城延袤三百里明時承宋元殘破之餘置為衛所

國初重熙累洽邊境又安建縣以來命重臣鎮之復使司牧之使師教之制度森然規模宏遠豈惟蒼生之福抑亦我

國家萬世無疆之休凡生此土而守此土者當思何幸享莫安之樂以敦禮讓而綢繆陰而則金湯萬年也

設縣

定邊縣志

卷二

建置志

設縣

一

定職業學校印

定邊設縣於雍年九年宋元符初築定邊城在慶陽府北三百里後為定邊軍此定邊所由名也縣在有明及國初皆為衛所總十城堡而屬於靖邊同知定城設有守禦所千總

世宗朝改為縣丞又於安邊設州同後雍正九年設邊方郡縣榆林改衛為府設榆林懷遠定邊靖邊四縣屬之定邊之改縣從此始十年冬始設有訓導乾隆初年因鹽政辦銷復將定靖二縣屬延安府而武職兵馬仍屬榆林鎮

城垣

定邊營城明正統二年建嘉靖中遊擊梁震設關城萬曆元年廢

西關三年四年增修六年磚砌乾隆十二年知縣石崇先重修園
圍凡六里一百七十五步樓鋪二十八座牌牆垛口邊垣長二十
里墩臺三十六座中門曰雄封東門曰東定鎮安西門曰永定寧
遠南門曰南定金湯東城上有大鐘成化十三年鑄起更止更鳴
之

磚井堡城明正統二年巡撫郭某建萬曆六年增高磚砌乾隆三
十四年知縣徐觀海重修周圍凡三里二百五十步樓鋪一十二
座牌牆垛口邊垣長一十七里墩臺二十二座東曰靖東門西曰
寧西門南曰安南門

延綏鎮志按磚井堡東至舊安邊堡五十里西至定邊營四十

定邊縣志

卷二

建置志

城垣

二

定職業學校印

里南至新興堡一百里北至大邊一里堡係宋鹽州地舊新興
有古井以磚甃者故名城設在平川係極衝上地

舊安邊堡城明正統二年巡撫郭某建隆慶六年增高萬曆六年
磚砌乾隆二十年知縣王錚重修周圍凡四里三分樓鋪二十座
牌牆垛口邊垣長三十三里二十三步墩臺五十一座東門西門
南門

延綏鎮志按舊安邊堡東至柳樹澗堡四十里西至磚井堡五
十里南至新安邊堡六十里北至大邊一里堡係宋鹽州地復
為深井成化十一年改置新安邊營成化末以定邊孤懸復守
今堡城設在平川係極衝中地

新安邊營城明成化十一年巡撫余子俊建隆慶六年加高周圍凡四里三十五步樓鋪一十四座牌牆垛口邊垣長一十二里墩臺一十七座今裁

延綏鎮志按新安邊營東至永濟堡三十里西至新興堡七十里南至慶陽府五百里北至舊安邊堡六十里堡係宋夏州深河兜地中山坡余子俊置今營撤舊安邊堡兵守之城設在山坡係極衝中地

柳樹澗堡城明嘉靖三十七年巡撫董威建隆慶六年增高萬曆六年磚砌周圍凡三里七分樓鋪一十八座牌牆垛口邊垣長三十三里二百三十步墩臺四十八座東門西門

定邊縣志

卷二

建置志

城垣

三

定職業學校印

延綏鎮志按柳樹澗堡明始設堡成化九年余子俊奏守永濟堡嘉靖三十七年復移守於此東至寧塞營四十里西至舊安邊堡四十里南至永濟堡三十里北至大邊一里堡係宋夏州地古有柳樹澗故名城設在山上係極衝中地

鹽場堡城明成化十三年巡撫余子俊建宏治四年巡撫劉忠增修萬曆三年加高乾隆三十四年知縣徐觀海重修周圍凡二里三分樓鋪九座牌牆垛口邊垣長八里墩臺八座東門南門

延綏鎮志按鹽場堡東至定邊營二十里西至花馬池界二十里北至大邊五十里城設在平川係極衝中地

石澇池堡城明成化十一年巡撫余子俊建萬曆三年加高周圍

凡三里一百八十四步樓鋪三座牌牆垛口邊垣長九里一百七十四步墩臺一十四座今裁

三山堡城明成化九年巡撫余子俊建周圍凡二里二百四十步樓鋪三座牌牆垛口邊垣長五里墩臺八座今裁

新興堡城明有東西海螺二城成化十一年巡撫余子俊始改東海螺築今堡隆慶六年增修萬曆六年加高周圍凡一里一百四

十六步樓鋪八座牌牆垛口邊垣長七里墩臺十一座今裁

饒陽水堡城明成化十三年巡撫余子俊建萬曆二年重修周圍凡二里三十步樓鋪八座今裁

公廨原題衙署今作公廨以申明亭養濟院及諸公府附焉

定邊縣志

卷二

建置志 城垣

四

定職業學校印

定邊城

縣署在東門內中軍署東雍正九年發帑知縣佟鉅興建乾隆三十九年知縣韓修鳳增修凡大堂三楹二堂三楹內宅二層大門儀門庫房更房六房俱備共五十一間二堂東隅榆蔭軒三楹前即土地祠也祠宇三楹雍正九年建嘉慶十八年知縣胡國棠與史宋謙捐俸暨士庶捐資重修增建捲棚樂樓祠東旁廡房一間為管祠住所

縣獄在縣署大門內西雍正九年建乾隆四十年知縣韓修鳳重修內獄神廟三間男監三間女監一間更房一間夾道一間頭門左右禁卒頭廡房各一間

典史署在縣署大堂西隅雍正九年建凡大門儀門大堂三楹二堂三楹內宅及書房東西廂房書役房共二十四間乾隆三十四年知縣徐觀海典史胡貽安重修嘉慶二十年及二十一年典史宋謙捐俸重修增建內宅東屋三間置買楊姓地圖為後院二堂東室宋謙自題思位額跋云此易艮卦象辭也蓋言君子止其所止止其所當止用以自尚

學署在南街文廟西偏雍正十二年發帑建乾隆二十二年邑紳士捐資增建博文約禮二齋庠門嘉慶十九年署知縣范掄策重修明倫堂

按昔年十營堡共為一學屬靖邊訓導雍正九年分縣定邊始設訓導歲科試入學八名廩增生額各二十名雍正十年與榆

定邊縣志

卷二

建置志

公廨

五

定職業學校印

懷等縣立有木字號文生額中一名後又定為一分一合取中設縣時屬榆林府乾隆二年改屬延安府

協鎮署在鼓樓東明成化年建嘉靖四十二年有知潞安府事崔

鏞題名碑文凡大門二門大堂二堂內宅官廳傳號房旗牌房共

六十間雍正六年副將趙顯忠題二堂額跋云帝德如天臣

短汲深韋長莫及上員恩眷之隆有踰尸素之愆

謹願於額曰冰兢使曰夕瞻對用以自警自勵云爾

中軍都司署在協鎮署東凡大門二門大堂二堂內宅及東西廂

房傳號房共三十二間乾隆三十一年都司五十一題二堂敬事

之時義大矣哉余性純拙身列戎行未能效襄緩帶之風惟左右兩哨把總署向未曾建

守禦所千總署在西關內雍正九年缺裁改縣廢署

僧會司署在南門外十方禪院

陰陽學署向無

醫學署向無

申明亭在中門甕城內乾隆十三年知縣萬廷望廢

養濟院舊在北街乾隆四年知縣林天章建凡六間嘉慶十九年

因房屋已圯其地切近關帝廟西議將地併入廟內用昭誠敬是

年署知縣范掄策典史宋謙捐俸在東門內東南隅重建正房五

間周圍院牆暨立門樓有養濟院匾額

軍流棲所舊在縣署大堂西首耳房兩間嘉慶元年大赦軍流犯

定邊縣志

卷二

定置志

公廨

六

定職業學校印

盡釋回籍是房改為刑書辦公處嗣後發來軍流犯遂散處廟廊
鋪簷並無定址十九年典史宋謙捐俸在縣署後置買金姓住屋
四間添築圍牆暨立門樓有軍流棲所匾額

安邊堡

理事同知署在堡城西大街乾隆十年發帑知縣石崇先建凡大
門儀門大堂二堂內宅及東西廂房書役房共五十二間

都司署在堡城東大街凡大門儀門大堂二堂內宅及東西廂房

傳號房共三十二間

磚井堡

守備署在堡城西北隅凡大門二門大堂二堂內宅及東西廂房

傳號房共二十八間

柳樹澗堡

守備署在堡城中街凡大門二門大堂二堂內宅及東西廂房傳號房共二十四間

鹽場堡

鹽課大使署自昔未建後缺改縣丞嘉慶二十一年縣丞缺復裁移甘泉縣之臨真

把總署在堡城中街凡大門二門大堂內宅廂房馬棚共十二間

倉廩

縣城常平倉在南街昔名金貓倉相傳有金貓護倉故名共廩一

定邊縣志

卷二

建置志

倉廩

七

定邊職業學校印

十六座無座間架不一共五十一間又磚圓廩一座

縣城社會倉在東南街乾隆四年知縣林大章建

安邊堡便利倉在堡城西北隅共廩一十三座每座間架不一共

五十二間

磚井堡新建倉在堡城西北隅共廩一十座每座間架不一共三

十五間

柳樹澗堡倉在堡城北隅共廩八座每座間架不一共二十八間

鹽場堡向無倉廩

義學

縣城義學舊在東門內康熙年副將張玉麟建其地後為縣署拔

貢生牛薦增修土廈數間於東南隅隙地廢今

安邊堡義學在堡城東南隅乾隆初年知縣石崇先建

查安邊堡義學瓦屋十三間係安邊東西屯東西路東邊山西

邊山六路建置乾隆十一年復經六路重修另有舖房九間大

興號賃租作義學膏火嘉慶十四年控經府判交與六路士庶

掌管有案二十一年復控經縣判得義學係六路公修該六路

分路經管每五年一路周而復始所有市房每年租錢即照數

交給值年掌管之人在賃戶大興號收取轉付義學先生如本

年係東路掌管即不得將租錢交西路之人其延請先生宜六

路之人公司酌議或久暫不能如一亦應通知各路訂期公議

定邊縣志

卷二

建置志

義學

八

定職業學校印

不得自行專擅率有更改並將該六路掌管次第當堂拈闈派定

嗣後永遠遵行詳府批結在案第一東路民人郭世安 第二西

生孫丕義 第四東邊山武生白受采 第五西路監生沈奠中 第六東屯生員劉永吉

郵驛

郵驛自靖邊寧條梁西四十里鋪驛鋪係夷地驛故在柳樹澗康

熙年間

聖祖西巡經此即其地為驛道今因之設臺站把總據遊往來文

解人犯仍從柳樹又二十里至二十里鋪腰站又二十里至安邊

驛又二十里至陡溝腰站又二十里至磚井驛又二十里至元墩

子腰站又二十里至定邊設臺站把總又二十里至鹽場堡驛又

又四十里至甘肅花馬池

稅局定邑姓高稅祇係市街零星易賣巡查取稅無事設局此因有廟集日期聯存其名耳

定邊城三月二十八日東嶽廟集九月十五日龍王廟集 磚井

堡六月初六日龍王廟集 安邊堡二月初二日文昌廟集十月

初一日龍王廟集 柳樹澗堡 鹽場堡 紅庄乳無今 紅柳溝

六月十五日文武二帝廟集 張千戶岔五月初六日關帝廟集

塘汎

定邊營塘汎 閘門口在縣城南十里不設兵 四墩口在縣東

五里設兵五名 水口灘在縣城南十五里設兵五名 瓦剎梁

在縣城東二十里設兵五名 北沙畔在縣城西北八里即八里

定邊縣志

卷二

建置志 郵驛稅局 九

定邊職業學校印

塘也設兵五名

磚井堡塘汎 薛家樓在堡西五里設兵五名 康家樓在堡西

十里設兵五名 韓家窰子在堡東八里設兵五名 魯家窰子

在堡東十里設兵五名 二十五臺在堡東二十五里即陡溝子

也設兵五名

安邊堡塘汎 舊字三十三臺在堡西五里即五里塘也設兵五

名 舊字三十八臺在堡西十里即十里塘也設兵五名 舊字

四十三臺在堡西十五里即白家樓也設兵五名 安字十八臺

在堡東二里即閘門口也設兵五名 席剎灘在堡東口外二十

里即二十里舖也設兵五名 安字十五臺在堡南八里即八里

塘也係新安邊牆隘口設兵二名遞送文報 安字五臺在堡南十五里係隘口設兵二名遞送文報迤南與柳樹澗堡馬圈梁相接壤也

柳樹澗堡塘汎 西地界塘在堡西二十五里設兵二名 石碑澗塘在堡西十里設兵二名 東泥口子灣塘在堡東十里設兵二名 羊糞井兜在堡南十里設兵二名 史家坵在堡南五里設兵二名 口外二道瑞塘在堡東北四十里設兵五名 口外四十里鋪舊設三十里井後移此在堡北四十里設經制外委一員守兵二十名

鹽場堡塘汎 紅沙石梁在堡南八里設兵五名 陽坊墩在堡

定邊縣志

卷二

建置志

塘汎

十

定邊職業學校印

西八里設兵五名

坊表

榆寧重地坊在縣城大街無今

雄封兩鎮坊在協鎮署前坊陰書三府屏藩四字嘉慶二十一年署協鎮宋錢重修

梵王寶刹坊在縣城宏法寺前

玉虛宮坊在縣城元帝廟前

東鑿陰陽坊在縣東門外東嶽廟內

關帝廟坊在縣南城上

劉節婦坊在縣城大街邑民劉謨之妻郭氏康熙年立無今

王節婦白首完貞坊在縣城大街邑民王新貴之妻汪氏康熙五

十七年立

沙節婦媿美燕門坊在縣城大街邑民沙毓俊之妻陶氏康熙五十七年立

賈節婦坊在縣城東街邑民賈世虎之妻謝氏雍正四年立無今

陶節婦坊在縣城北巷口邑民陶魁之妻王氏雍正四年立無今

高節婦坊在縣城大街邑民高孝之妻陳氏乾隆七年立無今

趙節婦坊在縣城西關邑儒童趙廷璞之妻張氏乾隆十三年立

無今

高節婦坊題節標彤管蘭含幽操八字在縣屬紅柳溝西街邑民高晏世之妻何氏乾隆四十九年立

定邊縣志

卷二

建置志

坊表

十一

定職業學校印

定邊縣志

祠祀志卷三

前令戴元夔論曰觀定邑祠祀之多而見邑民事鬼神之道焉夫以定邑五城皆彈丸地而寺廟居什之二三非其誠於施捨求為福田曷克至此嗚呼民畏鬼神不必其在廟中也屋漏且明鑒觀倍赫則即陳祀而覺斯民未始非神道設教之大權也

壇廟 寺觀

社稷壇一名南壇在縣治南門外設縣時建周圍二十丈臺一座寬七尺長一丈

風雲雷雨山川壇一名北壇在縣治西門外設縣時建周圍二十

定邊縣志

卷三

祠祀志

壇廟

一

定職業學校印

丈臺一座寬七尺長一丈嘉慶十七年奉文改神祇壇

先農壇在縣治南門外西南隅設縣時建周圍三十二丈正殿三間東西兩廡各一間門樓一座

文廟在縣城南街雍正十二年發帑知縣佟鉅建未竣復發帑知縣林天章續建成之乾隆二十二年邑紳士捐資增置卧碑鐘鼓祭器等項乾隆五十二年知縣郎澍領帑重修嘉慶十九年署知縣范掄策率同典史宋謙勸捐重修有訓導李簡臣撰碑記

大成殿五間恭懸康熙二十三年

御製萬世師表匾額雍正三年

御製與天地參匾額乾隆三年

御製生民未有匾額嘉慶六年

御製聖集大成匾額

至聖先師孔子神位正中南向

四配東二位 復聖顏子 充國公

述聖子思子 沂國公

西二位 宗聖曾子 成國公

亞聖孟子 鄒國公

十二哲東六位 閔子損 瑯琊公

冉子雍 下邳公 端木子賜 黎陽公

仲子由 河內公

卜子商 河東公 有子若 平陰侯

西六位 冉子耕 東平公

宰子予 臨淄公 冉子求 彭城公

言子偃 丹陽公

顏孫子師 宛邱公 朱子熹 一字元晦

將徽州婺源縣人 寓居建陽之老亭

定邊縣志

卷三

祠祀志

壇廟

二

定職業學校印

東西兩廡各六間

東廡先賢三十九位先儒二十三位

先達 瑗字伯玉 衛大澹臺 滅明 字子羽 魯原 憲 字子思 魯

南宮适字陽侯 魯人 商 瞿 字子木 魯人 漆雕開 字子若 蔡人

司馬新字陽侯 宋人 梁 鱸 字叔魚 齊人 冉 孺 字子魯 魯人

伯 虔字楷 魯人 沐 冉 季 子 子 產 魯人 漆雕徒 父 字子有 魯

漆雕哆字陽侯 魯人 公 西 赤 字野 華 魯人 任 不 齊 字當 陽 侯 楚人

公良儒字正 陳人 公 肩 定 字中 晉人 鄔 單 字子家 魯人

宰父黑字索 魯人 榮 祁 字次 棋 魯人 佐 人 郢 字行 魯人 南

鄭 國字子徒 魯人 原 亢 字子籍 魯人 廉 潔 字子曾 魯人

叔仲會字子期魯人 公西與如字子臨胸侯魯人 吳字子欽魯人

陳亢字子禽陳人 琴張字子開魯人 步叔乘字子車齊人

秦非字子之魯人 顏喲字子聲魯人 顏何字子冉魯人 堂

縣亶字子象侯無樂正克孟子弟子 萬章孟子弟子

周敦頤字茂叔道州人 程顥字伯淳河 邵雍字堯夫河南

先儒公羊高齊人春秋時伏勝字子澠濟南董仲舒廣川人漢儒

后蒼字近君東海人 杜子春漢南 諸葛亮字孔明瑯琊

王通字仲淹河汾人 范仲淹字希文蘇州 歐陽修字永叔廬陵

楊時字中立南劍 羅從彥字仲素南劍 李侗字愿中南劍

呂祖謙字伯恭婺州 蔡沈字仲默建州 陳淳字安卿龍溪

定邊縣志

卷三

祠祀志

壇廟

三

定職業學校印

魏了翁字華父邛州 王伯字會之金華 趙復字仁甫德安

許謙字益之金華 吳澄字幼清撫州 胡居仁字叔心江西

王守仁字伯安號陽明紹興餘姚人 明儒羅欽順字允升江西

西廡先賢三十八位先儒二十四位

先林放殷比干後逃 必不齊字子賤單父 公冶長字子長齊人

公皙哀字季次齊人 高柴字子羔衛人 樊須字子遲齊人

商澤字子季魯人 巫馬施字子期魯人 顏字子淵魯人

曹邨字子循蔡人 公孫龍字子石楚人 秦字子旻楚人

顏高字子驕雷澤壤駟赤 上邽侯秦人 石作蜀字子明秦人

公夏首字乘魯人 鉅后處字子里膠東 奚容蒧字子哲衛人

顏祖字襄魯人富勾并疆字子孟衛人秦祖字子南秦人

縣成字子成魯人公祖勾茲字子之魯人燕字思秦人漢

樂效字子聲魯人狄黑字指衛人林孔忠字子茂聖凡孟

公西歲字子徐城顏之僕字叔魯人兒施之常字子恆魯人

申振字子周魯人左邱明中相後中都伯秦冉字問侯無可

牧皮黃帝臣力牧公都子孟子弟子公孫丑孟子弟子

張載字子厚號橫渠程頤字正叔河南孔安國孔子十一世

先穀梁赤字元始魯人高堂生漢儒魯人孔安國孫漢儒

毛甚趙人漢儒鄭康成高密人漢儒范甯字武子順陽

韓愈字退之南陽胡瑗字翼之海陵司馬光字君實夏縣

定邊縣志

祠祀志

壇廟

四

定職業學校印

尹焞字彥明洛人胡安國字康侯崇安張栻字敬夫綿竹

陸九淵字子靜金谿黃幹字直卿閩縣真德秀字景元浦城

何基字子恭金華陳澔號雲庄都昌金履祥字吉甫蘭溪

許衡字平仲懷之薛瑄字德温河津陳獻章字公輔新會

蔡清字介夫晉江劉宗周浙江山陰陸隴其字稼書平湖

月臺甬道戟門三間泮池櫺星門一座磚砌櫺星門

內東名宦祠三間中供提督陝甘通省學政葉公神牌何年何事

均無西鄉賢祠三間櫺星門外東忠孝祠三間西官廳三間東

旁德配天地坊西旁道貫古今坊中前大照壁殿後尊經閣東崇

聖祠三間大門一座

肇聖王木金父公正中南向

裕聖王祈父公東一南向

貽聖王防叔公西一南向

昌聖王伯夏公東二南向

啟聖王叔梁公西二南向

東配 顏 氏無繇 孔 氏鯉

西配 曾 氏 孟孫氏 澂公宜

東西兩廡各三間

東廡 周輔成敦順之父 程 珦顯順之父 蔡元定沈之父

西廡 張 迪載之父 朱 松熹之父

定邊縣志 卷三 祠祀志 壇廟 五 定職業學校印

按春秋二丁武職與祭康熙四十九年增祀宋儒范仲淹康熙五十二年遷東

廡朱子熹配享十哲之次康熙四十九年建忠義孝弟祠於學宮雍正元年

復祀先賢林放蘧瑗秦冉顏何漢儒鄭康成晉儒范甯雍正二年增

祀先賢縣置牧皮樂正克公都子萬章公孫丑漢儒諸葛亮宋

儒尹焞魏了翁黃幹陳淳何基王柏元儒趙復金履祥許謙陳

澔明儒羅欽順蔡清 國朝陸隴其雍正二年增祀宋儒張迪配享

崇聖祠雍正二年加增祭品祭器樂器圖冊雍正三年追封木金父

公為肇聖王祈父公為裕聖王防叔公為貽聖王伯夏公為昌

聖王叔梁公為啟聖王改啟聖祠為崇聖祀雍正三年改宋儒周敦

頤程顥程頤張載邵雍為先賢升先儒上雍正三年復祀元儒吳澄

乾隆三年遷東廡有子若配享十哲之位乾隆三年部頒先賢先儒依史

傳按年序次兩廡陳設圖式乾隆十年造祀明儒劉宗周道光二年

查先賢南宮造史記作括梁鱸一名鯉廉潔一名絜公西興如

一作公伯輿名加琴張一名牢公哲哀一公哲顏高一名刻后

處一作石處顏祖一名相燕一作級公西歲一作減

城隍廟在縣城北街創建無考明萬曆六年兵備副使姚繼可重修先時止正殿三間增建寢宮殿後捲棚東西兩廡各十五間塑設六曹像二門外東西廂房各二間大門三間上置樂樓有碑記康熙四十一年重修有題名額雍正年重修乾隆年修寢宮獻殿鐘一口鐵燈一座俱天啟三年鑄嘉慶二十二年知縣黃沛典史

定邊縣志

卷三

祠祀志

壇廟

六

定職業學校印

宋謙捐俸暨士庶捐資重修獻殿并後殿大門樂樓俱升高增建獻殿前捲棚修塑兩廡六曹像磚砌甬道

文昌閣在縣治東南隅城上康熙初年建正殿三間東西廂房各

二間大門一座并鐘樓鼓樓鐘一口康熙十年鑄殿後即

魁星樓樓閣三層配合城垣角樓康熙四十九年重修乾隆四年

重修嘉慶二十年紳士武志道姜大魁劉觀海等倡捐重修

關帝廟在縣城北街創建代年無考凡正殿三間獻殿三間東西

兩廡各十三間壁繪帝顯蹟二門湊合樂樓二門外東西廂房各

四間大門三間康熙三十五年重修有碑記雍正三年追封三代

公爵創建後殿三代祠

光昭公正中南向
裕昌公東一南向

成忠公西一南向乾隆年重修有拔貢生牛薦撰碑記嘉慶十九年署協鎮宋鉞護中軍都司解聖易勅捐重修復於正殿東偏增建關將軍祠西偏增建周將軍祠並建鐘樓鼓樓月臺并樂樓後高砌甬道平接大門有刑部司廳王銓撰碑記正殿簷下鐘一口萬曆六年鑄鐵大刀一架嘉靖十三年鑄鐵小刀一架崇貞元年鑄月臺上東設鐵鼎一座西設小鐵爐一座均創鑄無考大門前鐵旗桿嘉慶十一年武生劉德輝捐鑄豎立是廟春秋二仲官為崇祀縣城尚有關帝廟二聽民祀之一在中門甕城明時創建正

定邊縣志

卷三

祠祀志

壇廟

七

定職業學校印

殿三間銅像甲冑乘馬東西廂房各二間大門一座照壁一座鐘一口萬曆二十七年鑄鼎一座萬曆三十年鑄鼎上有錢一文相傳鼎屢鑄未成得貧婦捨擲此錢乃成一在南門城上明萬曆八年建正殿一間銅像為鎮南山乾溝水康熙四十七年重修龍王廟在縣治南門外高臺創建無考正殿三間東西兩廡各三間二門外東西廂房各三間大門一間樂樓一座厲壇在縣治西門外

節孝祠在縣城南街文廟東 以上壇廟皆載在祀典

玉皇閣 雷祖樓在縣城大街鼓樓上明萬曆三十八年建有延綏糧鹽同知羅昂撰碑記

元帝廟在縣城北街創建無考正殿三間東廡三間為五祖祠西廡三間為七真祠二門外東廊為靈官祀西廊為孤魂祠大門三間照壁一座明萬曆四十六年重修以南山乾溝水直衝城垣必須倚北樓築崇臺鎮之復於正殿後增建甃砌磚臺三重暨坊三座第一重榜曰一天門東西兩廡各一間東設馬帥像西設趙帥像第二重榜曰二天門中殿三間供聖父母像第三重榜曰三天門中殿三間供元帝銅像東西鐘樓鼓樓各一座最上北樓一座是則風氣聚而形勝固斯可永祈莫安之慶矣有邑貢生官縣丞溫學詩撰碑記

藥王洞在元帝廟東創建無考甃砌磚洞旁一間為孫祖祠洞上

定邊縣志

卷三

祠祀志

壇廟

八

定職業學校印

三間為三皇閣兩旁設十代名醫東西有角門大門前偏西設藥樓一座康熙年重修

眼光殿在元帝廟西創建無考殿三間設磚甃高臺上臺下洞室三中供財神像雍正年重修

馬神廟在北街關帝廟西先時無專祠曾供協鎮署大箭道迨後附供眼光殿臺下洞室嘉慶二十年署協鎮宋鉞護中軍都司解聖易建此迎供之凡正殿三間大門一間照壁一座有匾額叙火神廟在北街城隍廟西乾隆五十八年創建正殿三間捲棚三間東西廂房各三間大門一間照壁一座廟內殿後為協鎮營火藥局

三官廟在火神廟西創建無考正殿三間東北角一間設呂祖像東西兩廡各三間設十帝像二門一間大門三間正殿後三間為三清殿東廊設元帝像西廊設雷祖像雍正年重修三官殿乾隆年重修三清殿

宏法寺在縣城西北隅明時創建後層佛殿五間藏經閣一座中層三間為大佛殿東廡設十八羅漢像西廡設觀音大士像山門三間面殿設韋馱像前設彌勒佛像兩旁設四金剛像嘉慶三十八年重修萬曆四年重修有兵備副使陳燧撰碑記乾隆年僧鑑如募捐重修相傳後層佛殿中供銅佛像邑人昔於邊外見銀鼠入穴共掘得之銅色古潤

定邊縣志

卷三

祠祀志

寺觀

九

定職業學校印

財神廟在縣城西街創建無考正殿三間供真武帝像捲棚三間南北兩廡各八間南廡設馬王像財神像祿神像火神像五穀神像山神像土地神像北廡設藥王像財神像河神像壽星像靈官像正殿西北角西南角禪房共九間大門一間前設藥樓一座魯班廟在財神廟南雍正四年創建正殿三間中供老君像左供魯班師像右供羅祖像大門一間乾隆年重修有拔貢生牛薦撰碑記

白衣寺在魯班廟南創建無考正殿三間面殿設韋馱像山門一間康熙年重修

大娘娘廟在北街藥王洞東康熙年移建正殿三間東西兩廡各

一間二門外東西廂房各三間大門三間

二娘娘廟即麻嶺菴在縣城北巷創建無考正殿三間西廂房二

間大門一間雍正年貢生李憲糾工重修

紫荊菴在縣城南濠池坡上創建無考正殿三間面殿設韋馱像

南廂房三間北房一間大門一間

菩薩殿一名南寺在縣城南街明時創建正殿三間中供觀音大

士像面殿設韋馱像東西兩廡各二間東廡設牛王像水草神像

山門一間照壁一座康熙二十三年重修有副將師帝賓撰碑記

雍正年重修鐘一口萬曆三十二年鑄

牛王廟在西關北街乾隆年創建正殿三間中楹設關帝像東楹

定邊縣志

卷三

祠祀志

寺觀

十

定邊職業學校印

設牛王像東西廂房各二間大門一間

東嶽廟在縣治東門外演武庭東康熙年移建正殿三間捲棚三

間東西隅廂屋各三間東隅為子孫娘娘殿儀門外東西兩廡各

六間分設十五像二門三間大門三間前設樂樓一座雍正十二

年重修有訓導賈爾鐸撰碑記庠生梁宗晉種植榆柳鐘二口一

係萬曆十八年鑄一係萬曆三十九年鑄鼎一座萬曆十八年鑄

是廟每年三月二十八日賽祀四方貿易咸集

三義廟在縣治南門外關廟創建無考正殿三間東西兩廡各三

間前樂樓一座東隅耳房二間大門一間康熙四十三年重修增

獻殿三間有增生陳章撰碑記乾隆十九年鑄設鐵人鐵馬鐵旗

桿

十方禪院在三義廟街西萬曆三十五年創建佛殿三間捲棚三間南北廟房各三間山門一間面殿設韋馱像前設關帝像康熙二十五年重修乾隆十七年僧鑑如募捐重修

安邊堡城

城隍廟在大街 文昌閣在北城上 魁星樓在東南城上 三

皇廟在南城上 關帝廟在東北街創建無考嘉慶十九年署同

知多福勸捐重修額曰保安寺有碑記 銅關帝廟元君廟俱在

西街真武廟財神廟三聖廟三官廟俱在北街 馬王廟白衣殿

俱在東北街 南寺在南街 觀音寺靈官廟俱在鼓樓西

定邊縣志

卷三

祠祀志

寺觀

十一

定職業學校印

鼓樓在西門大街鐘一口明宏治年鑄時刻聲音不一 東嶽廟

東龍王廟俱在東門外 西龍王廟鷄首寺俱在西門外

磚井堡城

城隍廟在北街嘉慶二十二年重修 文廟在北街乾隆四十七

年重修 關帝廟在北街嘉慶八年重修 魁星樓在東南城角

上 真武廟三官廟靈官廟俱在北街 娘娘廟二一在北街一

在南街 馬王廟在北街嘉慶十二年重修 佛寺在北街乾隆

五十五年重修 觀音寺在南街 鼓樓在大街 五聖廟在城

中街乾隆五十二年重修 龍王廟在東門外乾隆四十二年重

修

柳樹澗堡城

城隍廟在北街嘉慶七年重修關帝廟二一在西門外山上明萬
曆戊午年重修一在西門外三里興集兜庄 三官廟在中街明
萬曆戊午年重修 永寧寺在城街明嘉靖十年重修 火神廟
在城街乾隆五十二年重修 馬王廟在城街康熙壬辰年重修
眼光藥王廟在城街明萬曆戊午年重修 真武廟在西門外
山上 菩薩殿在西門外山上明萬曆戊午年重修 龍王廟在
西門外山頂乾隆五十二年重修 娘娘廟在西門外山上乾隆
五十九年重修

鹽場堡城

定邊縣志

卷三

祠祀志 寺觀

十二

定職業學校印

城隍廟關帝廟土地廟真武廟玉皇閣銅像三官廟三清殿靈官廟

黑虎廟馬王廟佛廟四大天王廟俱在北街 娘娘廟在東北隅

觀音廟靈機菩薩廟俱在南城上 龍王廟在西城外 三義廟

在東門外相傳神座下係海眼先時水常汎溢浸害蔬圃土人因

建是廟永鎮奠安 鹽神廟在北城外創建無考嘉慶十八年鹽

課大使蘇廷舒勸捐重修

縣屬各鄉俱建廟宇 畧載一二

王來家灘關帝廟嘉慶九年貢生王陞經制外委牛學聖倡捐建

立正殿三間捲棚三間東楹設娘娘像西楹設龍王像牛王像馬

王像東西廂房各三間大門院墻前設樂樓

倉吉灣娘娘廟西首為龍王祠設鐘樓鼓樓山門前設樂樓
紅柳溝文昌閣在街東口乾隆五十七年武生郭玳倡捐建葺未
竣弟武舉郭璵落成嘉慶十四年璵子廩生永剛復在前院興建
大成殿並添廟屋村學集此 關帝廟在街中正殿一間捲棚三
間東隅設馬王像西隅設財神像東廡設火神像西廡設龍王像
大門前設樂樓 大王廟在街西 土地廟大寺俱在街北
紅庄兜關帝廟龍王廟俱在街西口 地藏廟在街東口
張千戶公關帝廟在街中觀音閣俗名倒坐觀音廟在東北街口
橋上背面設靈官像

馮家庄藥王洞在庄北殿係磚甃洞室東廡設娘娘像大門一間

定邊縣志 卷三 祠祀志 寺觀 十三 定邊職業學校印

鄉民每遇疾病求神藥服即愈靈驗如應每年四月初八日集祀
香烟甚盛嘉慶十九年重修

石滂寨藥王洞在山嘴上係土窑洞最深設殿數層明時建也

陡溝子磚井堡東界關帝廟帝座係麥草所編歷年久遠光燦如
新相傳有孝女為父祈病就痊女手編敬獻

瓦剎梁關帝廟廟後井深十數丈嘉慶十九年夏亢旱官民各設
壇祈久未得雨曾往此井迎水供禱即沛甘霖誌之以垂來茲

閣門關帝廟佛寺 彭家灘關帝廟 卜家掌文昌閣雍正年崔

姓募建 陳家西庄關帝廟祖師殿娘娘廟 胡家澗保寧寺

大隰家灘大佛寺 雙墩兜關帝廟在縣治西門外二十里 草

灘墩關帝廟在縣治東邊牆外八里

定邊縣志

卷三


祠祀志 寺觀

十四

定邊職業學校印

定邊縣志

于右任



定邊縣志

田賦志卷四

前論戴元夔論曰余觀定邑地既苦寒又多磽瘠周禮所謂一易再易三易者且地不宜桑麻人不識織衽家無蓋藏衣食維艱一遇凶歲輒輕去其鄉而不顧我

國家休養生息無鋒鏑之虞無調戍之苦無虛丁重賦之累百數十年宜乎躋於富教矣而民生惰於耕作地有遺利民有餘力民食未充職此之由是在為上者有以教之而民惟服田力穡以望有秋庶生齒繁而倉廩實蒸蒸日上進於禮義孝弟之風矣

恩澤 蓋蠲免錢糧密免錢糧皆 聖主軫卹羣黎之至意誌以 皇仁有加無已今增輯之冠於是志之首

定邊縣志

卷四

田賦志

恩澤

定職業學校印

乾隆二十三年六月奉

旨乾隆十八年至二十一年積欠常平倉穀及二十一年借支牛具折還穀石俱全數豁免餘分作五年帶徵

乾隆三十七年二月奉

旨蠲免乾隆三十六年額徵地丁錢糧并蠲免本色糧草

乾隆四十二年十月奉

旨乾隆四十三年額徵地丁錢糧全數蠲免并蠲免本色糧草

乾隆四十四年奉

旨積年民欠自乾隆二十六年至三十七年止全數豁免

乾隆四十九年潤二月奉



旨蠲免膚施等十縣乾隆四十七八兩年民欠額徵地丁錢糧並本色糧草

乾隆五十五年五月奉

旨輸免膚施等十縣乾隆五十六年額徵地丁錢糧並本色糧草

乾隆六十年十二月奉

旨蠲免膚施等十縣嘉慶元年額徵地丁錢糧並本色糧草本免耗羨銀兩是年膚施安塞靖邊定邊四縣被旱災除按分數蠲免外其餘分作三年帶徵

嘉慶元年三月奉

旨蠲免乾隆五十五至五十六七八等年民欠出借常平倉額穀

定邊縣志

卷四

田賦志

恩澤

二

定邊職業學校印

一千八百六十二石零

嘉慶元年被災案內十二月奉

旨撫卹貧民口糧並豁免本年屯糧共穀一萬四千六百廿一石零

嘉慶五年三月奉

旨蠲免乾隆六十年民欠出借常平倉額穀五千四百三十九石

零

嘉慶八年五月奉

旨蠲免嘉慶元二七等年民欠出借常平倉額穀十分之五計三千六百三十石零

嘉慶十四年五月奉

旨蠲免嘉慶元七等年民欠出借常平倉額穀四千八十三石零
土田

雍正九年設立定邊縣接收榆林衛原額屯地二萬三千八百五
頃一十八畝內 一等地三千四百三十三頃四十一畝九分一
釐荒地二千五百九十八頃七十畝實熟地八百三十四頃七十
一畝九分一釐 二等地四千五百三十頃四十二畝一分八釐
荒地四千三百七十九頃四十二畝三分節年開墾復熟地一十
七頃三十八畝實荒地四千三百六十二頃四畝三分實熟地一
百六十八頃三十七畝八分八釐 三等地八千八百三十八頃
一十四畝四分四釐荒地八千四百四十九頃六十七畝節年開

定邊縣志

卷四

田賦志

土田

三

定邊職業學校印

墾復熟地一百一十六頃七十一畝實荒地八千三百三十二頃
九十六畝實熟地五百五頃一十八畝四分四釐 四等地一千
二百一十六頃九十九畝四分七釐荒地一千一百一十四頃六
十畝六分節年開墾復熟地九十八頃實荒地一千一十六頃六
十畝六分實熟地二百頃三十八畝八分八釐 山坡嶮地五千
七百八十六頃二十畝全荒 以上實熟共地一千七百八頃六
十七畝一分

原額蕪餘地一千六百四十頃九十五畝一分內 實熟上地一
百一十二頃九十一畝一分六釐九毫五絲 中地一千五百七
十頃五十八畝六分三釐五絲內荒地一千五百一十一頃九十

二畝一分節年開墾復熟地四頃五十三畝實荒地一千五百七
頃三十九畝一分實熟地六十三頃一十九畝五分三釐五絲
零星地九百五十七頃四十五畝二分全荒 以上實熟共地一
百七十六頃一十畝七分

額外安邊堡原額養廉地三十一頃二十畝內荒地一十七頃八
十畝實熟地一十三頃四十畝 饒陽水堡節年開墾無主荒地
一十頃二十畝 以上實熟開墾共地二十三頃六十畝
通額內額外各等實熟共地一千九百八頃三十七畝八分

額賦

雍正九年設立定邊縣接收榆林衛原額屯地各科銀糧不等共

定邊縣志

卷四

田賦志

土田

四

定職業學校印

額徵本色糧二萬六千六百五十四石七斗九升六合徵九釐均
徭馬價銀一千二百五兩九錢四分三釐七毫六絲一忽九微六
纖四塵內九釐銀三百一十五兩八錢七分四釐五毫六絲一忽
九微六纖四塵均徭銀四百五十六兩一錢四釐二毫馬價銀四
百三十三兩九錢六分五釐內 一等地每畝科本色糧一升二
合科九釐銀九毫二絲除荒地免徵外實熟地八百三十四頃七
十一畝九分一釐應徵本色糧一千一石六斗六升二合九勺二
抄應徵九釐銀七十六兩七錢九分四釐一毫六絲一忽九微六
纖四塵 二等地每畝科本色糧一升一合六勺科均徭銀六毫
四釐除荒地免徵外實熟地一百六十八頃三十七畝八分八釐

應徵本色糧一百九十五石三斗一升九合四勺八撮應徵均徭銀一十兩七錢七分六釐二毫四絲三忽二微 三等地每畝科本色糧一升一合二勺科均徭銀一毫八絲八忽除荒地免徵外實熟地五百五頃一十八畝四分四釐應徵本色糧五百六十五石八斗六合五勺二抄八撮應徵均徭銀九兩四錢九分七釐四毫六絲七忽三纖二塵五渺 四等地每畝科本色糧一升一合二勺除荒地免徵外實熟地二百頃三十八畝八分八釐應徵本色糧二百二十四石三升五合二勺四抄四撮 山坡嶮地每畝科本色糧一升四勺科馬價銀七毫五絲全數荒免無徵 以上共實徵本色糧一千九百八十七石二斗二升四合二勺共實徵

定邊縣志

卷四

田賦志

額賦

五

定邊職業學校印

九釐銀七十六兩七錢九分四釐一毫六絲一忽九微六纖四塵二塵五渺 共實徵存留均徭銀二十兩二錢七分三釐七毫一絲二微三纖

原額羨餘地每畝各起科不等共徵銀一千二百六十七兩五分四釐內 實熟上地一百一十二頃九十一畝一分六釐九毫五絲每畝科銀八釐應徵銀九十兩三錢二分九釐三毫五絲六忽中地每畝科銀四釐七毫三絲六忽四微二纖七塵除荒地免徵外實熟地六十三頃一十九畝五分三釐五絲應徵銀二十九兩九錢三分一釐九毫九絲五忽二微 零星地每畝科銀四釐五毫二絲六微一纖七塵全數荒免無徵 以上共實徵銀一百二

十兩二錢六分一釐三毫五絲一忽二微

額外安邊堡原額養廉地每畝科銀六釐除荒地免徵外實熟地

一十三頃四十畝應徵銀八兩四分 饒陽水堡節年開墾無主

荒地一十頃二十畝每畝科糧一升科九釐銀三釐應徵本色糧

一十石二斗應徵九釐銀三兩六分 以上徵銀八兩四分徵糧

一十石二斗徵九釐銀三兩六分

通共徵本色糧一千九百九十七石四斗二升四合二勺 此項糧石

支放次年五通共徵九釐均徭等項銀二百二十八兩四錢二

分九釐二毫二絲三忽三微九纖六塵五渺 此項銀兩留支官校俸工訖

嘉慶十九年鹽課攤入地丁銀內徵收每徵九釐均徭等項銀一

定邊縣志

卷四

田賦志

額賦

六

定邊職業學校印

兩攤徵鹽課銀七錢一分二釐四毫四絲五忽零應攤徵鹽課銀

一百六十二兩七錢四分三釐二毫八絲九微五塵六渺

丁賦 原額無

國朝順治十年奉文編審出人丁一百九十五丁內上了九丁每

丁徵銀一兩共銀九兩中丁二十四丁每丁徵銀六錢共銀一十

四兩四錢下丁六十六丁每丁徵銀三錢共銀一十九兩八錢下

下丁二十丁每丁徵銀一錢二分共銀二兩四錢下下赤身貧丁

七十六丁每丁徵銀七分二釐共銀五兩四錢七分二釐 以上

共應徵銀五十一兩七分二釐

康熙元年起至五十年止編審新增丁一百九丁內上了五丁中

丁二十丁下丁七十二丁下丁一十一丁下下赤身貧丁一丁俱照前分別徵銀 以上共應徵銀三十九兩九錢九分二釐開除年老病故丁一十一丁內中丁三丁下丁八丁共開除銀四兩二錢

康熙五十五年起至乾隆二十六年止編審出丁一十三丁乾隆三十一年編審出丁一丁乾隆三十六年編審出丁一丁共丁一十五丁欽遵康熙五十二年三月十八日

聖祖恩詔海宇承平日久戶口日繁州縣徵收錢糧但據康熙五十年報部丁數為常額數額數之外其餘續生人丁永不加賦貴在人丁二百九十三丁共應徵銀八十六兩八錢六分四釐雍正

定邊縣志

卷四

田賦志

丁賦

七

定職業學校印

五年攤入地糧徵解乾隆二年以屯更銀糧均丁應增銀九兩八錢九分六釐八毫三絲二忽二微五纖四塵四渺

通共徵丁銀均丁銀九十六兩七錢六分八毫三絲二忽二微

五纖四塵四渺

此項銀兩留支官役俸工訖

嘉慶十九年鹽課攤入地丁銀內徵收每徵丁銀一兩攤徵鹽課銀七錢一分二釐四毫四絲五忽零應攤徵鹽課銀六十一兩八錢八分五釐八毫三絲一忽一微六纖六塵四渺每徵均丁銀一兩亦照前攤徵應攤徵鹽課銀七兩五分九毫四絲九忽六微四纖五塵二渺

通共攤徵鹽課銀六十八兩九錢三分六釐七毫八絲八微二

織八沙

丁賦遇閏加徵銀八錢二分二釐二毫四微四纖三渺鹽課遇閏不加徵

戶口

郡志按縣屬舊係衛所原設五堡雍正九年將定邊堡改為縣城分為三鄉東鄉磚井堡離縣城四十里編為三百六十六牌應差安邊堡離縣城九十里編為三百四十九牌應差西鄉鹽場堡離縣城二十五里編為六牌應差南鄉柳樹澗堡離縣城一百七十里編為二百六十一牌應差北面附近邊塢

乾隆三十四年編查縣城並南鄉隸城二百一十三村庄共四十

定邊縣志

卷四

田賦志

戶口

八

定職業學校印

六甲四百六十六牌四千六百七十九戶磚井堡安邊堡並東鄉隸二堡四百六十九村庄共七十四甲七百四十九牌七千四百九十九戶鹽場堡並西鄉隸堡三村庄共二甲二十二牌二百二十六戶柳樹澗堡並南鄉隸堡一百四十七村庄共一十四甲一百四十五牌一千四百五十七戶

嘉慶十九年起歷年奉文編查縣城內分三保一十四甲一百二十五牌共土著烟戶一千一百九十二戶共男女大小六千三百九十七名口客戶八十五戶共男女大小三百一十三名口東鄉柳樹澗堡為柳樹澗里並所屬東路西路三屯張千戶岔隨堡口外分六里安邊堡為安邊里並所屬東邊山西邊山東路西路東

屯西屯分七里二共二百八十五村一十六保四十三甲四百六十九牌共土著烟戶四千八百戶共男女大小一萬八千五十四名口客戶六十三戶共男女大小二百七十八名口西鄉定邊堡為定邊里並所屬廟兒塘鴉兒塘木瓜塘回回塘三山塘分五里共二百八十二村一十五保四十六甲四百三十六牌共土著烟戶四千六百四十九戶共男女大小三萬一千一百五十三名口客戶一十四戶共男女大小四十三名口南鄉磚井堡為磚井里並所屬頭二塘三四塘東路西路石澇寨五所分七里共三百二十村一十七保四十四甲四百一十二牌共土著烟戶四千三百七十三戶共男女大小一萬四千九百零一名口客戶一十一戶共男

定邊縣志

卷四

田賦志

戶口

九

定邊職業學校印

女大小三十五名口北鄉鹽場堡為鹽場里並所屬波羅池朱家嘴分三里共一十一村一保三甲三十四牌共土著烟戶三百三十一戶共男女大小一千六百一十七名口客戶七戶共男女大小二十一一名口

以上五堡四鄉土著並寄籍各烟戶通共一萬五千五百二十五戶通共男女大小七萬二千八百一十一名口通共一千三百七十六牌一百五十甲五十二保按縣城北距邊牆並無北鄉茲以鹽場堡地處西北作為北鄉聲明詳報在案

茶法

國朝順治十一年榆林神木二道行茶法從御史姜圖南請也中

路紅山市口額發茶引一千道徵銀三千九百兩東路神木黃甫
川市口額發茶引三百三十四道徵銀一千三百二兩六錢其引
於巡撫茶馬察院領繳商人俱往荆襄市茶至邊口易賣康熙七
年歸併巡撫甘肅都御史而司其出入者則屬之中東兩廳至稅
契雜稅大使掌之今自立縣以來知縣掌焉其定邊茶引一百
道昔年無之乾隆年自榆林分給乃有茶商每年銷茶引一百道
徵課銀三百九十兩解司充餉

榆林額領茶引一千道每年徵解茶課銀三千九百兩向係榆葭
道衙門領繳引張盤驗茶片在於榆懷靖定一帶行銷辦課嗣因
乾隆二年奉文靖定二縣分隸延安府管轄地方雖經分屬茶引

定邊縣志

卷四

田賦志

茶法

十

定職業學校印

仍係榆商照舊行銷八年榆商郭通以定靖二縣原係行茶地方
因分隸延安不由榆林管茶衙門管轄奸民乘機私販地方官因
無茶法責任緝捕不力以致官茶阻滯商多賠累呈請將引張按
地分銷詳明茶馬察院批飭查議隨經延榆二道議令定靖二縣
各分銷茶引一百道批准招商承辦旋因招商無人輟轉議詳駁
飭定邊始於十三年議報定公茂充商此定邊立商分銷茶引之
由來也

榆林原額茶引一千道該府具詳榆葭道發批差赴茶院衙門領
引給商該商前赴湖廣安化縣照引購買茶片由水路至襄陽府
掛號截角又由陸路入山西境至汾州府河西驛過河即陝西綏

德州該州查驗茶封轉運榆林赴榆葭道秤驗給商在榆林懷遠定邊靖邊等縣邊口鄂爾多斯地方行銷至銷過殘引呈繳榆葭道發批赴茶院衙門繳銷其每年茶課初議每引運茶一百斤附茶一十四斤內交官茶三十斤嗣每茶一斤折價銀一錢三分不交官茶每引一道納茶價銀三兩九錢共銀三千九百兩解司充餉此外每引一百道應解部飯銀差役盤費銀四錢六分五釐五毫應解奏銷解部飯銀差役盤費銀一兩八錢八分九釐應解部紙價銀三錢三分三釐三毫乾隆十三年八月陝西巡撫陳宏謀於藩司查詳陝西額銷茶引並領引置茶稽查盤驗行銷地方繳銷殘引各章程內聲明榆商每引一百道配正額茶一百斤附茶

定邊縣志

卷四

田賦志

茶法

十一

定職業學校印

一十四斤係二十兩秤連包皮六斤每引共合計一百二十斤係循照定例批飭定靖二縣茶法即遵照榆林章程辦理

定靖二縣運茶路徑自乾隆十三年分引以來由綏德州屬之西河驛過渡赴榆葭道衙門盤驗二十年榆葭道移駐榆林委綏德州吏目過驗二十五年定靖茶商以茶斤路遠費重不能同榆茶一路行運呈請詳准由延安府一帶行運改委寧條梁巡檢過驗嘉慶五年定茶引積課累復請更路行運據定商雷賡韶稟定靖二縣運茶舊路自山西蒲州府起由襄陵縣屬白子源渡河經保安縣屬侯家河灣至靖邊境行順寧堡王家崖窰寧條梁入定邊縣計程一千三百五里較靖邊商茶遠行二站計程既遠買價應

昂蒙人貪圖買賤定茶不能行銷致引積課虧官商並累查從前榆林引分既可殊途此特定靖引分何妨異路應請更改新路自山西蒲州府起由朝邑縣屬上新庄渡河經澄城洛川鄜州保安縣屬金湯鎮至靖邊境馬營金佛兜坪盧家角吳旗入定邊縣計程一千一十里道路較近費輕價減商課兩裨詳明准行委鹽場堡縣丞過驗十二年鹽場堡縣丞裁詳委定邊捕衙過驗

嘉慶七年定商雷賡韶以靖商宗繼聖扶請更新路之嫌阻截茶馱涉訟提省審結藩司檄飭會查定靖二縣口外行茶是否亦有分界定商運茶新路設過陰雨連綿河水漲發應否仍由舊路行走一併悉心妥議會詳

署靖邊縣知縣奎豐署定邊縣知縣鄭永江

會查得靖邊縣所

定邊縣志

卷四

田賦志

茶法


十二

定職業學校印

屬各堡口外與定邊縣所屬各堡口外雖堆界均係蒙古地面而蒙古人等赴內地交易往來無常有此處到彼處交易者有彼處到此處交易者原無定向買食茶斤若不任其自便殊屬免強的議任客投主聽其自便惟期兩縣銷茶各無妨碍不致積引病商其因地制宜似屬可行再查定商運茶來路無論新舊二路均由靖邊過境若拘以一路設過河水漲發抑或脚力難覓即阻滯不行况陰晴雨雪南山每有不同其時設過新路之馬營吳旗一帶水阻茶須由舊路而行舊路之順寧王家窰一帶有限茶應由新路而走路能聽其自便茶可無虞羈滯則兩縣茶務自無阻滯之處而爭端亦得永杜矣由府轉核詳司奉批據詳蒙古人等赴內

地交易應不分疆域聽其自便並定商運茶新舊兩路均許行走各緣由已悉仰即轉飭該縣等曉諭各商遵照

竊查該商雷賡韶係屬晉民當定邑茶務久經廢弛之時接召應商能於數年中酌度行運利益力為整頓俾後之承辦茶務永無阻滯從此官商兩免課累可謂善籌特務者矣



定邊縣志

田賦志卷五

鹽法

國朝因明制裁減鎮兵停止邊引原額引一萬四千四百道課銀二千二百四十六兩四錢行於膚施安塞甘泉保安安定宜川延川延長靖邊定邊清澗鄜州洛川中部宜君一十五州縣康熙十五年每引加增銀五分共增銀七百二十兩十七年遇閏加引一千二百道課銀二百四十七兩二錢定邊五城堡共銷引九百五道共徵銀二百三十一兩六錢八分

定邊堡一百七十六引遇閏加一十五引磚井堡二百五十三引

定邊縣志

卷五

田賦志

鹽法

一

定職業學校印

遇閏加二十二引新安邊七十二引遇閏加六引舊安邊堡二百五十三引遇閏加二十二引柳樹澗堡一百一十五引遇閏加九引三山屯一十四引遇閏加一引饒陽屯七引遇閏加一引鹽場堡一十五引遇閏加一引

按唐有鹽池十八皆隸度支五原有白池烏池瓦窰池細項池明大小二池附靈州鎮兵歲給鹽引十五萬六千四百八十二引內淮引八萬五千七百一十二引每引納銀五錢浙引七萬七百七十引每引納銀二錢五分共銀六萬七千六百二十五兩零鹽商照依時估糴米豆赴鎮城及東路各堡上納以東路無屯而延南州縣道遠難運故也納畢領引赴產鹽天順四年太監王

清奏請中花馬小鹽池額課三萬引大鹽池一萬五千引成化八年每引中銀一錢五分延寧二鎮兼收正德十年輪解發三邊買馬始延綏次寧夏次甘肅特二池額課祇一萬三千九百餘引嘉靖二年戶科給事中王璫條奏停止買馬專一招商以供茶馬萬豆九年總制王瓊以大鹽池去靈州頗遠且密通延綏改屬本鎮乃分大鹽池額課三百餘引每鹽二百斤入價三錢五分隆慶四年題准河東運司將延安府地方改食池鹽五年題准花馬大小二池鹽每引照鹽八石四倍河東令商報納按花馬小池在甘肅靈州會安堡大鹽池在鹽場堡城外曰花馬池明史食貨志洪武三年戶部奏陝西察罕腦兒地有大小二鹽池請設鹽課提舉司此即大鹽池

定邊縣志

卷五

田賦志

鹽法

二

定職業學校印

也明初隸寧夏衛嘉靖九年改屬定邊衛池周十六里許南風至即水成鹽自然凝結郡志按花馬大池坐落定邊縣地方距府城五百五十里距縣城二十里周圍一十六里舊志周圍二十七里本西秦牧地即土治鹽故名花馬池原隸甘肅靈州明嘉靖九年總制王瓊以大池去靈州遠且密通延綏奏准改屬延綏鎮鹽場堡每年二月間於池內開治壩畦引水入池灌畦風起波生日晒成鹽用力極易惟天旱少水或雨水過溢所產差少

爛泥池在大池西南一十六里周廣一十六里東九里屬定邊西七里屬甘肅靈州波羅池在大池西南二十里周廣一十里蓮花池又名連環池在大池西南三十里周廣一十八里東南角一十

里屬定邊西北角八里屬甘肅靈州紅崖池在大池西南三十五里周廣一十二里娃娃池在大池西南四十里周廣一十里通志按以上六池惟大池有海眼七處可以開治壩畦其五池無海眼亦無壩畦產鹽無定 按五池較大池產鹽粒大惟體輕延綏鎮志按鹽池考之西漢朔方郡有青鹽澤金蓮鹽澤又北地之弋居上郡之獨樂龜茲屬國都尉西河之富昌朔方之沃野五原之城宜各有鹽官唐有鹽池十八其在鹽州五原有烏池白池瓦窰池細項池靈州有溫泉池而井池長尾池五泉池紅桃池回樂池宏靜池與會州河池皆輸米以代鹽安北都護府有胡落池歲得鹽萬四千斛以給振武天德令鎮屬之池東有長鹽池紅鹽

定邊縣志

卷五

田賦志

鹽法

三

定職業學校印

池西有西紅鹽池鍋底池狗池及大鹽池其長鹽池西紅鹽池鍋底池俱避境外固無庸議而西路如狗池與寧夏之柳楊一堡無故棄之惜矣

縣卷花馬大池南北約二里許東西約六里許周圍約計一十六里每年二三月間開撈起至八月止約計產鹽八百萬片上下若遇大雨時行化成淡水不能成鹽或遇天氣亢旱不能出鹽則有池南里許土稱海眼七個名曰鹽井壩夫引取井中之水築壩分畦澆晒成鹽以濟大池之不足此花馬大池出鹽之情形也此項鹽斤係供漢中府所屬各州縣及延安鄜州所屬並清澗一十五州縣計額引三萬九千四百道內漢中府屬共引二萬五千道

延慶並清澗共引一萬四千四百道其引並無運商行運係屬民運民銷所設土商專司赴延安府領繳引張並不出資販運亦不承領帑本惟事配發鹽引將引張赴鹽大使衙門截角各州縣脚戶來池報明某州縣支鹽配引馱往銷售其鹽課每引一道配鹽二百片額徵銀二錢五分六釐各州縣按額引多少在於里民徵收完納解交藩庫造冊呈請河東鹽院奏銷池上土商每引一道向脚戶收錢一百二十文為領繳引張紙筆路費之用名曰引價至撈晒鹽片向募本地居民名曰壩夫計設四十五名並無額設工食每引一道給鹽價銀一錢以五分為壩夫工本以五分為祭賽池神及堵築水口修理鹽井壩畦并巡役等口食之需或遇鹽

定邊縣志

卷五

田賦志

鹽法

四

定職業學校印

旺之時添雇土民名曰浮人多寡不一隨時添減此行鹽辦理之章程也

乾隆五十八年八月陝撫晉撫會奏以上年奏准河東鹽課攤歸地丁鹽政業以奉裁延安漢中榆林鄜州綏德五府州屬鹽課未便仍循其舊查五府州屬除葭州吳堡二州縣因食零星小販鹽斤向無鹽課外其膚施等三十一廳州縣每年額徵地丁銀共一十三萬四千三百六十餘兩應徵鹽課銀共八千九百八十餘兩請以五十九年為始將五府州屬鹽課銀兩併歸地丁攤徵計每地丁銀一兩攤徵鹽課銀六分六釐八毫三絲七忽二微七纖鹽斤聽民自行販運銷售奏准遵行

乾隆五十九年六月戶部核議延安五府州屬鹽課攤入地丁徵收善後事宜案內除留壩一廳向無鹽課免其攤徵外其膚施等三十州縣按年無論有閏無閏照額於地丁內攤徵鹽課銀兩並不加耗遇蠲免地丁之年不在蠲免之例至五府州屬歲額引三萬九千四百張自乾隆五十九年為始毋庸請領引張鹽聽民便至花馬大池係屬官池若聽民人自行撈晒利之所在恐致爭端且當大雨時行恐無人防護以致鹽池廢弛應照河東鹽池坐商出資撈晒之例由延榆綏道出示招募坐商自出工本雇夫撈晒鹽片或與商販交易或係自運出售均聽其便如鹽池有修理之處亦令坐商自行修理仍責成改設之縣丞經營務使池鹽旺產

定邊縣志

卷五

田賦志

鹽法

五

定職業學校印

永留美利鹽課大使裁汰題准遵行

嘉慶十年縣卷查從前課歸地丁鹽聽民運之初招募坐商經理池務不許民人亂行撈晒致起爭端並照舊定章程每鹽一石計重二百斤收鹽價銀一錢以五分為壩夫撈晒工本五分為春秋祭賽池神堵築水口修理鹽池之需相安妥善商無賠累迨後日久貧民地棍視池若為無主之業任意撈晒轉賣遂致該商不能依舊撈晒得價修理無資鹽池廢壞應請仍照原詳出示曉諭令該商自出資本雇夫撈晒或轉發商販或自行運售均聽坐商自便不許各人亂行撈晒惟利是圖致池廢壞至該商向收鹽價每石一錢原係撈晒工本賽神修築之費課歸地丁止裁應納鹽課

其應收鹽價不在裁革之例但仍定以每石一錢誠如憲示非致累商即屬病民第不定以限制又恐多索應請鹽斤產豐價賤之年許收六分產歉價貴之年許收八分以作雇夫審神修築之費並令該縣丞董率稽查則鹽池永固美利常存矣詳道移司是年十一月署藩司周 移覆查鹽課未歸地丁之先舊定章程每鹽一石收價銀一錢課歸地丁設立坐商或發商販運抑自行販運所有鹽價應聽坐商之便是以以前此事宜內並未議及茲查前文移稱產豐價賤之年每石准收六分產歉價貴之年每石收銀八分等語如必須定以價值自應先行詳明兩院以便核辦擬合移知等因經道檄縣飭令議詳

十一年正議詳開因值會議奏請仍設鹽課大使遂未經議詳

定邊縣志

卷五

田賦志

鹽法

六

定職業學校印

嘉慶十一年八月

欽差侍郎英和初彭齡會同晉撫陝撫奏准潞鹽口鹽一併招商承辦設官經理摺內聲明鹽場堡仍設鹽課大使前改縣丞裁汰鹽課仍在於里民徵收完納以嘉慶十二年為始十二年縣詳查口外蒙古鄂套貝勒所轄地方有鹽池三處一名狗池在邊牆北十五里一名大池在邊牆西北七十五里一名倭波池在邊牆東北二十五里並無河道不通水運此三池內倭波池產鹽無幾足供蒙民食用大池產鹽雖旺因路遠沙厚車驟行走維艱乏人馱運惟狗池距邊牆較近或民人出口販賣於布易換鹽斤或蒙古自行馱運入口易換零星貨物向不例禁令花馬大池仍歸引課

應請查禁

嘉慶十三年三月據土商王愷稟請轉詳杜絕私販以官池迤西尚有爛泥池波羅池蓮花池娃娃池紅崖池五處向無議課俱聽附近居民撈晒食用茲官池既復歸商辦自應將五池統歸官池辦理經署陝西鹽法道樊士鋒批該縣率聽土商朦稟欲將附近之爛泥等池一併作為官池歸商經理更於民食有碍試思此事如屬可行何以從前並不歸商辦理蓋此中具有權宜非可驟執已見况定例貧難老幼以及身有殘疾并婦女孤獨無依者均准其每日赴場賣鹽四十斤易米度日北邊惟定靖二邑之民附近鹽場得沾其惠若如該縣所請則此等貧難老幼絕其生計豈肯

定邊縣志

卷五

田賦志

鹽法

七

定職業學校印

相安大抵辦理鹽務宜隨民便不宜徒飽商德

嘉慶十八年陝撫董教增奏請將陝西鳳翔府邠州各屬鹽課改歸地丁攤徵摺內聲稱再查延安府鄜州二屬並綏德州屬之清澗縣共一十五州縣均食定邊花馬大池鹽向係民運民銷所設土商並不經理鹽務惟管領繳引張催徵課銀而應徵課銀或係按丁或按烟戶或按里甲與鳳邠情形相同農民充當土商廢時失業往往視為畏途且舊商既滿乏人承充書吏指充既多擾累應請將延安府鄜州二屬並綏德州屬之清澗縣鹽課一律歸入地丁攤徵每銀一兩攤徵若干裁汰土商停其領繳引張其領繳部引加徵紙張飯食等銀照例免徵經戶部於是年二月十二日

核議奏准遵行嗣經戶部復咨令將鳳延邠鄜四府州並清澗縣鹽課攤歸地丁商引均經裁汰鹽斤仍由民便以嘉慶十九年為始鹽課銀兩按照各屬地丁均勻攤解查定邊共額地丁正銀三百二十五兩一錢九分每地丁一兩該攤徵鹽課銀七錢一分二釐四毫四絲五忽零鹽池仍照舊章招募坐商自行雇夫經理收取鹽價為工本賽神修築鹽池等費鹽課大使裁汰仍改縣丞

雜稅

房地租銀每年徵銀一二十兩不等歲無定額儘收儘解
牲畜稅銀每年抽收銀四五十兩不等歲無定額儘收儘解

縣城當舖二座安邊堡當舖二座今止紅柳溝當舖二座今止張

定邊縣志

卷五

田賦志

雜稅 倉貯 八

定職業學友印

千戶倉當舖一座每座每年徵收稅銀五兩

倉貯

常平倉原額貯京斗穀五萬石春借於民秋間收之每年以三分出借七分存貯凡遇穀貴則平價出糶穀賤買補還倉出入開除有卷

社倉原額貯京斗米六百二十二石七斗四升二合立社正副各一人掌之司其出入出入開除有卷

物產

穀屬

黍俗名糜子軟硬二種丹黃白黑四色碾米俱黃色 穀子一名

粟米軟硬二種黃丹二色軟者丹色釀酒硬者黃色作飯或作蒸饅又白色一種性涼俗名涼穀子 山麥春種夏收磨麵 燕麥一名油麥其實較山麥細不甚有稃磨麵炒食 草燕麥播種既遲累多未實刈收備冬飼畜 收麥一名姑收其實三稜磨麵食之又苦收麥一種其實無稜味苦飼畜 麻子黑白二種油清味甘能解百毒 胡麻紅白二種青花者實紅白花者實白油清味香白種較紅種油更佳又雲芥一種藍花其實五色俱備油濁味苦 豆碗扁黑三種 登粟一名沙米苗莖如麻葉類又稍圓有刺高尺許生子成房粒細如黍杵去皮用羊羹煮食味甘滑利大腸食之不饑邊外名黍喇棘 西番穀一名老來紅粒類登粟村人植園旁玩看不食

定邊縣志

卷五

田賦志

物產

九

定職業學校印

蔬屬

白菜盛於夏時 菠菜 芥菜 韭 葱龍白二種龍葱味辣白葱味恬 芹菜 萵苣菜寬葉細葉二種 芫荽 蘿蔔紅黃白又有水蘿蔔 豆莢刀豆豇豆二種 蔓菁 回回山藥狀團磨菇邊內邊外俱產不旺 金針菜間有之黃花采未開花者食之 苦菜野產土地產者苦沙澤產者恬歲歉采食賴以濟貧沙木耳邊外沙蒿朽根中產而後采之 地軟軟野產一類沙木耳一類龍鬚菜 小蒜野產莖細煎湯味辣 山葱山崖產莖圓花白味甘辛 沙葱邊外產葉細長不甚類葱 沙芥邊外產葉

類菠菱尖長肥厚有光潤作羹味平過芥 羊角蔓邊外產春間
采白根作菜食

瓜屬

香瓜圓長二種 脆瓜狀類香瓜皮綠食之甘脆 菜瓜綠白二
種 棉瓜俗名噎煞殼 絞瓜綠白二種 西瓜綠青二種 倭
瓜即南瓜花時必采牡花配牝花瓜始長不配即隕近邑皆然見
邊地物產之異 金絲瓜狀類絞瓜黃白二種 北瓜皮醃子俱
白味甘美 葫蘆間有之鮮可食乾作器具

果屬

桃 杏 柴梨較梨小味酸 葡萄青紫甘酸二種 林檎子狀

定邊縣志

卷五

田賦志

物產

十

定邊職業學校印

類沙果較小色紅味甘酸 桑甚間有之

花屬

葵 芙蓉粉紅色小朵 菊紅紫黃白藍五種 虞美人 蜀葵
粉紅大紅白紫四種 石珠 金簪 鳳仙俗名指甲草婦女以
之染指甲 丹竹紅花中帶黑點 萱草

藥屬

黃芪 甘草 牽牛子 柴胡 枸杞 益母草 胡黃連狀類
川連心空 透骨草 蒺藜 艾 車前子 野菊花色黃村人
采作酒飲之去風毒或作枕去頭風明目 蒼耳 麻黃

草屬

首藉飼畜人亦食 葭蘆草作炕席因筐等具 小菸葉類蒼耳葉較大木霜前采之和烟喫 水蓬草燒灰用以發麵 沙竹性柔細長屈之可為捲並作燭心邊外產 蘆草飼畜 油草油坊作繩圈麻它用

柴屬

沙蒿柴其子磨麵少入麥麵內不爛 棉蓬柴其子磨麵可食 鹽蒿柴其子磨麵煤油作燈油 苦豆子柴 甘草秧 麻柴 苦花柴 收柴 白苦菠柴 母猪柴 馬乳子柴 登粟柴 柳條柴邊外產 牛荆條柴 縣屬五城堡各村庄皆炕而不牀 飲食用柴及馬牛騾羊糞為之

定邊縣志

卷五

田賦志

物產

十一

定職業學校印

木屬 間有之

榆 槐 柳 楊 桃 杏 柴梨 桑

鳥屬

鷄 鴿家野二種 花鴿 野鷄毛羽文彩 沙鷄 山鷄紅嘴足而毛文人馴為窓禽 灰鶴一名鷺勞 雁 燕又有馬燕即野燕灰色 老鴟俗名鐵老子項腹白頭翅尾黑 布穀春耕時鳴其聲布穀故名 喜鵲 麻雀 燥鷄鷄俗名叫陽温毛羽花白點頭上毛聚狀如尖角春末夏初鳴其聲鷄鷄 半翅一名半癡大如鷄見人呼喚不去故有癡之名 鵲鷄 白翎俗名花翅子善鳴 喚水俗名白雨虫鳴則雨 火連班較麻雀大毛羽灰

紅色 鷓怪子黏頭大眼

獸屬

馬 牛 騾 驢 豕 綿羊 山羊黑白青三種 犬高大長尾 貓 狼 狐 兔 黃鼠狼 黃鼠孟熙曰北方黃鼠穴中作小土窖若牀榻之狀牝牡所居也天氣清和時出坐穴口見人則拱前腹如揖狀即鼠入穴所謂禮鼠是也惟畏地猴地猴一名黃鼠狼形極小人馴養之縱入其穴則銜黃鼠曳出之味極肥美或曰黃鼠交冬封穴而蟄春和復出穴 馬艾虎亦捉黃鼠惟腰較黃鼠狼粗大 兔鼠頭耳如兔毛白足前短後長食禾稼即碩鼠也 米倉類鼠身小 黃腰較猶大食貓 騷虎音如小犬

定邊縣志

卷五

田賦志

物產

十三

定邊職業學校印

聲 刺蝟 黃羊邊外產有角無角二種善走尾上有白毛 駝邊外夷人牧養

蟲屬

蝦蟆 蚊 白蛉 蠅夏無秋盛 秋蟬 蛇間有之

雜產

羊皮黑白二種 狼皮狐皮均毛粗不佳亦稀少 羊羴 羊毛 羶 酥油 乳酒乳餅均邊外有之 白土 鹽水石 紅砂石 砌墻脚用 鹽磚 鹽根

鹽課大使蘇廷舒鹽根療疾說云此鹽有根而後生即古龜茲遺種也方正堅瑩中含土眼具天圓地方之義以之治病投症

多而最效非若河東形如青礬者功遠不及此即川東靈安場之鹽并石形類冰片專治眼科用亦遜之好事者攜至三江開水冲服療胃疼立愈噎膈危症治之亦效余嘗欲廣其傳遂以此須寄京適有遠年胃疼諸藥罔效醫者謂非西塞鹽根不能療用兩粒冲服立刻疼止永遠除根再牲口患眼熱毒兼有雲翳以半粒納牲口兩大眼角以半粒嚼爛噴之淚盡翳退牲口患黃疸用烏鷄一隻口咬斷頭以鷄頸納牲口口內飲盡熱血預搗鹽根數粒取鷄腸連糞和鹽根微搗葱煎黃酒冲服淨盡其症立失至昏日常洗即生光明火眼頻洗數次退紅本地惟治牲口二法屢經奇驗餘則霍亂冲服見效牙疼口噤亦效熱

定邊縣志

卷五

田賦志

物產

十三

定職業學校印

毒數粒擦抹尤良他症千里漸驗愈遠愈神明亮者眼科配藥墨色者雜用最宜實為關西定邊縣官池之至寶也余為斯地醜政使故驗之詳而知之切因述其大畧云爾

商販

寧夏之稻米黃豆麥瓜茄蒜頭魚鴨石灰煤炭木料蒲花用灰果品並慶陽之小米冬麥果品皆入市焉

中外和耕

延榆一帶近邊地方於康熙三十六年貝勒松拉普奏請與人民夥種俱有裨益五十八年貝勒達西拉布坦又以游牧窄狹奏奉欽差相度情形於口外二十里三十里外不等設立交界雍正八

年理藩院尚書特古忒以口外五十里為中國禁地蒙古不應收租奏請納賦廷議准行

世宗憲皇帝因鄂爾多斯地多荒旱仍行賞給租銀乾隆元年是綏總兵米國正奏准民人有越界種地蒙古情願租給者聽其自便自此出口種地之民倍於昔矣七年鄂爾多斯貝勒札木揚等請將界外民人驅逐內地經川陝總督馬爾泰奏奉

欽差尚書班第總督慶復會同盟長定議即以現耕之地設立土堆定為疆界於安邊設立同知一員管理蒙古民人事務並設總甲俾得稽查彈壓其寧條梁黃浦川開張店戶人等一體造冊稽查奏准遵行

定邊縣志

卷五

田賦志

中外和耕

十四

定職業學校印

定邊縣志

兵防志卷六

前令戴元變論曰秦風有小戎無衣諸章秦兵之強尚矣顧明特邊警頻仍鎮兵不振此何以稱焉其初五堡屯軍至於八千士馬芻糧取之屯鹽而已足迨後軍政不修屯鹽漸廢以延綏十萬之眾仰給帑金國遂以病我

朝汰兵什九邊境宴然西去拓地二萬里屯軍開墾創古未有又豈區區邊邑可以盡其兵制哉紀

國朝軍政精簡及觀前明武備廢弛而盛衰興棄之理亦足以鑒矣

定邊縣志

卷六

兵防志

兵制

定職業學校印

兵制

西協定邊營副將一員中軍都司一員把總二員經制額外千總一員經制額外把總二員額此外委三員馬步守兵三百五十三名內馬戰兵一百五十五名步戰兵二十七名守兵一百七十一名視原額馬戰兵二百五十一名裁汰九十六名原額步戰兵七十七名裁汰四十三名原額守兵二百一十名裁汰三十九名安邊堡都司一員經制外委把總一員額此外委一員馬守兵八十四名內馬戰兵十四名守兵七十名視原額馬戰兵二十五名裁汰一十一名原額守兵一百名裁汰三十名磚井堡守備一員經制外委把總一員額此外委一員馬守兵七

十八名內馬戰兵七名守兵七十一名視原額馬戰兵九名裁汰二名原額守兵一百名裁汰二十九名

柳樹澗堡守備一員經制外委把總一員撥防口外四十里鋪汛額外委一員馬守兵七十八名內馬戰兵六名守兵七十二名視原額馬戰兵九名裁汰三名原額守兵一百名裁汰二十八名鹽場堡把總一員馬守兵二十四名內馬戰兵三名守兵二十一名視原額守兵改馬戰兵五名裁汰三名原額守兵四十五名裁汰二十四名

按漢唐以來兵制無考明制定邊營軍丁並守瞭軍共二千六百九十名磚井堡軍丁並守瞭軍共八百五十名新安邊堡軍

定邊縣志

卷六

兵防志

兵制

二

定職業學校印

丁並守瞭軍共五百九十一名舊安邊堡軍丁並守瞭軍共二千八十四名柳樹澗堡軍丁並守瞭軍共一千八十二名鹽場堡軍丁並守瞭軍共一百二十名石澇池堡軍丁並守瞭軍共四百四十二名三山堡軍丁並守瞭軍共三百七十二名饒陽水堡軍丁並守瞭軍共二百二十七名洪武初年編選軍士有歸附者有收集者有遠充者有編撥者共為四等此外又有老軍成化中有選民丁之壯者編成什五號為土兵又有從老軍戶內陸續抽選壯丁分四班輪流操備謂之四班壯丁又有各省軍之不服水土者暫留實邊謂之雜抽軍宏治時官軍之家三丁內選一丁以補軍伍及正德年各軍伍內五丁以下者擇

一丁六丁以上者擇二丁謂之選丁嘉靖時有免糧五石以下者抽一丁五石以上者抽二丁十石以上者抽三丁後改免糧十石上下抽一丁俱春夏備邊過冬疎放謂之免糧抽軍又有每年十一月初一日到邊備冬次年三月初一日疎放農作後改留本衛設官操練以備征戰謂之屯軍一名備冬軍又有江南北准東西軍衛皆領漕運河南山東軍每歲分番戍邊名曰班軍又有歲徵各鎮兵入衛以榆林四營更番戍守謂之入衛軍一曰小馬軍大抵明時邊警旁午故軍丁多而選途亦廣舊制遇警日則舉烟夜則舉火鳴砲一沿邊傳至鎮城若不退每一時照前舉行一次如出境日舉空烟夜舉空火不鳴砲其三五

定邊縣志

卷六

兵防志

兵制

三

定職業學校印

十騎至百騎日則懸黃旗一夜則懸燈籠一二三百騎至五百騎日則懸青旗一夜則懸燈籠二六七百騎至千騎以上日則懸皮襖一夜則懸燈籠三五七千騎至萬餘騎日則懸青號帶一炷烟一夜則懸燈籠四

按西路烟火一把為新興堡磚井堡石澇池堡三山堡定邊堡鹽場堡饒陽水堡二把為把都河堡柳樹澗堡新安邊堡舊安邊堡三把為鎮靖堡鎮羅堡靖邊堡寧塞堡四把為威武堡清平堡龍州城堡五把為波羅營堡懷遠堡六把為響水堡七把為榆林城永昌墩起保寧鎮蘊墩止

馬政

定邊營馬一百五十匹安邊堡馬一十四匹磜井堡馬九匹柳樹澗堡馬九匹鹽場堡馬五匹

按明制定邊營馬騾一千五百六十五匹新安邊堡馬騾一百五十二匹舊安邊堡馬騾一千二百二十五匹磜井堡馬騾四百三十三匹柳樹澗堡馬騾三百八十四匹鹽場堡馬八匹石磜池堡馬騾二百一十九匹三山堡馬騾二百二十一匹饒陽水堡馬騾八十五匹皆取足於茶馬鹽中馬免糧馬互市馬苑馬而買補之則以京運地畝給之乃又設椿棚馬禁

國朝茶馬仍設但鎮兵既減闔營額馬取之內地而已足故西寧領馬歲止數十匹苑廐之牧以實郵傳而池鹽互市等項盡行

定邊縣志

卷六

兵防志

馬政

四

定職業學校印

罷革惟椿棚馬禁仍沿舊制

按茶馬洮岷西寧各設茶馬司以茶易馬後以洮岷馬專給延寧而西寧歸甘肅苑馬設監寺丞主之駐牧平涼以西鹽中馬天順中每中馬一匹給鹽八十引計兩池歲課四萬五千引每該馬四百五十餘匹後每引一百道准折馬價銀五十兩嗣鹽池為寧夏所借正統中復歸本鎮然鹽政大壞徒存空名而已免糧馬成化時免土兵本戶稅糧二十石以下并免差役專買本軍馬匹牧養至萬曆年改徵銀給價買馬今土兵每糧一石徵銀三錢三分障護馬嘉靖以前凡奪護馬匹盡行給賞未幾擇騎馬給軍伍互市馬馬市易馬腕壯者給軍老

贏者變價充公 京運馬價正統初軍伍缺馬奏發內帑銀兩
買馬給軍嘉靖時更以畿甸馬兼給 地畝馬價成化時兵部
議馬價不足於屯田內每頃出銀一錢屯官徵解收買戰馬給
軍 椿棚馬成化時兵部議行各邊凡馬匹遇有倒失酌量官
軍朋合出銀買補

續文獻通考正統十一年題准延綏一帶衛所自定邊安邊營西
抵花馬池東至府谷縣大小營堡水草便利可以牧放每年摘撥
軍旗餘丁自行牧養馬匹

糧餉原纂是卷尚有恩卹目內一係兵丁借餉給賞節畧應
併入此目一係兵丁陣亡卹賞節畧應併入優卹并兵
目移附是
卷之末

定邊縣志

卷六

兵防志

馬政

五

定職業學校印

馬戰兵每名每季餉銀六兩每年加米三石五斗原定夏秋支米
春冬每石折銀一兩一錢九分今春秋不折銀與步守兵均支米
步戰兵每名每季餉銀四兩五錢每年加米三石五斗
守兵每名每季餉銀三兩每年加米三石五斗
馬每匹春冬乾銀五兩四錢夏秋乾銀三兩

按朱思本輿地圖新安邊營馬七百八十二匹糧料一千石草
六千束舊安邊營馬四百六十六匹糧料六百石草一萬五千
二百束定邊營馬四百四十三匹糧料五千八百石草三萬八
千二百八十二束鹽場堡馬一百一十八匹糧料三百五十石
草三千束

按續文獻通考延綏東起黃甫川西至定邊營邊長地遠為套
虜充斥之地考之先朝經畧如余子俊楊一清王瓊等其所建
置修築先馬蓋設險禦民實保塞至計也然竊有說此中軍士
更番入衛疲於奔命而又以地多沙漠種植為難芻糧不充嘗
不宿飽萬一虜駐魚河糧道險遠鎮城坐困可不為之經理哉
論者欲於府公至葭州由黃河而上造舟行運以濟清水木瓜
孤山等處亦為甚便近雖題行而建置倉庾改徵本色未聞議
及皆今日之所宜汲汲者

按延綏鎮志九邊舊無客兵祇有主兵歲輸民運屯鹽足以自
給未嘗有兵餉也即余子俊初開榆林衛時增置城砦以民運

定邊縣志

卷六

兵防志

糧餉

六

定職業學校印

不繼奏請江南折糧銀以備緩急不過一時之權計也自後軍
政不修屯鹽漸廢請發帑全歲以為常嘉靖末延綏一鎮軍餉
年例費以二十七萬計况萬厯以後哉夫以九邊數十萬之眾
不耕而仰食於民國家之力幾何而不困也

馬戰兵每名每年秋季准借餉銀四兩四季分扣歸項仍准請借
步戰兵每名每年秋季准借餉銀三兩四季分扣歸項仍准請借
守兵每名每年秋季准借餉錢二兩四季分扣歸項仍准請借
在營兵丁恩賞吉銀二兩凶銀三兩俱不扣還
屯田兵丁恩賞吉銀四兩凶銀六兩俱不扣還
出征兵丁恩賞吉銀六兩凶銀十二兩俱不扣還

驛馬

定邊縣驛原額馬一百一十五匹馬夫五十七名半每年倒斃馬二十三匹除撥協靖邊縣馬一十五匹倒斃馬三匹馬夫七名半外四驛實馬一百匹倒斃馬二十匹馬夫五十名或云撥協懷遠縣因案卷年遠不齊無從查考確切并何年撥協緣由

定邊本城堡驛在槽馬二十五匹一驛馬六匹日支草料銀六分四釐修理銀一釐五毫一絲藥油等項銀四毫五絲七忽日共支銀六分五釐九毫六絲七忽一安塘馬九匹每匹日支額銀六分四釐不敷加增銀二分一釐外備銀三釐五毫八絲零修理銀一釐五毫一絲藥油等項銀四毫五絲七忽日共支銀九分五毫五

定邊縣志

卷六

兵防志

驛馬

七

定邊職業學校印

絲一酌留安站馬五匹每匹日共支草料銀九分五毫五絲一驢易馬五匹每匹日支草料銀七分四釐三毫七絲零外備銀五釐五毫五絲日共支銀七分九釐八毫二絲零一馬夫一十二名半每名日支銀三分

磚井堡驛在槽馬二十五匹一安塘馬一十五匹每匹日共支草料銀九分五毫五絲一酌留安站馬五匹每匹日共支草料銀九分五毫五絲一驢易馬五匹每匹日共支草料銀七分九釐八毫二絲零一馬夫一十二名半每名日支銀三分

安邊堡驛在槽馬二十五匹一安塘馬一十五匹每匹日共支草料銀九分五毫五絲一酌留安站馬五匹每匹日共支草料銀九

分五毫五絲一驢易馬五匹每匹日共支草料銀七分九釐八毫
二絲零一馬夫一十二名半每名日支銀三分
三十里井驛即柳樹湖堡驛移此今又移四十里鋪驛在槽馬二
十五匹一安塘馬一十五匹每匹日共支草料銀九分五毫五絲
一酌留安站馬五匹每匹日共支草料銀九分五毫五絲一驢易
馬五匹每匹日共支草料銀七分九釐八毫二絲零一馬夫一十
二名半每名日支銀三分

協濟馬匹

乾隆四十六年本城總約文學何政許滿立鹽場堡總約林宗顏
鴉兒塘總約馬天良回回塘總約趙變龍木瓜塘總約李登義三

定邊縣志

卷六

兵防志

馬驛

八

定職業學校印

山塘總約張天有劉強廟兒塘總約安國柱施學李成名等公稟
遇差來定五塘支應馬匹願請按塘攤應協濟議立碑記以垂永
遠遵循庶無偏枯朦朧弊並免爭訟更於差徭不致貽誤等情經知
縣周郁批准如稟前情着議碑文呈閱五十九年勒石豎立儀門
之東

碑記蓋聞制莫難於創始法莫善於仍舊茲因定邊路當孔道
繹絡不絕倘號馬不敷必須用五塘馬匹支應雖按塘攤應往
往有隱脫之弊是以五塘總約文學等以苦樂不均等因具稟
前任韓縣主案下恩斷擬定章程出諭示眾凡遇差來定用馬
五十五匹每塘分馬十匹以五塘公辦而本城仍繫廟兒塘與客

民中三七分辦客七民三即如用馬十匹向客辦馬七匹向兜塘辦馬三匹至於磚井與定邊四六分辦定六磚四而磚井六路安邊柳堡俱照此規派辦又如東來差過境安柳二堡馬匹接至四十里鋪送至磚井為止定邊馬匹送至花馬池為止如西來差臨境定磚馬匹送至安邊安柳馬匹送至寧條梁為止倘有倒斃馬匹按塘估價公賠如此按塘派辦庶踴躍急公差徭不致有誤而支應亦得其均矣其闔邑士庶客民人等已經遵辦在案但定碑安柳各有總約一年一換或因更換總約不知其詳或因縣主高陞勝獎新任以致貽誤差徭訟端不息為累非小茲值大邑侯周縣主榮任之初約等謹將前情復懇勒

定邊縣志

卷六

兵防志

備濟馬匹

九

定職業學校印

石公稟臺案蒙批如稟前情着議碑文呈電約等稟遵天諭立碑於儀門之側着為定額永無更改不惟訟端可息而差徭自然無誤矣因勒石以誌云

優卹弁兵

優卹弁兵所以激勵知方應移附是卷之末俾聽命疆場者尚地果毅兵防益固矣

年老告致千總賞給半俸着贍者邑人官肅州千總劉元

雍正七九等年巴里坤出征陣亡馬步兵可領卹賞者五名田世俊李興唐王文舉葉丕昇陳謨

雍正七年從征兵丁拾金不昧奏領賞賜者二名劉瑞朱呈壁乾隆十三年金川出征陣亡馬步兵丁領卹賞者五名趙科陳相舜郭起張素倉褚光先

曾經出征退甲老兵蒙

恩賞給養贍者十名段之芳本名魏高喜工於鳥鑿牛連陳自明周永連趙

之奇楊芝秀白玉相胡國佐段文周文喜本名范玉以上每名每月給

銀一兩三錢

乾隆三十七三十九等年金川出征四十六年蘭州出征打仗帶

傷退伍老兵仍賞給守糧一分者五名賈德張其謀劉鶴張有祿

杜斌

嘉慶元二三四五七等年川楚陝出征陣亡兵丁姬訓等六十四

名嘉慶七年十一月大學士保寧等議奏准入府城首邑昭忠祠

從祀姓名詳列姬訓高進祿李滿倉魯桐朱得祿朱桂余正倉高

定邊縣志

卷六

兵防志 優卹弁兵 十

定職業學校印

宗貴王進祿周仲德王倉馬有恆于福徐仲元褚滿春喬桂李邦

舉邱登甲霍添光南進成党福盈以上二十名係元年川楚出征

剿齊王氏股匪打仗陣亡者曹興成何祿王宗玉屈仁盧天章唐

俊周希武韓天祿陳學郭安吉高昇康萬倉黃正德以上十三名

係二年川楚陝出征剿齊王氏冉文仇王三槐等股匪打仗陣亡

者趙滿劉汝林趙忠劉昌域喬珍朱興成孫曰喜楊章杜蘭李才

杜連許孝李天佑以上十三名係三年四川出征剿徐添德羅其

清等股匪打仗陣亡者張茂蘭段瑤魏滿倉劉祿馬蘭傅泰韓慶

雲韓福李進財以上九名係四年川陝出剿冷天祿張漢朝等股

匪打仗陣亡者馬有珍史貴韓正韓隨榮趙敬李進祿孫懷仁以

上七名係五年川陝出征剿苟文明張漢朝等股匪打仗陣亡者
王璵一名係七年陝西出征剿羅其清股匪打仗陣亡者
嘉慶元年至九年止川楚出征打仗陣亡故兵沈義德等二百二
名所遺眷屬查明實係親老妻單子幼並無產業依靠每名家屬
每年領卹賞養贍半餉銀九兩六錢十九年復查故兵許明等八
十六名請准每名家屬每年亦領養贍半餉銀九兩六錢又打仗
未出故兵趙鐸等六名每名家屬每年領養贍減半半餉銀四兩
八錢遇閏各增銀四錢故兵姓名繁不備載

定邊縣志

官師志卷七

前令戴元夔論曰史家循酷並傳以昭法戒而於旅進旅退者則無譏焉志異於史勸多於懲其大較也定邑自未設縣以前忠勇循良後先相望近據見聞所及勞心撫字類不乏人非以幸際時雍稱職尤易耶裁建異宜因乎運會謹志之以慶

休明之治而於輿情之所愛戴堪為矜式者悉為遠考旁搜標其梗概示勸也

設官

國初設巡撫一員駐劄榆林轄延安一府

康熙元年裁併陝西布政使司

戶部分

定邊縣志

卷七

官師志

設官

定職業學校印

司一員即分巡河西道一員今西路兵備道一員駐劄靖邊轄保

安安定安塞三縣及各堡城今裁併延榆綏兵備道延安知府一

員同知五員清軍捕盜城堡中糧內有靖邊同知今安邊州同一

員今改理事捕盜同知推官一員今東西糧廳各一員今靖邊所

訓導一員統轄十堡雍正十年定邊設訓導一員始各分轄定邊

所守禦千總一員後改縣丞雍正九年改設定邊縣知縣原隸榆

林府屬乾隆二年改隸延安府屬鹽場堡大使一員後改縣丞嘉

慶二十一年裁移甘泉縣臨真鎮管驛站筆帖式一員撥什庫二

員今均以營把總額外把總輪班管理陰陽學一員醫學一員僧

會司一員立縣時有農官一員裁

裁

按明制榆林巡撫一員與西安巡撫寧夏巡撫綏遠中三巡撫以右副僉都御史管理軍務司兵馬舉劾事戶部分司一員駐榆林督餉務分巡河西道一員明初轄全府後設中東西三路兵備道而靖邊隸西路兵備道轄馬知府一員同知一員推官一員靖邊所訓導一員

榆林鎮都督總兵官一員轄三協四路三十六堡城今止神木西定邊二協西協定邊營副總兵一員中軍守備一員今改都司轄西協十堡左司把總一員右司把總一員總制額外千總二員總制額外把總二員額外外委三員礮井堡守備一員經制額外把總一員額外外委一員安邊堡守備一員今改都司經制額外把總一員額外

定邊縣志 卷七 官師志 設官 二 定職業學校印

外委一員柳樹澗堡守備一員經制額外把總一員駐四十鋪額外外委一員鹽場堡把總一員

按明制榆林總兵官明初征西將軍印或公侯元勳特命出征正統間以掛印總兵官任其事轄三協三路三十六堡城兵馬職官 文職

國朝

安邊堡州同則有孔懷德山東舉人聖齋林緒炳江南舉人郭有容籍貫無考三員蒞任年分亦俱無考

安邊堡理事捕盜同知

郡志按安邊理事捕盜同知一員明置西延捕盜同知駐劉洛

川縣黃龍山轄白水澄城郃陽韓城洛川中部宜君七縣捕務
國朝乾隆四年改為延安府捕盜同知專轄府屬十縣九年又改
今名駐劄定邊之安邊堡專管蒙古屯田兼捕盜事九年二月
議政大臣會議尚書班第川陝總都慶復條奏神木安邊同知
請將滿洲蒙古記名人員引

見補放其現任漢員行令該督撫或送部另補或留省錄用等因
奏准遵行

乾隆九年

許聯奎籍貫無考

福祿鑲紅旗漢軍人陞員外郎

十六年

朝弼鑲藍旗蒙古人

定邊縣志

卷七

官師志

文職

三

定職業學校印

揆眾滿洲正紅旗人陞員外郎

三十四年

和明滿洲正紅旗人廉能撫綏內外相安

三十八年

巴寧阿滿洲正白旗人署任

四十年

穆通阿滿洲正白旗人

四十一年

那淳旗人署任

四十五年

德興滿洲正白旗人是年署西安理事同知

四十六年

寶祥旗人署任

四十七年

德興回任後陞湖北黃州府知府

五十一年

致光旗人署任

五十二年

克蒙額旗人

五十五年

覺羅哈豐阿旗人

五十八年

達椿滿洲鑲紅旗人

五十九年

錫齡旗人

六十年

良喜滿洲鑲黃旗人

嘉慶七年

百順滿洲鑲黃旗人

十一年

國興阿滿洲鑲藍旗人署任

十四年

慶齡滿洲鑲黃旗人署任

十五年

栢成正黃旗蒙古人十六年派往塔爾巴哈台屯田

十六年

多福內務府正白旗人署任

二十年

栢成回任二十二年署榆林府二十三年回任

定邊縣志

卷七

官師志

文職

四

定職業學校印

定邊所守禦千總

雍正初年改為縣丞雍正九年改設知縣

國朝

順治年則有黃雲龍京衛人 何起蛟大興人 滑國輔陽和人

陳萬鍾睢州人 王遐齡寧夏人武舉陞廣西都司

康熙年則有王蓋籍貫無考 劉燠浙江山陰縣人武進士後入

籍定邊吏員劉兆祿醫學劉焯即其後裔 彭永年籍貫無考

永楷山東人武舉

雍正初年改為縣丞則有張興陞張掖縣知縣籍貫無考 劉恂

河南人貢生

雍正九年改設知縣 佟鉅旗人

乾隆二年

四年

吳其炎拔貢生由乾州州判陞任籍貫無考

元 楷江西南豐縣人舉人特賜姓危棟選

六年

林天章廣東潮陽縣人舉人

十一年

成祖猷江南人舉人

十二年

石崇先四川廣元縣人舉人

十三年

黎 芝江西峽江縣人舉人

唐貞一署任籍貫無考

萬廷望湖北黃岡縣人舉人由教習銓任

定邊縣志

卷七

官師志 文職

五

定職業學校印

趙 默山西人舉人

二十六年

杜 錡江西新建縣人進士

三十二年

徐觀海浙江錢塘縣人舉人由教習銓任

三十五年

戴元發山東掖縣籍江蘇崑山縣進士創輯邑志

三十五年

王鳳鳴四川營山縣人進士至誠感德士民

三十七年

廉德薰署任籍貫無考

三十八年

韓修鳳浙江黃巖縣人拔貢生

四十四年

張國楠江西萍鄉縣人監生署任

四十五年

呂應祥山東萊蕪縣人舉人

四十七年

張曾埏安徽桐城縣人進士

五十年 王鴻儒四川長壽縣人拔貢生

五十三年 郎 澍署任籍貫無考

五十四年 周 郁江蘇宜興縣人舉人署任

五十八年 翟緒祖直隸撫寧縣人舉人署任

嘉慶元年 周獻奇貴州畢節縣人舉人署任

元年 汪玉衡湖北江夏縣人舉人廉介自矢撫卹
災民盡心竭力

五年 蘇甲榮廣東東莞縣人舉人署任

七年 鄭永江湖北石首縣人舉人署任

八年 誠 安滿洲正紅旗人講譯中書署任

九年 胡國棠福建長汀縣人監生因軍需留任十年
閏六月回籍補穿孝服

定邊縣志

卷七

官師志

文職

六

定職業學校印

十年 馮光燕廣東高要縣人舉人署任

十二年 胡國棠回任

十九年 范掄策山東泰安縣人拔貢生署任

十九年 黃 沛內務府正黃旗漢軍人進士

靖邊所儒學訓導前定邊係衛所文武生童屬靖邊儒
學雍正十年定邊始設訓導分轄

國朝

順治年則有張顧恆韓城舉人 席紹邠州人 王楷渭南人

康熙年則有朱啓漳縣人 田中福宜君人 喬正年三原人

朱廷彥籍貫無考

雍正初年則有白名失吳堡人 馬名失鳳翔舉人

雍正十年設定邊縣訓導 賈爾錚甘肅鞏昌人

乾隆四年 趙廷鑑山丹縣人拔貢生延安府教授兼攝

五年 楊宣賓蒲城縣人漢楊震後裔

七年 楊 瀚秦安縣人

十二年 李宮林寶鷄縣人歲貢生

十九年 葉長賡城固縣人拔貢生

三十二年 楊震春會寧縣人歲貢生

四十五年 張大勳鎮安縣人歲貢生

五十年 齊紹呂藍屋縣人歲貢生

六十年 張倣孔寶雞縣人舉人

定邊縣志

卷七

官師志 文職 七

定職業學校印

嘉慶二年 柴如栢古浪縣人歲貢生

四年 周合譽潼關廳人拔貢生

八年 李文巖潼關廳人拔貢生

十五年 張毓珪三原縣人舉人

十七年 張紹祖榆林縣人廩貢生署任

十八年 李簡臣西寧縣人歲貢生

二十二年 賀學禮榆林縣人廩貢生署任

二十三年 董彩虹洛川縣人舉人 十七年蒞任即告病今病痊補

鹽場堡大鹽池明初隸寧夏衛設寧州同知管理 嘉慶九年改屬定邊衛

寧州同知則有錢守齊文英曾霖張宗文四員見於鐘鼎匾額者

年分籍貫俱無考

鹽場堡鹽課大使改設年分無考則有彭泮譚以浩焦以仁薄美
錦係拔貢生俞名失係舉人五員年分籍貫亦俱無考

乾隆八年 陶銘恩浙江人拔貢生

十二年 劉經邦鄂縣人舉人

二十年 朱依宸廣西臨桂縣人舉人

三十四年 高 澍浙江平湖縣人貢生

三十七年 楊有溥江西清江縣人舉人

三十八年 陸林桂貴州麻哈州人舉人

四十年 張泰亨四川資陽縣人副貢生

定邊縣志

卷七

官師志

文職

八

定職業學校印

四十二年 張 約湖北漢陽縣人監生署任

四十二年 趙宜喜江西南豐縣人監生

四十九年 侯 燾直隸成安縣人舉人五十七年署長武縣事副缺裁赴部候選

五十七年 范世業湖北蘄水縣人拔貢生署任

乾隆五十九年鹽課改歸地丁攤徵鹽課大使裁汰改設縣丞嘉

慶十二年鹽課仍改里民徵收復設鹽課大使縣丞裁汰

嘉慶十二年 李予思順天宛平縣人祖籍浙江署任

十二年 劉如澍順天宛平縣人監生議敘

十五年 蘇廷舒鑲白旗漢軍人監生議敘裁赴山西河東候補

鹽場堡縣丞乾隆五十九年鹽課大使裁汰改設

乾隆六十年

馮國璋四川華陽縣人

嘉慶五年

于萬壇廣西臨桂縣人候補布政司理問署任

六年

應先杰江西宜黃縣人候補布政司經歷署任

七年

楊大源廣東曲江縣人

八年

周凌霄河南固始縣人

九年

福格正黃旗漢軍人諸譯生員

嘉慶十二年鹽課仍改里民徵收復設鹽課大使縣丞裁汰十九

年鹽課復歸地丁攤徵鹽課大使裁汰仍改縣丞

十九年

樊士鑑山西介休縣人知府降銓未到任

二十年

龔啓江蘇金匱縣人候補布政司理問署任

定邊縣志

卷七

官師志

文職

九

定職業學校印

二十年

葉鈞浙江烏程縣人

廩貢生 議叙副 國史館校錄

二十一年

江廷球江蘇元和縣人

候補縣丞 署任是年此

典史

國朝

雍正九年設則有楊九經籍貫無考孫畏祖浙江人二員

乾隆二年

陳紹龍籍貫無考

三年

賈廷建河南人好善 樂施

四年

鮑國華安徽青陽縣人

九年

夏朝柱江蘇丹徒縣人陞巡檢

二十六年

胡貽安浙江山陰縣人

三十四年 楊燦浙江仁和县人

三十五年 宋泗源籍貫無考行至安邊病故尚未到任

三十六年 李一環安徽石埭縣人

四十二年 吳昌言江西高安縣人

四十三年 陸禹澄浙江會稽縣人

四十四年 馬奏庸四川射洪縣人

五十年 李正甘肅寧朔縣人署任

五十一年 喬元會山西介休縣人

五十七年 鄭邦棟江蘇吳江縣人

嘉慶十六年 徐成燕直隸遵化州人

定邊縣志

卷七

官師志

武職

十

定職業學校印

十七年 宋謙浙江會稽縣人

武職

定邊營副將 明嘉靖中置延綏鎮西協副總兵駐定邊東協駐神木中協駐波羅今中協缺裁

明

嘉靖年則有 徐仁綏德人陞固原總兵 田世威宣武人陞神

木樞營 李印寧夏人 時鑿榆林人 崔應奇代州人

隆慶年則有 謝朝恩榆林人陞寧武關總兵 劉濟永昌人

吳嵩寧夏人 張傑甘州人陞寧夏總兵

萬曆年則有 張翼莊浪人 李節臨洮人 聶大經北直人

杜桐延安人陞榆林總兵 唐堯輔涼州人 王保榆林 陞昌

平總兵 王通榆林人 姜直榆林人 王國翰綏德人 孫朝
梁綏德人 杜松延安人 桐弟 蕭如蕙延安人 王國棟榆林
人 王威綏德人 張承胤榆林人
天啓年則有 李懷信大同人 姜弼榆林人 蕭捷延安人
張調元保定人

崇正年則有 石棟寧夏人 尤翟文府谷人 王果綏德人
汪濟民寧夏人 王承運三原人 武進士 杜宏域榆林人 朱
天煒潞州人 侯一位秦州人 張應昌榆林衛都指揮陞總兵
張全昌榆林人 陞宣府總兵 張天位柳樹澗堡人 陞蘇鎮總兵
柳汝樞榆林人 今定邊柳姓 係其後裔 張啓之榆林人 林棟榆林人

定邊縣志 卷七 官師志 武職 十一 定職業學校印

朱國棟北直人 朱永茂榆林人

國朝

順治二年 劉成雄榆林人

三年 李逢茂遼東海州人

五年 馬應乾京衛人

八年 高謙榆林人

十四年 張惟一河南人

十八年 王玉璧浙江仁和人 三元及第

康熙十四年 柯彩福建海澄人 曾賜盈甲馬匹 陞湖廣

十八年 白良蛟安邊人 鑲黃旗牛錄世職

二十一年

張玉麒翰林人 郡志張玉麟

二十七年

李季秀遵化人

二十八年

田朝弼米脂人陞涼州總兵

三十一年

董大成固原人

三十四年

麥良璽荊州人

三十七年

韓忠莊浪人

四十年

張憲載寧塞人陞興漢總兵 郡志臨兆人

四十四年

運萬良三原人

四十六年

王毓瑞瀋陽人加銜留任 郡志正紅旗漢軍人

雍正元年

高金長安人功加十等

定邊縣志

卷七

官師志

武職

十二

定職業學校印

五年

張善寧夏人陞大同總兵

六年

趙顯忠宣府人出征 賜花翎歿於軍營

十年

李述泌靖遠人 孝事繼母

乾隆初年

史宏蘊大同人武進士陞至提督

何榮長安人武進士侍衛

錢自發狄道人

穆圖布滿洲正白旗人頭等侍衛

梭靈阿滿洲鑲藍旗人世管佐領 有去思碑

萬岱桃源人武進士侍衛陞興漢總兵 有德政

索明滿洲鑲白旗人派赴西域屯田

三十八年

寧古奇滿洲鑲紅旗人榆林右營署任明於清漢書理孝母卹軍愛民

三十九年

和森布鑲紅旗蒙古人榆林中營署任率屬訓兵市廛相交

四十年

奇車布鑲白旗人延安營參將署任

四十一年

索 明回任次年出征金川陞福建福寧總兵

四十二年

趙 德綏德營都司護理

四十三年

多永義正白旗漢軍人

四十四年

劉景昌山西人延安營參將署任

四十五年

張 拱安徽廬江縣人

四十六年

王國士北直霸州人武進士派赴口外屯田

四十七年

關 騰滿洲鑲黃旗人慶陽營參將署任

四十八年

王國士回任

四十九年

白守忠甘肅固原州人

五十年

程鵬翼榆林右營署任

五十一年

劉 瑞籍貫無考在軍營未到任即陞總兵

五十二年

夏 福甘肅阜蘭縣人在軍營未到任

五十三年

王 瑄黃甫營遊擊署任

五十四年

安定邦延安營參將署任

五十五年

曹子元四川閬中人世襲騎都尉又雲騎尉十年派赴喀什噶爾屯田

五十六年

慶 福正黃旗漢軍人世襲一等男延安營參將署任十八年派赴烏什屯田

五十七年

宋 鉞甘肅河州人榆林右營遊擊署任

定邊縣志

卷七

官師志 武職

十三

定職業學校印

二十二年

曹子元回任

二十三年

胡定邦甘肅皋蘭人前任中軍都司胡美子

定邊協營中軍守備

國朝因明制置雍正年始改設都司

順治二年

李元吉山東鄒平人

七年

薛同都直隸宣府人

九年

段九功順天大興人

十三年

周道化直隸懷安人

十七年

王虛左浙江蕭山人

康熙三年

周龍福建福寧人

定邊縣志

卷七

官師志

武職

十四

定邊職業學校印

八年

劉士英直隸任邱人殉難事詳宦蹟

十四年

梁伯賢寧夏人

十八年

劉丙喜榆林人

二十七年

李柱直隸人

三十五年

柳成威榆林人

呂珍籍貫無考

常時習籍貫無考

談國柱籍貫無考

張璣涇陽人武進士

金藩金華人武進士

姚啓泰籍貫無考

雍正年改設都司瑚

寶鑲白旗人侍衛

歷陞固原提督陝甘總督漕督

馬佐邦甘肅鞏昌人精於弓矢技藝陞至提督

徐繼齊功加副將籍貫無考

崔玉栢甘肅涼州人

乾隆初年

黃元龍鎮靖人武生陞至參將

劉龍籍貫無考陞遊擊

多哩正白旗人侍衛陞遊擊

郭萬銀甘肅寧夏人陞遊擊

張柱籍貫無考

定邊縣志

卷七

官師志

武職

十五

定職業學校印

金應安漢軍人陞黃甫營遊擊

三十六年

五十一正藍旗蒙古人

明於清漢文字才力壯健忠實任職捐俸修理

衙署二堂額曰敬事四十年派赴喀什噶爾屯田

四十年

姚玉碑井堡守備署任

四十五年

五十一回任陞甘肅紅水營遊擊

四十五年

何守林甘肅西寧人亦陞甘肅紅水營遊擊

五十七年

胡美甘肅臯蘭人五十九年派赴烏什屯田陞補舊縣職遊擊

五十九年

台清阿礪井堡守備署任派赴四川出征

嘉慶元年

馬永泰永興堡守備署任

馮培元甘肅靖遠人

在軍營未到任調陞兆營都司

二年 劉管城四川人 在軍營未到任陞

四年 常 羣山東人 在軍營未到任陞

五年 何化龍四川人 直隸武定營遊擊

七年 方一彪甘肅武威人

十一年 七十九 滿洲鑲紅旗人十四年署波羅營

十四年 朱文英 甘肅固原人武舉署波羅營守備

十五年 平萬里山東惠民人延安營守備署任

十六年 胡元榜廣東順德人武進士 榆林鎮標

十八年 解聖易陝西神木人武舉 分發鎮標候

二十一年 毛殿楹浙江江山人武進士磚井堡守備署任

定邊縣志

卷七

官師志


武職

十五

定職業學校印

二十二年 常 太滿洲正藍旗人步軍校

定



通

縣

志

于右任



定邊縣志

官師志卷八

職官 武職

安邊堡參將明時置又改設遊擊 國朝順治九年改設守備雍正年改設都司

明 參將則有馬負龍陝西懷遠人 遊擊則有白國印陝西懷遠人

國朝

順治九年改設守備則有吳良棟甘肅寧遠人 十三年戴元樞

順天大興人 十七年秦奎山西偏關人

康熙初年則有趙宏基山西偏關人本姓李後嗣住籍安邊

定邊縣志

卷八

官師志

武職

一

定邊職業學校印

十一年 盧化鳳陝西長安人

十二年 夏玉鉉河南睢州人

十八年 李毓龍陝西榆林人

二十二年 趙文山東人

三十年 柳聯芳河南人

雍正年改設都司則有楊士奇余萬珩二員籍貫俱無考

乾隆初年則有珊燕秦旗人 河南秦滿洲正黃旗人 彭之年

湖南人 韋士華籍貫無考 高嘉猷籍貫無考 珠爾素旗人

四十八年 舒寧阿滿洲鑲白旗人

五十四年 王崢山西代州人

五十八年

徐廷齡甘肅寧朔人

嘉慶六年

朱永受甘肅固原人

十二年

達如英甘肅肅州人

十七年

福奎滿洲正白旗人

磚井堡守備

國朝

順治二年則有全斌順天人 七年馬應先遼東人 十二年扈

文新北直人 十四年舒有才遼東人 十八年張鴻元武進人

康熙十年則有希騰蛟興武人 十四年劉體義寧夏人 劉名

固原人 二十一年師永講陝西人 二十八年董奇傑榆林人

定邊縣志

卷八

官師志

武職

二

定職業學校印

三十二年 劉爾甲安邊人 柳汁甲定邊人

雍正年則有李光朝河南人武進士 英泰滿洲正白旗人 常

鼎旗人

乾隆初年則有彌達海旗人 蘇漢英籍貫無考 札爾景阿旗

人 阿寶柱鑲紅旗人

四十年

梁國貞興安人軍營陞補

四十八年

格綳額滿洲正黃旗人

五十年

台清阿滿洲正紅旗人

嘉慶三年

朱承受甘肅固原人武舉軍營陞補未到任

十一年

李如緒甘肅洮州人軍營陞補

十七年 馬安邦籍貫無考

十九年 毛殿楹 浙江江山人武進士旋署鎮標左營遊擊復署西協中軍都司二十三年告病

二十年 王瑞年榆林人武解元署任

二十一年 陳九錫甘肅人鎮標千總署任

二十二年 來廷壽甘肅人鎮標千總 武舉軍功守備銜署任

柳樹澗堡守備

國朝

順治元年則有黃國英榆林人 三年羅浩然介休人 七年張

開仕淮安人 十二年梁維鼎靈州人 十四年吉象鼎開州人

康熙五年則有楊正元江南上元人 十一年仵永泰河南鹿邑

定邊縣志

卷八

官師志

武職

三

定職業學校印

人 十四年俞益謨甘肅中衛人歷陞湖廣提督 二十一年謝

雄陝西人 又有五員或康熙年或雍正年俱無考者 潘鵬籍

貫亦無考 張大有福建人 張斌雲南人 朱英進士籍貫亦

無考 韓名失籍貫亦無考

乾隆三十八年 郭愈恩江南桃源人武舉陞甘肅都司

李大仁武舉署任

三十九年 馬勝圖籍貫無考陞瑪納斯都司

四十三年 孫九疇籍貫無考

四十九年 李玉成籍貫無考

五十四年 趙步雲籍貫無考 嘉慶二年派赴湖北出征由軍營陞甘肅都司

嘉慶二年

牛宗貴署任四年派赴湖北出征

四年

李懷玉軍營陞補未到任旋陞甘肅都司

五年

達生潮涼州人軍營陞補十一年到任十二年派赴口外屯田

張際恆署任

六年

折文學廕生署任

十年

胡璞署任

十二年

楊世英署任

十二年

解聖易神木人武舉分發鎮標候補千總署任

十八年

達生潮回任委署鎮靖堡都司

二十年

王伏柱鎮標千總署任

定邊縣志

卷八

官師志

武職

四

定職業學校印

二十一年

來廷壽甘肅人鎮標千總武舉軍功守備銜署任

二十二年

張翕直隸正定人委署懷遠堡都司

二十二年

趙登福鎮標千總署任

二十三年

張翕回任

鹽場堡把總

國朝

蒞任年分無考者十員則有 王有祿榆林人 沈鯤化本堡人

胡世奎籍貫亦無考 高喜籍貫亦無考 倪世祚定邊人 李

毓楨定邊人武舉 買瑜籍貫亦無考 呂大勇榆林人 栗魁

榆林人 安成功西安人

乾隆三十八年 張光前甘肅皋蘭人由喀喇沙爾屯田拔補

四十三年 吳成基榆林人

五十二年 曹大美榆林人

嘉慶三年 楊生桂甘肅西鄉人陞嘉峪關千總

五年 熊陞四川保寧人陞草涼驛千總

十八年 高履和甘肅平羅人武生軍功千總銜陞補

定邊協鎮營左右兩哨把總

國朝

蒞任年分無考者二十員則有 余秉書定邊人陞邠州守備

王仲恬 溫景 王虎 王德籍貴亦俱無考 劉爾甲安邊人

定邊縣志 卷八 官師志 武職 五 定職業學校印

陞至磚井守備 楊子廷定邊人 許提定邊人 柳奇英定邊

人 陶章凱定邊人 柳學定邊人 田大才榆林人 牛奉才

定邊人 李興榆林人 高繼清定邊人陞千總 張大經波羅

人 李訓榆林人 張鵬飛榆林人陞至備備 劉威然榆林人

袁斐然波羅人

乾隆三十年至嘉慶二十三年則有 折雄榆林人 關光雲固

原人本姓顏復聖裔 朱大壯懷遠人 李增福神木人 薛貴

榆林人陞涼州千總 馬伏才甘肅河州人陞榆林千總 張林

榆林人 張繼高榆林人 陶其楷原係正紅旗漢軍人住籍定

邊入伍拔補陞榆林千總 宋大相榆林人軍營陞補 李成龍

榆林人嘉慶二十二年同宋大相俱派赴西域屯田 田振聲榆林人世職雲騎尉分發鎮標署任 梁廷珍榆林人世職雲騎尉分發鎮標署任

職官補錄 採自定邊各廟鐘鼎記載姓名亦有姓存名失至年分籍貫更俱無考錄存補舊

明

協守坐營武進士則有張永亨 定邊營操守指揮則有李仲謨 王威二員 定邊營千把操守印捕指揮則有陳華蘇國用馬雄 白居易廉杜君愛惠我德葉逢時馬大林八員 定邊營內司千把 總則有楊張虎李光鳳張拱辰牛承虎四員 定邊營操守則有

定邊縣志

卷八

官師志 職官補錄六

定職業學校印

石顯珠一員 定邊營中操則有孫宏業一員 定邊營印捕則

有繆朝宰一員 定邊營把總則有夏紹雄一員 定邊奇兵營

中軍操守則有尤世功于鴻謨來守勳三員 奇兵營中軍則有

湛應麒一員 奇兵營把總則有邊維屏高冲軍李定趙夢陽四

員 奇兵二營指揮僉事則有高朝經李愈奇孫幾三員 磚井

堡等營指揮守備則有陳愚聞高登魏居正三員 磚井堡柳樹

澗堡等營守備則有高國貞周從善二員 延綏安邊營參將則

有郭有光一員 安邊所掌印巡捕則有黑定相沈光祖二員

國朝

定邊營千總則有費而隱賀聯芳二員 驛站名

御塘管理筆帖式則有朱名失 蔣名失 雅名失 三員 撥什庫則有傅名失 花色碩名失 三員

陰陽學

國朝

雍正九年設縣後置則有 溫同芝定邊人 王廷定邊人 溫克正定邊人

乾隆三十九年則有 王緒周廟兜塘人 五十九年王保木瓜塘人 六十年劉登鰲磚井三四塘人

嘉慶四年則有 田普廟兜塘人 八年馬慎動廟兜塘人 二十一年馬增科三山塘人

定邊縣志

卷八

官師志

陰陽醫學七

定職業學校印

醫學

國朝

雍正九年設縣後置則有吳之奇定邊人 王中正定邊人 王卿定邊人

乾隆三十六年則有劉國柱廟兜塘人 五十一年王景聖韓城人寄籍定邊 五十三年張元成廟兜塘人

嘉慶二十三年則有劉倬定邊人

僧會司

國朝

定邊未設縣前為僧正司則有 海懷

雍正九年設縣後始改僧會司則有 寂徽 寂常
乾隆三十二年則有寂允廟兜塘人 四十五年智勇廟兜塘人
嘉慶十二年則有圓溫三山塘人

農官

國朝

雍正九年設縣後置則有田國祥定邊人 旋即裁

五堡宣講

聖諭生員應約正副者

國朝

雍正年至乾隆年則有廩生牛際隆 增生馬越 廩生蔡封度

定邊縣志

卷八

官師志

僧講農社

八

定職業學校印

廩生趙焯 增生杜君實 附生姜士亨 增生鄒悅賢 附生

呂君卿 附生趙濟 附生邱登第 廩生鄒之伯

嘉慶年每月朔望在城宣講生員則有廩生劉創基 增生劉希

周 廩生賀文清 廩生賀河清 增生常山甫 附生高中

增生武時敏 增生劉百鍊 附生師從善 附生蔡乃濬 附

生陳忠

社倉正副掌事

國朝

乾隆初年則有牛俊偉 蘇如靈 三十年楊攀 劉彬 四十

三年孫孝 張偉 四十七年鄭蘭 蘇勝 六十年王有生

李桂

嘉慶十年則有朱文斗 師常泰 以上俱定邊人

宦蹟

地近邊陲人稀土廣秦漢迄唐設縣不如河內之密而且割據於宋殘破於民捍蔽生民其間繡衣授鉞上將分符如秦之蒙恬漢之徐自為隋之屈突通唐之梁禮顏真卿郭子儀渾瑊張仁愿李景畧宋之向敏中王德用周美狄青范仲淹韓琦郭逵明之呂燾王霖張守忠曾銳皆利在社稷功在生民保障西陲班班可考不可以一邑小之故不書書其著蹟於邊堡者

宋

定邊縣志

卷八

官師志

宦蹟

九

定職業學校印

楊震字子發代州口人以弓馬絕倫為安邊巡檢知麟州建寧砦初契丹之亡其將小鞠鞬西奔招合雜羌十餘萬破豐州攻麟府諸城郭震父宗閔領本道兵馬屢摧敗之俘其父母妻子至是與夏人奚人圍建寧叩壁語震曰我來報汝父之仇若急舉城降當全汝軀命特寨兵精壯者悉從折可求死於交城之戰所餘老弱百數守弗堅震奮力守城金人急攻閉旬日城中矢盡城陷震死之震之子沂中方從征河朔得免於難次子居中執中亦被害贈武經郎明年父宗閔死事於長安後沂中貴請於朝震得諡恭毅

明

張欽雅寧人留守右衛指揮僉事以都督僉事總兵延綏慶陽諸

路有柴溝之捷賜金幣進都督同知專守延綏敵復入安邊營欽
連戰有功特敕佩將軍印出入兵間首尾三十五年自諸衛至兩
府功與能可謂無媿

傅瑛綏德衛指揮使屢立邊功成化元年設鎮立堡命瑛督工清
廉自持二年以功陞都指揮僉事八年守定邊有功授都指揮同
知後捷於紅鹽池陞都指揮使二子釗鐸皆以邊功貴顯

魏鎮慶陽衛指揮僉事驍勇過人正德間把總安邊營有功分守
神木參將應官右軍都督掛征西將軍印中流矢卒

崔嵩慶陽衛指揮使應官參將器宇豪邁明敏過人能以寡敵眾
初守定邊點軍數千人一日不忘每戰陣見不用命者輒識其名

定邊縣志

卷八

官師志

官蹟

十

定職業學校印

曰回營行法由是軍士畏威莫不盡力嘗有敵持酒肴至城下呼
曰汝太師敢與吾對酌乎嵩即單騎出城免胄與之對酌敵懼甚
并以妓歌舞為笑樂故竟嵩任寇未嘗一至定邊嵩以此知名後
偶以百騎出游遇敵千餘嵩謂其下曰敵眾我寡一走即成擒矣
乃據高崗與敵作蒙古語如舊相識敵欲乘其不意見軍甚整不
敢躡而去

杜桐字來儀延安人任定邊副將至本鎮總兵以謀勇著稱首功
至二千八百官特進榮祿大夫右都督弟松字來清亦為定邊副
將至本鎮總兵尚氣節廉勇絕倫多首功官都督同知陣亡贈少
保左都督

王威綏德人鎮守延綏勇略軼羣威信流著一門多將材死於王
事者甚多

張承胤字望峯榆林人父臣歷任寧夏甘肅固原總兵官所至有
功承胤以父廕積官定邊副將至本鎮總兵謀勇過人胸負韜鈴
尤精騎射後又任遼東以死勤事與祭葬子應昌德昌全昌世比
之三種而忠烈過之德昌字開之任南京池浦總兵調剿流賊河
南與周王困守開封賊決黃河城陷死之應昌全昌亦官定邊副
將俱至總兵

李懷信大同人任定邊副將智勇兼優每戰躬先士卒斬馘無算
北人畏之西邊倚重為建生祠後陞總兵

定邊縣志

卷八

官師志

宦蹟

十一

定職業學校印

岳士望鎮西人任靖邊同知賊神一奎攻城士望調度守禦危坐
敵樓上矢石而下神色自若或曳之使避士望張目叱之內安人
心外阻敵氣城賴以全

尤程文字龍潭世威從弟任定邊副將勇敢善戰臨敵不事刁斗
賊素知其名及圍城時程文屬其徒千人開南門出戰賊為辟易
顧見程文所將盡步卒因相聚復進程文力戰致

石彪大同總兵天順二年夷寇邊命彪禦之戰於安邊追至昌平
墩大敗之復追至野馬澗平坡墩轉戰六十里斬鬼力赤平章擒
獲無算

李琦延綏總兵與黃台吉戰於定邊口外之高梁為夷所困琦出

奇兵勝之

國朝

劉士英北直任邨人任定邊營中軍守備朱龍之亂兵皆降附士英不從朱龍怒下士英獄已而令出獄與家人計議士英至家煮柴取衣服家皆火之隨令妻妾郭氏李氏入火乃自刎不死赴火死之贈拜他喇布勒哈番世襲

張玉麒榆林人任定邊營副總兵創立義學其後設縣即以爲縣署基址

許聯奎安邊同知歲荒募大戶出粟救饑民賴以安

文引云蓋聞聖人周急必先於隣里鄉黨王者施仁首及夫鰥

定邊縣志

卷八

官師志

官蹟

十二

定職業學校印

寡孤獨是以民胞物與允期覆載無私老安少懷庶免兄弟無告凡吾一氣諒有同心茲者邊城一帶連歲歉收號寒呼饑者屢接於見聞轉徙流離者不絕於道路聞言情慘觸目心傷現
在仰荷 皇仁沛九天之雨露恭承憲德施萬里之恩膏立廠賑粥接口散錢度幾待斃灾黎可免就填溝壑然而哀鴻日集撫額有常既鮮鄧氏之銅山泉流不盡那得龐公之寶筏拯救無窮用勸殷戶共深梓里之情布告僑商咸切痼瘼之念各量已力同樂捐輸佇見殘喘立甦於目前大勝陰功超展於死後本分府不辭五日京兆為給孤長者之募緣爾眾姓應效粒米成山享實氏濟人之果報是為文引

朝弼鑲藍旗蒙古人安邊同知蒞任清廉歲荒設賑救民弭盜除害有去思碑至今民稱頌不衰

石崇先四川廣元人由舉人揀選任保安縣再充鄉試同考官調任定邊以才能稱丁憂後留辦定邊城工服闋補廣西知縣

萬廷望湖北黃崗人由舉人教習官定邊令教民稼穡作育人才調米脂縣告終養回籍掌教武昌書院定邑有德政碑

福明滿洲正藍旗人舉人由中書筆帖式任米脂縣調任定邊時當出征軍需絡繹民皆安堵又歲饑辦賑以救民告病歸邑人有去思碑以頌其政云病愈後補山東泗水縣

杜琦江西南昌人進士任定邊有治績吏胥不敢作偽曾充鄉試

定邊縣志

卷八

官師志

官蹟

十三


定職業學校印

同考官立士子課會邑中乃有中文科者俸滿調任涇陽縣

徐觀海浙江錢塘人舉人教習揀選任定邊文學吏治士民愛戴碑并鹽場二堡城工承修未竣離任後不憚勤勞督成之

孫畏祖浙江人定邊典史性耿介清慎乾隆二年內罷官靜居寺中其後自負行裝而歸不累市廛

趙廷鑑山丹縣人拔貢生以府學教授兼定邊訓導時值 文廟工務二次發帑創建經營迄於成功整飭學校恪恭記事為多士則效



定邊縣志

人物志卷九

前令戴元夔論曰余於人物而喟然嘆蹶然興矣唐宋無考舊志已云顧自有明設堡後豈無殊才卓行可紀可傳者而邑鮮文人學士為之誌傳以垂不朽其子孫亦不能光揚祖先之盛美嘉言懿行雖美弗彰欲為采輯其道無由然以余所聞

國朝以來類不乏人不入誌載更數十年遺老淪亡同歸泯沒尤足悲也故即有所聞見畧為編次一善必彰亦以勸世云爾

忠烈

北魏

定邊縣志

卷九 人物志 忠烈

定職業學校印

梁越字元覽新興人博通經傳性純和魏初為禮經博士道武以其謹厚遷上大夫令授諸皇子經書明元初以師傅恩賜爵祝阿侯出為雁門太守獲白雀以獻拜光祿大夫卒

明

張鎮定邊人官延安衛指揮使膂力絕人素欲以身致王事每戰必提生擒刺麻台後被圍射落馬為賊所支解

國朝

倪光友定邊人任福建連江營副將順治九年與海寇戰歿於陣總督李贊曰蜚軀扑敵鼓勇當衝臨難不避壯氣貫虹

陳福鹽場堡人官寧夏提督平朱龍之亂其後奉調出征歿於行

營進封公爵

趙良棟安邊堡人歷官至寧夏提督掛勇略將軍印出征四川克復雲南平定吳逆授雲貴總督賜世襲卒於寧夏子孫入籍焉牛化麟定邊人由行伍熟於弓矢刀法從平朱逆又於康熙十八年隨征進剿徽縣畧陽陽平關等處克復成都戰功累叙於康熙二十年進剿新鎮攻克關山象嶺直抵雲南屢敗逆賊戰陣十數次克取省城平定吳逆於奮勇事案內授為署副將推補張家口左營遊擊陞宣府提標左營參將

召見賜賚有加曾護提督印務三月調補獨石口參將陞任貴州副將署威寧總兵授安籠鎮總兵年老告休原品致仕封廕俱全家居四載壽七十四而卒

定邊縣志

卷九

人物志

忠烈

二

定職業學校印

牛發祥化麟長子大同鎮標把總陞京營永定門千總又陞張家口守備隨征西域著有勞績凱旋後歿於任所年逾五旬

施綬磚并堡人年十九由武舉中二甲一名武進士點侍衛出授雲南鶴麗鎮標遊擊陞參將從征緬匪以瘴歿於軍營年甫三十人皆惜之

施縉綬弟寄居雲南省城世恩坊入雲貴督標行伍身歷戎行素稱奮勇應官貴州安義鎮總兵嘉慶五年征四川教匪於安龍府竹子山陣亡奉

旨加等照提督例議給卹廕着入昭忠祠其子登科占科承襲

晉

劉殷字長盛新興人七歲喪父哀毀過禮三年未嘗見齒曾祖母王氏盛冬思董殷時年九歲乃於澤中慟哭顙天自陳罪釁聲不絕者半日於是忽若有人云止聲殷垂淚視地有董生焉殷得斛餘而歸又嘗夜夢人謂曰西籬下有粟寤而掘之得粟十五鍾銘曰七年粟百石以賜孝子劉殷自是食之七載方盡郡命主簿州辟從事皆以供養無主辭不赴司空齊王攸辟為掾征南將軍羊祜召參軍事皆以疾辭同郡張宣子達識之士也嘗曰而今而後吾子當為吾師矣遂以女妻之其妻怒曰我女年始十四安識如

定邊縣志

卷九

人物志

孝友

三

定職業學校印

此何慮不得為公侯配而遽以妻劉殷乎宣子曰非爾所及也誠其女曰劉殷至孝冥感才識超世此人終當為世名公汝其謹事之張氏性亦婉順事王母以孝聞奉殷如君父焉及王氏卒殷夫婦毀瘠幾至滅性時柩在殯而西鄰失火風勢盛殷夫婦叩殯號哭火遂越燒東家後有二白鳩巢其庭樹自是名譽彌顯太傅楊駿輔政備禮聘殷殷以母老固辭駿於是表之優詔遂其高志聽終色養教所在供其衣食蠲其徭賦賜帛二百疋穀五百斛趙王倫篡位孫秀風重殷名以散騎常侍徵之殷逃奔雁門及齊王回輔政辟為大司馬軍諮祭酒轉拜新興太守明刑旌善甚有政能屬永嘉之亂沒於劉聰聰奇其才而擢任之累至侍中太保錄尚

書事有七子五子各授一經一子授太史公一子授漢書一門之內七業俱興北州之學殷門為盛竟以壽終

明

李應元碑井堡人事親最孝有遺金者追求其主反之有司欲以孝義聞元固謝人尤歎服

國朝

高宏建家貧竭力事親每食必有酒肉歲遇凶荒奉養不懈其子發亦能孝養

王心屏生與弟王言孝事二親備全子職友恭和睦老而愈篤家訓嚴肅里人羨慕協鎮書贈匾額曰孝友人家

定邊縣志

卷九

人物志

孝友

四

定職業學校印

陳恩舜監生事母盡孝母子俱白髮猶依依孺慕宗族咸稱之

劉祚衍武生母老病痲子五人惟祚衍日侍床帷左右扶持躬執溺器奉養承歡十數年弗怠母時述其孝行

賈俊英孝事節母貧而盡職母子同老猶若孩提之愛

亢應魁其母守節撫成應魁能報母恩自幼迄今竭力奉事母年九旬應魁七旬愉色婉容無時稍懈

劉承謨窮困守分早喪母曲意養父入伍為掾藉糧餉以供菽水父年九旬以外承謨亦年近八旬色養弗怠子時中乾隆乙酉科舉人皆以為孝道之報樂子孫之孝事夫妻偕老

鄒啓賢貢生事親盡孝父母昆弟稱其孝友人皆信之

蘇如日賣水以供其父之肉食無分寒暑奉養至老身不離井汲者二十餘年敬兄愛妹篤於手足

耿文詰千總名臣子名臣倭滿赴都病故途次文詰時年十九在定聞計徒步數千里外艱苦萬狀扶櫬旋里服穡力田事祖母與母備全孝道

李福軒鄉居父亡善事繼母教幼弟宏選成名幼妹婚配及時辛勤備至一生善良七旬而歿其孫入國學曾孫亦入文庠

劉國輔以勤勞孝事父母教養弟姪國英及萃叔姪同榜武科藉其賢德子溥亦入武庠其孫汝桐能繼祖志從嫂少而孀居全其貞節以子嗣之孤寡倚賴今已娶婦抱孫鄉黨稱美曰世篤人倫

定邊縣志

卷九

人物志

孝友

五

定職業學校印

李培安監生父早故事母孝又能調郵族黨人稱其賢

劉國柱北直人寄籍縣治事母孝撫弟友其母張氏咳嗽勞疾醫治不愈一日夢中似有人言須肉煎藥遂焚香跪剪旁肉一片入藥供母疾乃大愈臂痕終身不令人知其母至後知而語人咸歎異焉其子劉玉亦孝以繼孝善事父母能敬寡嫂而撫孤姪與己子同愛

趙儼監生節婦張氏子色養無違母或有拂意則跪於膝前非命之起弗敢起母歿喪祭竭力盡禮誠孝終身子世凱少而入泮白俊監生父早亡事祖母與母盡孝友愛弟姪教養兼至其弟得入武庠姪世榮亦少而入泮補增鄉黨稱美

徐錫爵貧苦能孝凡製父母棺衣殮具及哀經送死之資無不備
鄉鄰皆稱羨而悲傷之 劉漢誌父亡孝事繼母教育弟俊與漢
業俱成名 趙銘廩生父亡孝事母兄弟數人分事耕讀和睦同
居 辛永祿吏員孝母敬兄鄉黨稱其孝弟

柳朝臣孝事父母母歿後父失明晨夕出入必親扶持歷久不懈
與父同卧起不宿於內者二十年 范思韓監生撫姪如子教養
婚配與子同愛而同居姪功丕得食餼膠庠恩韓壽七十餘

蔡繼襄武生孝事父與繼母養生送死俱能盡禮友愛其弟姪以
已力所治之財產與其子均授之其弟又襄入泮食餼其子亦成
名者二叔父之嗣以其子為之孫 張廷瑞吏員友愛少弟教養

定邊縣志

卷九

人物志

孝友

六

定職業學校印

婚娶身任家務弟受其逸習武應試

王萬喬善事兄嫂以己子嗣之友愛弟姪外而經營內而家務獨
任其勞兄嫂之喪奠弟姪之婚配俱藉賴焉

師學泗監生友于兄弟視姪如子早勤教養子姪皆得成立其弟
先亡學泗喪葬厚備妯娌亦始終雍睦同居閭里稱羨

盛泰鄉居力農能遵守亡兄遺志持家四世同居數十口共食老
幼友恭家庭整肅子孫入泮者三餘皆業農善良人皆羨之

鄒季氏歲貢生鄒琳妻相夫孝事舅姑克盡婦道并教子學原學
濂有方長子學原同媳趙氏均能繼孝善事雙親迄趙氏先亡學

原誓不再娶孝而兼義厥後孫之美入文庠食餼之奎入武庠言

謹行慎事兄久故不違兄亦怡愛接之復於祖父琳壽終雖時父學原早誓世之奎廬墓百日用辰暮思洵為孝友萃於一門

傅進科繼母失明能善事之朝夕不離飲食著奉歷八年弗懈其弟進昌亦能敬兄式好無尤人皆稱羨後進科子文蔚入文庫

鄉之傲吏負性心故讓兄之德雖加刻待之傲仍和悅豫順相敬自如兄或與人未協亦即趨前匡救彌縫為之排解居常又復善

言陳勸兄從茲怡愛交相友恭實之傲之克全弟道也

趙儲母賀氏生六十儲孝事之朝夕不離者二十餘年並不入妻室終身有孺慕之誠鄉黨咸相敬重 王青桂幼能孝事繼母恭

敬長兄及老好善不倦周卹鄰里壽幾七旬子後入武庫

定邊縣志

卷九

人物志

孝友

七

定職業學校印

劉清安吏員六歲失怙恃依兄生員劉清吉教育即知敬讓長而愈篤後兄喪偶凡晨昏寢食疾病藥耳清安日久服勞不怠雖年近五旬每遇兄唾片亦惟祇受無違可謂克全敬讓之道

鄒之貴監生兄之價早年與之貴析囊迨後之價貧乏之貴不惜已財復又分之并視姪如子天性怡然至今均致豐裕

賀廷選三世同居以孝友稱其弟廷颺又敬兄至老其子帝寵父亡又事叔如父有賈人貿易於定與帝寵善寄貯衣物計簿並白

金八十兩以歸旋卒於家其夥復至定不知所寄也帝寵與叔廷颺告而遂之悉數無隱人皆敬羨友恭而復尚義者

趙涵附生居心孝友律已端嚴學養兼優才德夙著 蔡乃清增

生孝友克篤取與必明品格端方心術正直 以上二生於嘉慶元年舉孝廉方正給六品頂帶

節烈

明

梁氏安邊堡民張旭妻年二十七歲夫死即誓以身殉成屬防之甚密越三日竟自縊與夫合葬巡撫以狀聞表其里宅

國朝

郭氏邑民劉謨妻康熙年 旌表 繆氏邑民蘇某妻康熙年

旌表 汪氏邑民王新貴妻康熙五十七年 旌表

陶氏邑民沙毓俊妻守節撫子培世孫鑑成名六十完貞得加級

定邊縣志

卷九

人物志

節烈

八

定職業學校印

請封恭人康熙五十七年 旌表

雍正八年陶氏子培世早世孫鑑任山東運河千總告歸終養

有刑部右侍郎王承烈序云自古鮮能之事惟節孝撫孤三者

有一焉於壺範無慚矣定邊沙母陶恭人兼而有之非惟一門

之慶乃邦家之光余居同里知之甚詳喜為天下後世道也恭

人生長名門孝聞鄉黨及笄于歸沙氏善相夫子年十七忽喪

所天計惟一死以舅姑老奉養無人且幸懷孕七月故移烈以

節矢志柏舟躬修子職無缺越三月弄璋聞呱呱聲知為英物

也惟時廣珍公太恭人恩子情深寢食俱廢而恭人百計慰其

心自問安侍膳以至疾侍湯藥孝道無虧故兩尊人以古稀終

其年其撫遺孤也乳哺悉屬驚心舉步常懷恐懼知識漸開維持保護已殫恭人之心力迨延師傅課子維勤有古教風令嗣字贊天諱培世好學無倦年十八補弟子員文章經濟兼美親朋咸勸鄉試贊天泣曰培世非慈母無以至今日慈母無培世何以終餘年寧老牖下以故母子二人跬步不離食必請與如曾參養志焉又善謀生計以資養贍年三十有六補歲貢持身愈謹其排難解紛片言立判里中僉曰寧為刑罰所加不為沙君所短其為重於人非恭人善教曷克臻此恭人年將花甲守節已歷四十餘年飲水茹藥志凜冰霜亘古未有癸巳年里人公鳴當道題請旌表以十七守節媿美燕門匾額建坊

定邊縣志

卷九

人物志

節烈

九

定職業學校印

丙申年里人復立石紀恭人節孝撫孤成立云斯時孫鑑年壯勗以勤勞王事繼奉祖母命仕於魯之泲水管理河務移封祖母以展孝思雍正六年恭人年臻大耋孤子德著關西賢孫名高山左而恭人六十餘年守節愈奇愈苦惟賴有令子以享餘年耳乃六月廿二日贊天公赴玉樓之名寧不悲哉天道有知孝婦之後又繼孝婦鑑母李宜人孝於姑溫清定省如贊天公之事其母即呼天借壽一事誠格上蒼恭人年益高身益健皆李宜人孝養之力也天道有知孝子之後復繼孝孫鑑聞父訃之日哭泣躃踊悲不成聲有友勸其節哀曰恭人守節歷年久童顏鶴髮皆尊大人孝養所致今為地下修文即將來孝

養恭人仔肩在子君縱不為身計寧不為恭人計鑑曰鑑竊升
斗祿為榮親計耳先人捨予長逝終天抱恨吾無意於仕途矣
當告終養以歸事祖母孀母即具詳文上大吏嵇公允其請達
部以恩俸不合例部議未可余備員少司寇得悉其事鑑抵任
以來安瀾日慶漕艘嚮行皆伊忠孝所致吾知贊天公含笑九
京而陶恭人樂有賢孫李宜人喜有肖子謂鑑以忠作孝誰曰
不然考之易積善之家必有餘慶恭人自十七歲守節歷今六
十餘年其節可以光日月其孝可以格天地其撫孤可以泣鬼
神一生行事炳炳天將大昌其後以為節孝撫孤之報仰看
覃恩再錫建百歲坊以彰昇平之人瑞洵為女中豪傑巾幗文

定邊縣志

卷九

人物志

節烈

十

定職業學校印

夫也哉是為序

郭氏營人賀麟妻麟故武官子康熙十八年寇擾定邊麟被掠至
秦州亡氏年二十三上事衰姑下撫孤子歷五十餘年雍正初年
旌表

謝氏邑民賈世虎妻年二十夫亡子甫三月家計甚艱夫從兄賈
世民陽托矜恤移氏同居氏年少世民欲以為利因逼令改適氏
仍歸舊居以避之柏舟之操始終不渝雍正四年旌表

王氏邑民陶魁妻年十八夫亡叔俊以氏年少令改適氏剪髮刺
指誓不再醮撫孤成立雍正四年旌表

許氏邑民亢孝妻夫亡年甫廿一茹荼飲藥志不稍易雍正四年

旌表

陳氏邑民高孝妻守節五十六載乾隆十年 旌表

張氏儒童趙廷璞妻夫亡苦節抱子牧羊守節四十四載乾隆十

三年 旌表

韓氏邑民李子民妻因李重民調姦不從羞忿自盡乾隆十七年

旌表

馬氏邑民張應達妻守節五十二載乾隆十七年 旌表

謝氏邑民李時謙妻夫亡守節乾隆十七年 旌表

劉氏邑民許輝祖妻守節五十一載乾隆十七年 旌表

余氏邑民劉洛妻守節四十九載乾隆十七年 旌表

定邊縣志

卷九 人物志 節烈 十一

定職業學校印

馮氏邑民崔大柱妻守節五十八載乾隆二十年 旌表

劉氏邑民鄭義妻守節四十八載乾隆二十年 旌表

盧氏營卒李世雄妻守節三十五載乾隆二十八年 旌表

白氏武生劉汝桂妻守節三十四載乾隆三十九年 旌表

李氏邑民劉成妻守節五十六載乾隆四十四年 旌表

孫氏生員張俊飛妻守節四十四載乾隆四十六年 旌表

何氏邑民高世宴妻守節五十四載乾隆四十九年 旌表

守節尚未題請 旌表者

陳氏邑民呂成妻年十八夫亡子幼氏遍嘗饑寒撫孤成立

倪氏邑民繆某妻夫亡守節甘貧撫子之賢之才俱成立壽臻八

旬餘 傅氏邑民王某妻年二十守節孝事老翁撫子農業
王氏營人陳琮妻琮從征巴里坤歿氏年少守貞孝事老翁繼姑
撫孤永寧入伍得額外把總賢稱里鄰

趙氏邑民劉嗣唐妻夫亡矢志守節孝事舅姑撫姪吉人為子成
立娶媳生孫壽七十餘而終 楊氏邑民李某妻李世芳媳守節
撫遺腹孤孝事舅姑生事死葬備極艱苦 王氏邑民蘇有剛妻
歲饑有剛因窮困將氏賣與過客氏至客所不失節而自縊

趙氏邑民劉萃繼妻夫亡苦志撫幼子三人皆成立 趙氏李蘭
繼妻蘭赴銓歿於外氏守節撫遺腹孤並撫前妻子皆成名

高氏邑民呂某妻夫亡家貧同孀媳胡氏高氏苦志撫孤甘受淡

定邊縣志

卷九

人物志 節烈

十二

定職業學校印

洎女工度日鄉里稱為一門三貞

馬氏邑把總耿爾真妻年十五于歸未十載爾真尋叔至江南得
補揚州右營把總雍正五年歿於任氏在定自二十四歲守節孝
事翁姑養葬盡禮夫弟三人皆幼小兼逢歲歉氏辛勤女工撫弟
俱成立婚配壽逾七旬而終

白氏邑民杜汝桂妻甫于歸夫亡苦志守節撫姪為子娶媳生孫
趙氏邑民沙鐸妻青年守節撫育子女俱成婚配全節而卒

高氏邑民趙天賜妻夫亡撫孤孝事翁姑勁節堪風

張氏邑民王世盈妻夫亡守節以姪承嗣女既于歸子亦生孫

田氏邑民劉某妻夫亡撫孤貧苦守節子已成家

韓氏邑民談耀妻夫亡守節撫九齡孤子國柱成立生三孫年臻七十有餘 李氏廩生劉璣母夫亡苦節撫孤璣成立 田氏邑民杜燦妻夫亡家貧砥磨謀食撫三歲孤子成立 田氏邑民吳應妻夫亡守節孝事舅姑因宗支乏繼以甥承嗣 賀氏邑民劉錫承妻年二十二守節所遺子女俱幼氏針黹撫育子婚女嫁年六十八歲而終 趙氏邑民劉名鑄妻年二十四夫亡守節教子成名備受艱苦 雒氏邑民齊某妻夫亡年少子甫一齡能孝事舅姑和睦妯娌守節撫孤并撫姪與姪孫成立成名年逾六旬其姪永泰亦能故事奉養不負苦節教育

定邊縣志

卷九

人物志

節烈

十三

定職業學校印

王氏邑民趙某妻于歸未一載夫亡撫遺腹子趙俊安貧苦志子已成立家業亦小康壽七十餘而終人謂守節之報

李氏武生李清源母夫亡年十七守貞撫孤清源成名

劉氏武舉吳珍祖母青年守節撫孤見孫珍成名

趙氏邑民雷繼業妻庠生趙天錫妹夫亡守節撫孤成立年六十

有三 鄒氏庠生夏連元妻四德兼備守節撫孤年逾六旬

劉氏邑民蘇喬茂妻夫亡遺子仁僅三歲家貧無資氏兄劉公博族翁蘇魁章以氏青年強令改適氏貞節不渝針黹苦度撫仁成立仁亦克盡孝道力農承歡娶媳生孫三大名大亮大顯大顯入庠食餼曾孫皆業孺氏壽幾七旬咸謂貞節之報施不爽

黨氏邑民苗世雨妻夫亡家貧苦志守節撫孤印成立壽八十四
李氏邑民張大中妻夫亡苦志守節撫孤瑞成立壽五旬有七
王氏邑民潘炎妻年十八守節茹荼飲藥撫子生芳生苗成立生
芳例從九品生苗己入國學氏壽六十有三
維氏邑民齊慧妻夫亡氏年十七苦志守節孝事老姑撫子玉泰
姪承泰長泰俱成立有孫壽臻六旬餘

任氏武生李思遠妻夫亡守節撫教幼子錦得列武庠孫應萬中
式武舉壽七旬有四人以謂貞節之報

劉氏邑民薛魁妻夫亡貧困遺子士偉士義俱幼氏矢志苦守辛
勤四十餘載撫教二子成立家道亦臻豐裕士偉入國學士義安

定邊縣志

卷九

人物志

節烈

古

定職業學教印

農業含飴弄孫壽幾七旬

楊氏營人賀遇際妻遇際從征金川獲咎遣戍氏年二十父母以
遇際遠遣存亡難定令氏改適氏堅志不易遂繼夫弟可愛子為
嗣苦待四十餘年遇際逢

赦回籍青年離別白首重逢里人咸相稱羨

王氏邑宦趙修妻隨夫仁安營都司任夫故子幼氏扶柩旋里勤
苦持家不墜先業子俱成立一國學生一庠生年臻七旬

吳氏庠生鄒尚賢妻年二十二夫亡守節撫子珺入武庠能孝事
母氏壽近七旬而終 傅氏武生傅中甲妻年廿八夫亡飲藥茹
荼教子良棟身列武庠教成節立現年已臻五旬

濟氏邑民張義輔妻年十九夫亡守節遺孤二長宗舉次宗科氏
備歷辛勤撫養成立授室孫四人和協和時和熙和後嗣蕃昌次
孫協和已入文庠食飭壽臻七旬而終人為苦節之報

蘇氏邑民余宣諭妻庠生蘇法軾女其母早亡能自習女工日主
中饋以奉養老父晚而後嫁且能背誦

聖諭十六條先宣諭歿

施氏縣人施某女夫任舉山西大同人官至重慶總兵盡節金川
贈提督賜勇烈公氏封一品夫人節孝撫孤蒙

高廟恩卹賜紫禁城乘輪朝

皇太后於壽康宮賜延晏賞表裏克食遺內侍存問子承恩官福

定邊縣志

卷九

人物志

節烈

十五

定職業學校印

建游擊承緒官京營守備

定邊縣志

選舉志卷十一

前令徐觀海論曰周官設三物六行之法而選舉以始厥後有九品中正四科並列洎乎制科貢舉挾冊通宵士之奮興利見非斯途無由入蓋所以束縛而馳驟之經緯鴻業將於是乎始也定邑自前明以來初未設學而由科甲者已有其人我

朝定鼎初兵興旁午咸以武奮多一代偉人今則彬彬登賢書而薦明經者接踵相望於以見承平日久文教聿興士生斯世束髮就學能無淬厲濯磨爭先通籍以為邦國光乎是在師儒交勉之已

定邊縣志

卷十一

選舉志

文科

一

定職業學校印

科第

按定邊未設縣前文武生童應試附靖邊所儒學斯時定靖十堡未分隸焉原纂武科諸人核之郡志間有靖邊籍者意前此郡志即載附籍而後此採訪始為分載設非確有可徵當不遽錄也

文科

明

科分年號無考 郝曉進士 郝天恩舉人

國朝

順治十二年 梁國鼎副榜

乾隆三十年 劉時舉人

嘉慶十二年 鄒琳 欽賜舉人

貢生 恩拔歲

明

萬曆年 張世祥 拔 溫學詩 歲

國朝

順治年 梁國鼎 拔 溫崇遜 學詩子 拔

康熙年 倪兆基 倪元 李從汴 白國珍 劉澤溥

鄒啓賢 劉肇基 沈鶴翔 黨存禮 沈生椿 朱光彩

鄒瑾 王允中 以上俱歲

定邊縣志

卷十一

選舉志 文科

二

定藏業學校印

雍正年 牛 嶷 趙宏璽 朱光啓 梁君璧 以上俱歲

乾隆年 王兆鰲 恩牛 薦 拔 白國棟 歲 溫克治 歲

鄒 璵 候選縣丞從賢子 崔彭年 乙亥 師 閔 白大年 俱歲

劉 時 科中式舉人 白國權 恩 劉 忠 丙戌 龐 漸 歲

師 學瀛 巳丑 崔宗孔 歲 張國瑞 歲 何秉昭 壬辰 歲

趙 俸 恩 辰 劉汝彬 歲 甲午 李錦春 拔 巳酉 蔡又襄 乙未 歲

牛 遵寵 歲 戊戌 任 利 歲 庚子 崔清年 恩 庚子 梁特用 歲 辛丑

鄒 琳 歲 甲辰 楊 備 歲 丙午 范功丕 恩 丙午 趙 銘 歲 丁未

張 岐 歲 庚戌 李 棟 恩 庚戌 姜名揚 歲 甲寅 苗 秀 歲 乙卯

嘉慶年 史國良 歲 丙辰 田永春 恩 丙辰 姜以忠 歲 戊午

馬慎言戊午恩 劉敦信府庠己未恩 王陞壬戌歲 鄒學琴壬戌歲

李升秀甲子歲 王訓乙丑歲 武廣大乙丑歲 石光著庚午歲

李長發甲戌歲 武志道丙子歲 張履道丁丑歲

例貢

國朝

乾隆年 王帝弼 李從泌 楊喬齡 沙培世 趙廷璉

趙儼

嘉慶年 馮璞 溫三級

武科

明

定邊縣志

卷十一

選舉志

文科

三

定職業學校印

科今年號無考 陳所蘊安邊人 溫敬鴉兒塘人

國朝

康熙年

雷作霖丙午科武舉人

楊成棟 劉都秦 趙翔鷗俱壬子科武舉趙翔鷗子孫三世科甲

李毓楨已卯科武舉 余拱辰辛酉科武舉

趙廷璽翔鷗子 楊鶴齡俱壬午科武舉

余宣惠拱辰子 倪世績俱乙酉科武舉

李可棟辛卯科武舉

施景範癸巳 恩科武舉任衛千總雍正癸卯 恩科進士

殿試一甲三名探花及第授頭等侍衛

范 模癸巳 恩科武舉

施景型景範弟 劉國英 劉 萃國英子俱丁酉科武舉

雍正年

楊 琴鶴齡子癸卯 恩科由門千總中式進士授侍衛

趙 仲廷璽子癸卯科解元甲辰科進士

李培元癸卯科武舉 李 蘭甲辰科武舉

文 祥壬子科武舉

郭仕堂 齊拜賜 鄒 璽俱乙卯科武舉鄒璽乾隆丙辰科中

式進士

定邊縣志

卷十一

選舉志

武舉

四

定職業學校印

乾隆年

劉之錄戊午科武舉 施承德景範孫辛酉科武舉

郭槐堂仕堂弟甲子科武舉

梁 夔 施 綬景範姪俱癸酉科武舉施綬甲戌科中式二甲

一名進士授侍衛

郭 璵甲午科武舉 李如金己亥科武舉

武修禮己酉科武舉 鄒 銑甲寅科武舉

傅中元乙卯 恩科武舉榆林鎮標効力委護安邊堡都司又

委署魚河堡守備

嘉慶年

蔡常清庚申 恩科武舉

李應萬 吳 珍俱庚午科武舉

王國祥 李發春俱丙子科武舉

仕宦

文宦

明

年分無考 郝曉進士官江南同知 郝天恩舉人官山西通判

萬曆年 張世祥拔貢官湖廣同知 溫學詩歲貢官翼城縣丞

國朝

許登第官寧州知州調岷州 鄒瑾歲貢生官文縣訓導

定邊縣志

卷十一

選舉志

武科

五

定職業學校印

李從汴歲貢生官安定縣訓導 朱光啓歲貢生官某縣訓導

白國珍歲貢生官徽縣訓導有品學政於任

梁君璧歲貢生官禮縣訓導 鄒璵歲貢生官城固縣訓導

崔彭年歲貢生官清水縣訓導 劉時舉人官鄜州學正

師學瀛歲貢生官西鄉縣訓導 任利歲貢生官畧陽縣訓導

何秉昭歲貢生官石泉縣訓導 鄒琳歲貢生官扶風縣訓導

王英寰銓某縣典史未赴任歿 朱效官直隸盧龍縣典史

文宦未仕而候銓者

姜開齊候銓州同 鄒肇賢候銓縣丞 許登甲候銓縣丞

鄒從賢候銓縣丞 何連候銓縣尉 俞寬候銓州同 鄒學閔

候銓縣丞 趙伸候銓州同壽縣八旬 施綸候銓主簿 師學
曾候銓縣丞 鄒取賢候銓州同 李憲候銓州同故姊愛弟壽
七旬餘 溫棠候銓州同 溫靈秀候銓按察司照磨
武官

明

見於鐘鼎匾額者則有 孫朝棟官中衛參將 劉鳳詔官遊擊
吳顯官莊浪參將 丁世用官參將 李榮任遼東總兵官
艾應龍官都司 夏龍官參將 白廣恩安邊人官遼東總兵
沈珣官指揮 鄒鳳官千戶 以上十員
賀世顯安邊人任總兵官 張天禮柳樹澗人任三屯總兵官

定邊縣志

卷十一

選舉志

仕宦

六

定職業學校印

何承統官三山堡城守何承緒官三山堡指揮崇貞年流賊攻堡
兄弟俱死於難今子孫世居定邊之鄉村書香綿延名列膠庠
溫考官金山衛指揮 溫光裕官守備歿於王事

國朝

劉英定邊人經畧前標隨征守備告職回籍值朱龍之亂欲開城
引官兵平逆為逆知覺拘縛於中門樓後放出城外因至滿漢營
英回城詳言利害誘朱龍父子投降逆平誅其首惡城中無罪軍
民保全無算至今子孫累世書香名列香國

南一奎任衡州總兵官加太子少保 按郡志南一奎安定人任
四川總兵官竊謂當日採錄未必無憑並存備考

倪光友官福建連江營副將順治九年征海寇歿於陣
陳福官寧夏提督追贈公爵 白成功官雲南副總兵
陳近龍鹽場人官騰越守備 趙虎臣官河保營參將
趙良棟勇畧將軍官雲貴總督世襲伯爵子孫寄居寧夏
徐自貴官松江副將一等阿思哈哈番 溫崇銀官雲南參將
趙亮官江南金山參將世襲拖沙喇哈番
師帝賓官涼州鎮總兵 雷震世官經畧前鋒守備
溫琨官江南鎮江把總 雷作霖震世子官達州守備
師懋德帝賓子官至提督 白良蛟官定邊營副總兵
牛化麟征吳進軍功官貴州黔西協副將陞安籠鎮總兵

定邊縣志

卷十一

選舉志

仕宦

七

定職業學校印

黃文禮官遊擊 尤生虎官遊擊 許勝官關山參將

胡楨官都司 胡邦罕楨子官西寧遊擊 許明勝弟官遊擊

牛發祥化麟子官張家口守備 李毓楨官鹽場堡把總

楊鶴齡官保寧堡守備 趙廷璽官真寧堡把總

余秉書官邠州營守備 沈力學官肅州鎮總兵調福寧鎮

朱榮官蘇州營守備 劉子雄官守備 尤生豹官千總

趙佐才官襄陽鎮遊擊 劉爾甲官磚井堡守備

侯伯錫官肅州營遊擊 姚善字官高台營千總

侯伯寵伯錫弟官參將 苑模官岳州衛運千總

施景範官同安營參將 韓自得官靖邊營把總

耿名臣官揚州城守營千總 王巖官漢鳳營千總
劉偉官靖邊營把總工於字畫壽幾九旬猶能書寫
劉國英官温州衛運千總 牛奉才官定邊營把總
劉華國英姪官池州營守備 楊于定官把總
倪世祚官居庸關參將 高繼清官榆林營千總
柳汁甲官兗州營遊擊 沙鑑官山東管河千總
楊琴鶴齡子官山東管河千總 許提勝子官定邊營把總
柳朝卿汁甲姪官波羅營千總 范繼武官千總
雷輔臣作霖孫官洛陽城守營參將 杜奇官把總
劉繼唐官黃墩營都司 劉元繼唐子官肅州營千總

定邊縣志

卷十一

選舉志

仕宦

八

定職業學校印

趙仲廷璽子官廣西遊擊 李培元官平山衛千總
文祥官安西營千總 王寬官榆林營把總
趙修官仁懷營都司 崔士元官把總
王萬成官鎮番營參將 王宗禮官威武堡把總
劉應虎官寧昌營遊擊 施承德景範孫官江南運千總
補艾官西寧營副將 梁夔官寧夏鎮標千總
施綬景範姪官雲南參將出征緬匪病故
胡毓秀官廣西撫標遊擊 何現武官把總
施縉景範姪綬弟由雲貴督標行伍歷陞貴州總兵官出征四川
敵匪陣亡照提督例議卹入延安府昭忠祠

胡光德官永泰營遊擊

施登科綬長子承襲騎都尉官西安鎮標右營都司

施占科綬次子承襲雲騎尉西安撫標學習

施練縉弟由雲貴督標行伍出征苗匪打仗著蹟官督標千總

施聯科綬子由雲貴督標行伍出征苗匪打仗著蹟官湖南永綬

協副將

施萬德由定邊協營行伍出征川楚教匪打仗著蹟給軍功千總

本營候補

孫正喜由定邊協營行伍出征蘭洲教匪打仗著蹟官黃甫營把

總

定邊縣志

卷十一

選舉志

仕宦

九

定職業學校印

柳源由定邊協營行伍出征蘭洲教匪打仗著蹟官鎮羅堡把總

武官未仕而候銓者

王書孝候銓守備 高崇選候推遊擊 李奉貞功加千總

李從勳候補守備 孫金海功加參將 文起鵬候補守備

溫毓秀候銓守禦所千總

封廕

國朝

牛相以孫化麟官總兵贈驍騎將軍

牛孝以子化麟官總兵贈驍騎將軍

許文學以孫勝官參將贈驍騎將軍

許家為以子勝官參將贈驃騎將軍

趙國士以孫佐才官遊擊贈昭勇將軍

趙翔鶴以子佐才官遊擊贈昭勇將軍

施祥以子景範官參將封武義大夫

劉光有以子繼唐官都司贈武德將軍

雷鴻聲功加副將封驍騎將軍

雷鴻顯以子輔臣官參將贈驃騎將軍

趙廷璉以子修官都司封懷遠將軍

沙毓俊以孫繼官千總加級贈武畧將軍

沙培世以子繼官千總加級贈武畧將軍

定邊縣志

卷十一

選舉志

封廕

十

定職業學校印

李桐以子元培官千總封武德郎

何其偉以子現武官把總封奮力校尉

施景道庠生以姪綬官參將封武義大夫

施景謨候銓州同以子綬官參將封武義大夫

劉金以孫萃官備備馳贈昭信校尉

劉國正以子萃官守備贈昭信校尉

牛啓祥化麟子康熙年

萬壽恩廕二品廕生未仕而故

施登科贈長子以父績陣亡照提督例議卹承襲騎都尉施占科


續次子承襲雲騎尉

定

邊

縣

志



于右任



定邊縣志

邊備志卷十二

前令徐觀海論曰自古戎翟之地聲教有所不及以鋒鏑相抗則失駕馭之道以懷柔是從又開覬覦之釁考長城之築自戰國迄明建置不一而寇虜侵擾代不絕書是豈力不足以勝之抑亦揣其本者之疎也我

國家撫綏九有中外一統烏孫突厥之屬悉為臣僕而邊垣雖有基勿壞亦視有若無予見定邑蒙民漢民譯語既通交易甚便嘗無爾虞我詐之嫌以知

聖人之德威化神無遠弗届正非斤斤防禦之計也第官斯土者定邊縣志 卷十二 邊備志 邊備 定職業學校印

安不忘危求久安長治之道登斯民於衽席則本之是圖而陳迹亦有可鏡者焉

邊牆

周末秦趙衛三國地皆有邊秦於隴西北地上郡築長城又秦始皇三十二年蒙恬取河南地築長城漢武帝時命衛青築城繕塞因河為固隋亦築長城河內地皆為郡縣皆以河為界唐張仁愿築三受降城更在河北至明初築東勝州城乃即東受降城也郡按地圖考之中受降城南直朔方今之寧夏鎮也西受降城南直靈武今之靈州也東受降城南直榆中今之延綏鎮也明初為東勝州今套中之所謂白迨東勝不守成化時巡撫延綏余子俊乃築邊牆東自紫城西至寧夏花馬池東西二千餘里正德初楊一

清總制陝西欲將延綏定邊營迤東石滂池至寧夏橫城三百里內邊牆增築高厚僅築四十里

按延綏鎮在榆林榆林古無鎮有之自明王楨余子俊始其地秦屬雲中漢屬五原郡唐曰勝州曰榆林明正統東勝失守移鎮城綏德成化中又從鎮榆林統中東西三協墩堡勾連橫截河套之口遂稱雄鎮今縣治即西協定邊營是也西協統十營堡曰靖邊寧塞鎮羅鎮靖龍州屬靖邊縣曰定邊鹽場磚井安邊柳樹澗屬定邊縣

鎮志西路論延鎮西隣寧夏與花馬池接壤者定邊之鹽場堡也定邊轉而東為磚井龍州十五營堡皆依山臨壑倚險可守然寧

定邊縣志

卷十二

邊備志

邊備

二

定職業學校印

塞柳樹澗平川錯雜為延安之門戶居常小竊秋高大舉較之鎮靖靖邊猶為要害柳樹澗迤西則曠野平原無險可據新安邊新興石滂三山諸堡設在腹裏議者欲分其軍丁添貼守瞭未必非補備之一策也磚井去定邊五十餘里而遙欲於瓦剎梁增設一堡如鎮羅堡故事以便接應或以兵糧無措竟同築舍奈之何哉定邊西郭之外南北二沙最為邊患除之復聚徒煩畚插之勞不若增築磚墩之為因地制宜也

徐觀海評曰漢時河內之地皆為郡縣唐宋以來屯兵防守時或陷於西戎明時始築城堡迨東勝不守套虜內訌盜益蹂躪矣國朝定鼎烽火始息宴然又安境內如鐵鞭城鐵角城石滂寨羊

圍山峭門關閣門關凡宋明駐兵飲馬建寨設墩之處斷垣遺壘故址猶存幸際

昇平一統內外邊不加築於萬斯年一望邊牆龍沙千里戍堞周遮陰山鹽澤宿莽穹廡隱約於落霞飛鳥之外蓋恩威之遠播不專恃乎設險也守在四裔不其然乎

河套

河套在寧夏之東北而榆林之北也東距河則山西之偏頭關西距河則寧夏鎮長二千里有奇邊牆限其南三面有黃河之阻遠者八九百里六七百里近者亦二三百里惟黃甫川之南焦家坪孃孃灘羊園渡口為最近處其地東北有大山而河流其中清

定邊縣志

卷十二

邊備志

邊牆

三

定職業學校印

河之地往往有城郭皆漢縣也河水自富平故城而來東北逕渾懷障都尉之所治而障之西南有忻都城又軍騰兜城省鬼城峯城兜駱駝山參塚山舊花馬池石崖山河水出其西山上之石自然有文盡若戰馬之狀故亦謂之畫石山河水又過朔方臨戎縣西北逕三封故城臨戎者王莽之所謂推武而啞把湖在其南也河水又東逕沃野故城遂北屈而為南河又北迤西溢於窳渾縣故城東又自縣西出鷄鹿塞其水積而為屠申澤澤東西一百二十里河水又屈而東為北河逕高關南昔趙武靈王自代並陰山下至高關為塞山下有長城連山刺天兩岸雲舉故名關也又東逕臨河縣故城北漢武帝封代恭王子劉賢於此為侯國又至河

曰縣故城西又東逕陽山南自高關以東夾山帶河而至陽山皆北假也秦使蒙恬將十萬人北渡河取高關據陽山北假中是也河水又東逕廣牧縣故城北有東部都尉治又南逕馬陰山西漢時稱陽山在河北陰山在河南者是也陽山之間有東勝州城唐龍鎮而陰山一名鍾山東西千餘里單于之苑囿也河水又東逕朔方縣故城東北連鹽澤青鹽澤并在縣南有蓮花城紅鹽池在其東長鹽池在其西漢置典官治又東轉逕渠搜縣故城北又逕西安陽故城屈過九原縣南又東過沙南縣北而南流入君子濟遂與園水榆溪諸水合為黃河焉而其中小水之支流者黃羊城東之牛心山山東北有月兒海子水石瑤山城東海子山有水出搜也

定邊縣志

卷十二

邊備志

河套

四

定職業學校印

沿革

古未有河套名自明築邊牆棄其地於外而河套名焉其地戰國屬趙秦為河南新秦上郡九原地沿河築城扶蘇蒙恬所經營為縣三十有奇漢置五原郡主父偃所謂河南地肥饒外阻河蒙恬城之內省輸運中國之邊備也晉因漢領縣十後屬符秦晉末始據於赫連氏共二十二年其後宇文泰據有其地隋置勝州榆林郡更築長城唐初破突厥以處頡利之來降者置六州曰魯曰麗曰合

曰塞曰依曰契以唐人為刺史武后并為匡長二州中宗置蘭池
都督府分六州為縣元宗改為寧朔郡以六縣為六州入增置宥
州張仁愿北踰河因趙武靈王故址築三受降城後安祿山反元
宗幸蜀肅宗至靈武以朔方兵投郭李諸將東討史思明安慶緒
兩京恢復而鎮兵遂有土番之變不旋踵而敗於鹽池唐末拓跋
思恭鎮是州以討黃巢功賜姓李拜爵奄有銀夏綏宥靜五州地
五代及宋建國為夏凡十主元滅之國亡
共一百九十六年雖以范仲淹韓琦夏竦
神世衛狄青等經畧其地僅遏其鋒蓋土地廣大終宋之世而莫
之何矣元滅之後城東勝州及明初城東勝州即東受降城故址
也雖中西二城未復唐制而套內徙綏寧夏之人耕牧其中迨東

定邊縣志

卷十三

邊備志

沿革

五

定職業學校印

勝失守天順六年毛里孫等始入河套猶貢獻未為邊害未幾即
去成化初又糾滿都魯入始抄掠或一歲一入或間歲一入出則
犯大同宣府亦未嘗以河套為巢穴也成化九年總都王越因滿
都魯自套入寇越知其子女輜重在套之紅鹽池平兵襲殺焚之
夷被大創渡河北去不敢復渡者二十餘年嘉靖間復大猖獗總
督曾銑於二十六年大舉搜套殺獲甚多而嚴嵩指為開釁斬銑
東市於是小王子火篩俺答吉囊等紛紛入套為患於榆林寧夏
於秦於晉迄無寧歲天啓元年插罕入套套中舊部懼其吞併多
降中國及李過攻榆林舉義旗來援乃畏賊鋒遂巡不進
國朝定鼎始奉正朔而受祿焉王倭月一百兩公貝勒倭月八十

兩貝子俸月六十兩其王為古祿王與古祿什貝子索鈐貝子掌
歲公打兒文貝子掃闊貝勒是為六掌撒統領部落其下俱號台
吉駐牧於鎮之邊外自神木以西封古祿王為晉王駐伍奴故免
古祿什貝子捏克台吉各分駐其中黃甫川南為索鈐貝子駐焦
家坪孤山堡以北為掌歲公駐北黃河畔高家堡外左直榆林為
打兒文貝子及咳歎台吉引張耐台吉駐五藍腦兒紅山市以往
為喇達達台吉彭松台吉駐什喇百黎定邊右轉薄寧夏為掃闊
貝勒駐什喇波里常樂雙山之外為黃台吉坐挾丹台吉駐克路
漢才黨相林以東為聶克台吉駐耿波黨把漢波黨猶混忽都河
接懷遠為馬麻泰台吉捧素台吉駐連蓋波羅威武北境至清平

定邊縣志

卷十二

邊備志

沿革

六

定職業學校印

為超羅代台吉五榜式台吉駐海流兔入寧夏橫城北為欽列伯
山旦部落二萬駐牧又花馬池西北為阿兒墩素部落三千駐牧
凡出師則以兵屬合收也吉者兵罷則歸各部之掌撒其迤西部
落首領俱號買賴隨水草遷徙無常處焉

說者謂河套之地漢時郡縣在焉晉明時余中丞築為邊牆棄地
於外以為套虜藪顧明之失在朝政而不在外夷德足以柔遠牆
不築可也兵不可以制人牆即高奚益焉築邊牆有不得已之心
也我

國家恩威遠播西戎悅服為外藩臣定邊直通邊陲而中外一統
無雞鳴犬吠之警非其驗歟志河套所以慶

王化無疆也

禦邊

邊堡西自橫城東至黃甫川為河水出套入套處明余子俊徐廷璋等築為邊牆一千二百九十里沿邊三十五堡城紅山市不與馬

按明成化九年都御史余子俊議徙鎮榆林堡內地稍安又築邊牆自黃甫川西至定邊營亘千二百餘里連墩勾堡橫截套口內復塹山湮谷是曰夾道得地利馬寇遂不敢輒渡河我得耕牧套內益以樵採圍獵之利稱雄鎮矣當是時寧夏巡撫徐廷璋亦修邊牆寇不敢入套者二十餘年

定邊縣志

卷十二

邊備志

禦邊

七

定職業學校印

橫城堡河東所自始長城之馬頭河套之津口也自堡而東統九城亘四百餘里徐廷璋王瓊所設者邊外套夷與賀蘭山後相隔一河耳迤東南二十里踰馬鞍山為紅山堡

按明成化間巡撫徐廷璋築長城於黃河嘴至花馬池止長三百九十里後王瓊改築新邊起於橫城今套夷近寧夏者曰山旦王曰阿克墩素近榆林者曰古祿王祝囊等駐牧賀蘭山後與套隔河三百餘里

紅山堡極衝要害之地也南五十里為清水堡

清水堡城不寬而夷廠在其北今在市之地設官分職以蒞之東南七十里至興武營

興武營寧夏之中路營也北列長城南連山麓李元昊離宮於此
東南六一里為安定堡

按明夷寇興武遊擊談世德敗之於詹家溝

安定堡勢同興武而城外飛沙咸多乃效雲中築臺兵不勞而守
自固東南三十里至花馬池

按明巡撫黃嘉善見堡多沙乃效雲中臺式於沙泮跨塙磚石
券甃為敵臺者四臺有亭可以遠望

花馬池古鹽州寧夏之東路營也平固門戶環廣襟喉定邊羽翼
平沙漫衍四通八達舊花馬池在塞外故邊所環甚寬自王瓊改
築今城而邊亦縮城外楊柳廢營為花馬池惠瓊實貽之北有長

定邊縣志

卷十三

邊備志

禦邊

八

定職業學校印

城關閣門外通飛樓遠眺可謂重險南有鐵柱泉昔為夷飲馬處
自築城環水其中又築梁家泉等堡夷不得水無敢深入東南四
十里為鹽場堡

鹽場堡延寧之錯繡也橫塞平原之地雖有鹽池而城堡屯兵自
古無之自移鎮綏德而堡始設東二十里為定邊營

按此為延綏西路所自始明余子俊東自紫城砦西至鹽場築
邊塙營堡

定邊營即今城隋之鹽州唐之五原郡也南通石澗北枕塞垣而長
城關在焉郭外南北二河後於塞無之石坑舊寺已為沙埋明李琦因
於高梁即邊外地東四十里為磚井堡

按定邊營東北十里有石坑寺坑深丈餘洞佛皆石元大德中
鑿久為沙埋明宏治十四年寇犯邊軍中見白鼠入穴異而掘
之得石柱柱之下有池池之東丈餘有聲如鐘磬乃得寺焉今
仍無之明總兵李琦與黃台吉戰於高梁為夷所圍琦出奇勝
之查黃台吉與扶丹台吉駐牧河套充路漢才黨地

磚井堡宋之鹽州地也南接新興而梁山洛水間之北望忻都而
長城烽燧障之自堡而東依山臨塹有險可扼東五十里為舊安
邊營

按城西有古井以磚甃之故名堡舊為新興後移新興於堡南
八十里忻都在套內漢故城名又漢用兵之地

定邊縣志

卷十三

邊備志

禦邊

九

定邊職業學校印

舊安邊營宋鹽州地俗謂之深井明初置城石彪所轉戰成功立
威之地也余子俊以平漫沙漠難於濬築邊濠不利士馬乃於中
山坡改築新營所謂新安邊也其後仍改於此東南四十里為柳
樹澗堡

按明天順二年夷寇邊命大同總兵官石彪往禦之戰於安邊
迨至昌平墩大敗於野馬澗平坡墩轉戰六十里

柳樹澗堡宋夏州地澗曰柳樹因名堡馬堡置於明初余子俊南
移永濟董威復移於此堡與寧塞為延安門戶套夷出入大率由
此東四十里為寧塞堡

按明流賊張獻忠生於此堡

寧塞堡宋夏州地古之栲栳城也西南有把都河河北蓮花山順寧川有古寨馬金湯川鷹窩山有戰場馬河之南架砲山旗杆山亭燧在焉皆希文范公之遺蹟東四十五里為靖邊營

按明大盜神一元神一奎皆此堡人

靖邊營今縣新城宋夏州兀喇城也東西有哨馬營西南之黃花戍及

收麥城范老關皆范文正公之所經營者營即保安軍其為重也宋且然矣東四十里至鎮魯堡

按哨馬營又謂范將軍馬營文正之舊蹟也黃花城在西南五里即黃花古戍城外有收麥河渡永濟橋即收麥城

鎮魯堡宋夏州地今改鎮羅堡東四十里為鎮靖堡

定邊縣志 卷十三 邊備志 十一 定職業學校印

鎮靖堡宋夏州地即白塔湖也南有蘆關嶺延水出焉地形窳下明時兩為水滄兩遭兵掠東四十里為龍州城

按堡又名白灘兜塞門所築架城皆有舊堡

龍州城漢之龍州宋之夏州石堡寨也范文正公於此置焉境有龍城關乃茲境首衝鴉兜港四面天險混忽都河無定河上流也東二十里為清平堡延綏西路止此

按堡在平地不若鴉兜港之險固水出塞外之白城兜至此與堡之混忽都河水合南流益大謂之無定河水中沙流不定人馬踐之如行幕上或逆流入海潮故名

清平堡漢之白土縣也舊名碑營兜城外之沙常陷車騎昔有導

鮮鮑之水而邊牆以安者東四十里為威武堡

按鮮鮑河在邊外五十里其水貫牆而入昔靖邊監司視於邊外得石廣數丈水障而下乃鑿石為穴導水下流而石若梁焉石上為城邊牆遂固

威武堡即響鈴塔也北有威武關堡因名馬牛心山峙其東赤木水在其北依山險阻之地也南有秋青原武襄之所駐兵於此秦虜功者外則密邇海流兔之地東南四十里為懷遠堡

按牛心山在東十餘里赤木水在西二十里秋青原在南十里海流兔在套內今超羅代台吉所駐牧之處

懷遠堡今為縣即白家梁也梁在山顛山下為無定河明時堡之旗

定邊縣志

卷十三

邊備志

禦邊

十一

定職業學校印

竿戈戟火出有聲而關賊李自成生於李繼遷寨邊外速蓋之地
種帳星羅東四十里為波羅堡

按李自成崇貞四年入苗美部為賊號關將始發難於此速蓋在套內今馬麻台吉所駐牧之地

波羅堡有波羅寺依山築南通懷德北跨馬鞍東控土門西引三捷邊外沙高於墻無定河可以為隍東南五十里為響水堡

響水堡漢之圓陰地也堡近黑河北於邊牆甚遠明已移軍平遠余子俊復移於此東北四十里為保安堡

保安堡古梁城也堡與長樂實扼魚河歸德大川之衝堡為水澤之區邇來潞水漸涸馬無所飲東二十里為榆林衛

榆林衛今為府縣榆谿舊塞也周為獫狁春秋時為白翟秦屬上郡漢為雲中五原晉為并州隋為榆林皆無所建置明失東勝而守綏德此其出哨水頭耳城築於王禎鎮移於余子俊屯兵於此遂為雄鎮東依駝山西限榆谿北距邊牆南引銀州可謂天險東南山阜參差林木隕蔽海潮寺逼居城下明李闖賊焚掠城陷而猶巷戰忠魂義魄與日月爭光可也北十里為紅山市

按秦蒙恬畧河南拓榆中地千里屬上郡漢又謂五原隋煬帝巡幸至此有榆林宮明武宗亦巡幸至此城東有駝山城半築其上山形類駝世呼榆林為駝城棹河之水匝隍於城西為西河合榆谿之水流入紅峽城南一百四十里為銀州關榆谿無

定邊縣志

卷十二

邊備志

樂邊

十三

定職業學校印

定二水流至關而合崇貞十六年賊李過等攻城於沙峯上起飛樓與城相對又於海潮寺穴地入城城陷巷戰死者數百人紅山市為款河套而開也南二百有紅山山有款貢城市口有城開市有日明制一年無犯許市一年而朝款夕寇不知凡幾且以疲馬易禁物亦有不得已者耳爛泥灣為內地草場而近什喇百黎南由榆林四十里為常樂堡

按明隆慶五年吉熊乞貢遂開市於紅山今市口有土城陶穴而居或設帳房爛泥灣在市外軍中採草地什喇百黎在市北今喇迷達台吉彭松台吉駐牧之處

常樂堡漢之榆谿也舊堡在南沙磧無水宏治間移公兒河即此

堡也雖獐水淺不可隍南鴛鴦湖水草豐美鎮之為焚賴焉邊外
白崖河越出獐河可為飼秣所東南四十里為雙山堡延綏中路此
按獐水出本堡而口外葫蘆海之水南流與合八紅石峽
雙山堡唐之真鄉縣也初築堡於水地灣明成化中移此堡在山
岡有險可守為北門鎖鑰長塹在北依山阜而少風沙東南四十
里為建安堡

建安堡漢之固陽縣也堡在山畔始甃水貫邊而入彼有甯馬自
堡而東岡阜交錯蜿蜒四百餘里東路之要固在險也且逼近黃
河水陸可通東四十里為高家堡

按黃河在南一百五十里蓋黃河至寧夏北流而東幾二千里

定邊縣志

卷十三

邊備志

樂邊

十三

定職業學校印

至君子濟則折而南故延綏東路近黃河始甃山名在邊外水
入經堡而南為秃尾河

高家堡唐之豐州地宋之飛鴉山也堡在平原萬戶峪在南趙保
吉之限從此犯麟州幽陵在北唐開元中置也南有彌勒川涑水
所會馬鞍山為古戰場夷之內犯亦從堡入今塞外之五藍腥兒
羶裘羅列東南四十里為柏林堡

按麟州今永興堡也幽陵都督府在堡東彌勒川有宋彌勒寺
寨下有金剛溝明插罕入套驅併諸夷崇貞六年火落太及古
魯太皆舉族內附以避之插罕入邊從堡而入西犯甘州病死
於祀連城套夷自乞降後而榆林邊患始息李過攻榆林榆林

義士借其兵數千來援以寡不敵退去五藍腦兒在套內今打兒丈貝子咳欵台吉引章爾台吉駐牧之

相林堡唐之勝州地也地多產相南跨黃河北距壘壘而壘外之耿波黨把漢波黨皆異域也雖有野馬水曾不濡馬足南有黑軍崖東四十里為大柏油堡

按耿波黨把漢波黨在套內今聶克台吉駐牧之地野馬灣亦在套內水流入堡黑軍崖在南三十里秦王過此點軍今有馬蹄及人跪坐衣文在石

大柏油堡唐之麟州地也堡在山巔水環城外寇夷交誼而堡安堵非河山之助耶其石盤山妄說無稽東南四十里為神木縣

定邊縣志

卷十二

邊備志

樂邊

十四

定職業學校印

按城外東西二水自邊外入南合相林城東黃河在南二十里石盤山在東南山石有巨人跡車輞跡俗傳柴世宗敗金愬此神木縣漢之九祿塞魏之朔州隋之豐州宋之神木寨也城在平原南界黃河北距市口其鳳頭筆架武宗之所駐蹕也紫溝之戰忠靈出焉黃河之沉奸雄盡焉龍眼錦屏山環舊縣五奴故鬼地分新茅邑有互市大約紅山等耳南四十里為永興堡

按縣西有古大松二株因名元於此置雲州明置縣因宋名馬鳳頭筆架二山詩在東正德十三年武宗巡幸駐蹕於此寺來入寇總兵張欽敗於紫溝河戊子總兵姜瓖變於大同己丑高有才起於神木王永強起於榆林盡有榆林之地適吳三桂自

漢中疾趨至高有才戰敗保府谷逾年始克高有才沉河死龍
眼錦屏二山五原故城在其南漢光祿塞也元雲州故城在其
東唐麟州故城及連谷城在其北銀城廢縣又在其南魏之石
城隋改為銀而古之新秦縣及唐之靜寇塞與惠寧鎮川二堡
皆在其境焉五奴故鬼套地今封古祿王為晉王及古祿什貝
子捏克台吉駐牧分居其中互市大約與紅山市口同
永興堡隋之連谷縣唐之麟州郡宋之黑城也當明之時套夷外
侵流寇內亂而堡歸然獨存者堡在山原以險為固也宋欲廢州
為寨且欲棄之歐陽修曰城堡堅完地勢高峻天設之險可守而
不可攻信然東四十里為鎮羌堡

定邊縣志

卷十三

邊備志

禦邊

十五

定職業學校印

鎮羌堡唐麟州地也明初守東村繼而移堡於此堡在山原永無
兵革與永興堡之天窳關可以守禦堡有荒田而禁墾惜哉東四
十里為孤山堡

孤山堡即孤圪塔營也堡置山顛昔屯重兵開市及移神木而堡
日就荒南有芑州不足為重湯印勅所謂黃沙白草四野漫漫一
腔熱血乃委此耶東四十里為木瓜園堡

按境之南五里有芑州城明參將湯印勅守孤山與夷戰敗死
之邊外今掌歲公駐牧之地

木瓜園堡唐勝州地也府谷在南而近長城在北而遠堡在山顛
城小而荒一陷於關三海再辱於王嘉印也東三十里為清水營

按小寇闖三海隘堡殺掠已甚王嘉印於崇貞三年改稱本堡
殺傷更甚

清水營唐之勝州宋以之屬府州城在山陂當極衝之地東南十
五里為黃甫川

黃甫川唐之勝州宋之府州也明初隸清水而開關置戍焉黃河
從塞外至東勝州臨君子濟折而南經堡之東出套一河之隔山
西寄嵐州之樓子營也小市同於紅山豈但與焦家坪為是紛紛
交易哉 延綏東路止此

按黃河在東二十五里從灰溝營渡河直達偏頭關又東渡河
與殺虎口逼近焦家坪在河套今索鈴貝子駐牧之地

定邊縣志

卷十三


邊備志

禦邊

十六

定職業學校印

竊謂禦邊一列西自橫山堡起東至黃甫川止以定邊區區一邑
遽載連墩勾堡亘綿數千里之長似於體制未協查核鎮志間有
未經載及前此徐邑侯或別加採訪抑另有所見應存舊錄備資
參考為異日輶軒之助



定邊縣志

藝文志卷十三

前令徐觀海論曰文以載道一邑之掌故寄焉定邑僻處邊隅無名山大川供學士之制作即名公鉅卿憑軾而過率以塞雲邊月為愁苦之境多有擱筆者士生其間歷代厭於兵革鮮能援古證今扶輪大雅蓋地使然也

聖天子文教覃敷駸駸乎日臻於盛將必有名世者與關中競美焉錄條議詩文如干首亦以其有關一邑之故非徒以尚文也併錄碑記俾知各工創建興修之概耳

修議

定邊縣志

卷十三

藝文志

條議

一

定職業學校印

漢

虞詡議復三郡疏臣聞子孫以奉祖為孝君上以安民為明此高宗周宣所以上配湯武也禹貢雍州之域厥土為上且沃野千里穀稼既殷又有龜茲鹽池以為民利縣上郡龜茲水草豐美土宜產牧牛馬銜尾羣羊塞道北阻河山乘阮據險因渠以溉水春河漕用功省少而軍糧饒足故孝武皇帝及光武築朔方關西河置上郡皆為此也而遭元元無妄之交眾羌內潰郡縣兵荒二十餘年夫棄沃壤之饒損自然之財不可謂利離河山之阻守無險之處難以為固今三郡未復安定北郡圍陵單外而公卿選懦容頭過身張解設難但計所費不圖其安宜開聖德考行所長

明

張鍊鹽法議夫食鹽山澤自然之利天下所以養民也上古無徵
近古薄徵以佐國用要在先不病民而後利國為可貴耳關中食
鹽一出於河東一出於花馬池一出於靈州一出於西章去三輔
絕遠專供靈夏洮岷西北兵民之用無容議矣花馬池鹽北供延
慶平三府寧榆二鎮南與河東鹽並行於三輔間河東鹽上下公
行謂之官鹽花馬池鹽私相貿易謂之私鹽民間便於私鹽不便
於官鹽者百年於茲矣必欲行河東官鹽其弊有四蓋行鹽郡縣
各有分界所司徒知紙上陳跡河東鹽行三省不可越縮若究其
實在山西河南未知何如其在關中自長安以西河東美鹽絕跡

定邊縣志

卷三

藝文志 條議

二

定職業學校印

不至間有至者皆泥滓苦惡中人不以入口惟耕夫寡婦龜勉食
之計其所售無幾也名雖謂行其實未嘗行之一也往來商人慮
惡鹽不售告發郡縣使所在輦運外加樣鹽包封印計之及以給
民封者自佳輦者自惡唱戶分鹽畏如飲鴆計賬徵價峻於正稅
今雖暫止既為故事恐不能已二也商人賣鹽與販夫隨以小票
鹽盡票不收毀官鹽不至西路則無票無票則通責店肆負販細
人請東路自買未毀之票繳官公人亦幸得免責不問由來互相
欺抵三也賈買票日久奸人依式私製盜賣僥倖者冒利敗露者
破家雖有防禁迄今未已四也必欲禁花馬池私鹽其弊有五關
中民貧衣食驅遺賦稅催切罄家所有走北地販鹽冀俸斗升之

利一為公人所獲則身入陷阱家計盡空一也貧人既為囚繫內無供餽冬月多斃於獄考驛遞囚販鹽徒居半死者又居強半民命可恤二也小販懼捕結聚大夥經山谿險要偶過公人勢強則抵敵勢弱則冒險奔迸投崖落澗人畜死傷塗地三也公人與有力慣販者交關終歲不捕反為盜護惟單弱貧瘠者捕之或以升斗惡鹽強入路人筐袋執以報功使無辜受害四也眾役工食悉有定例惟巡捕工食私幫公費歲增十倍官吏比銷徒御勞瘁動經時月候文曠職旅食空囊或罰或貸俱為無補五也夫物力不齊物之情也好美惡惡趨利就便民之情也所欲勿聚所惡勿施哀多益寡因俗成務司國計者之情也以物力言河東舊商帶支

定邊縣志

卷三

藝文志

雜錄

三

定職業學校印

坐困新商超納無幾澆陋徒勞增課未減公私俱稱歎矣河東一池雖差大供三省則不足花馬二池雖差小供三郡二鎮則有餘自然之勢也以人情言河東鹽百方督之使行至以泥沙勒售假票甘罪而終不能行花馬池鹽百方禁之使不得行至於比屋破產接踵喪生而終不能禁者民之大欲大惡不可強也以國計河東歲課一十九萬有奇花馬二池歲課不盈數千河東鹽一引三錢有奇二池鹽一石六分有奇如是相懸者意河東與天下六運自祖宗朝俱有定額由來久遠二池迫近塞垣棄取不時故課亦微渺後來因循取足原辦而止耳夫河東鹽既不能及遠二池鹽卒不能禁民間又不可一日無鹽而盜買盜賣終非常理今當直

開二池鹽禁使西鳳漢中沛然通行計三府所當常食河東鹽一十二萬有奇歲課即照河東責三府代辦以其事權統歸河東巡鹽御史則違觀無異督禁有程兩地歲徵四鎮年例保無纖夾而關中可少事矣夫居害者擇其寡與利者取其多儻今不弛二池鹽禁則愚民被逮供餽為費罪贖為費奸人騙詐為費兵民歲增工食為費官吏比銷為費一切顯隱猥雜不可會計財足抵河東花馬二池正課出於千瘡百痛徒然費之而下殘民命上損國體又餘殃也儻今一弛二池之禁則愚民被逮供餽可省罪贖可省奸人騙詐可省歲增工食可省官吏比銷可省一切顯隱猥雜不可會計財足抵河東花馬二池正課出於不識不知漠然省之而

定邊縣志

卷十三

藝文志

條議

四

定職業學校印

下活民命上全國體又餘福也夫人情不甚遠比聞鹽法侍御皆一時英碩表表長者使其聞見悉如關中人習知其利害則亦何憚而不為良處哉但其受命而來也惟以行官鹽禁私鹽為職而反是則駭矣地非素履事未前聞雖聖人有所不知者何可遽望改易其常耶雖然安國家利百姓大夫出疆義也究理從長議政從便人心不昧因革有時此又關斯民之幸不幸也

王復整飭邊備疏延綏東自黃河岸府谷堡西止定邊營接寧夏花馬池東西縈紆二千餘里而多險隘境外臨邊無有屏障止藉墩臺城堡為守備舊城堡二十五處參差不齊烽火不接北面沿邊一帶墩臺稀疎空濶難以瞭望臣等計議府谷等十九堡俱係

極邊要地必增置挪移庶幾可守府谷堡移出芑州舊城東村堡
移出高漢嶺響水堡移出黑河山土門堡移出十頃坪大兔鷄堡
移出響鈴塔白洛城堡移出靛營兜塞門堡移出務柳莊不惟東
西直對捷徑而水草亦各利便內高家堡至雙山堡榆林城寧塞
營安邊營定邊營相去隔遠合於各該交界地名崖寺子三眼泉
柳樹澗瓦剎梁各添哨堡一座就於隣近營堡量撥軍官哨守又
於安邊營起每二十里築墩臺一座共十座連接環縣俱於附近
官軍量撥守瞭北面沿邊一帶空遠者各設墩臺一座共三十四
座隨其形勢廣其規模庶幾墩臺稠密營堡聯絡而緩急易於策
應矣

定邊縣志

卷十三

藝文志

條議

五

定職業學校印

余子俊邊務疏先該臣等議得定邊新興安邊永濟四營堡俱係
平漫沙漠去處難以打牆挑壕軍馬難於出入及鎮靖堡已行奏
准挪回塞門今定邊等四營堡俱各挪移就險但定邊營接連寧
夏花馬池營合當照舊不動止將新興堡挪於迤南古跡海螺城
安邊營挪於迤南中山陂永濟堡挪於迤南上紅寺鎮靖堡不必
挪回塞門却挪於迤北白塔澗口以守則固以戰則利其永濟安
邊新興三處舊堡營房不許折動永濟新興城小常川輪撥官軍
三隊安邊城大常川輪撥官軍六隊守護遇警或欲撲營按兵老
家及把都河石澇池三山三堡俱係創設官軍數少又且全無器
械及沿邊創修崖砦八百餘座器械亦無合當奏請頒給神鎗三

千把以備戰守

楊一清修理邊牆疏延綏城堡據險寧夏甘肅河山阻隔賊難侵犯為患猶淺惟花馬池至靈州一帶地里寬漫城堡稀疎兵力單弱一或失守寇眾拆牆入犯誠非細故成化時寧夏巡撫徐廷璋修邊牆二百餘里開濬溝塹一道延綏地方邊牆壕塹又得巡撫余子俊修濬完固北丁不復入套者二十餘年世平人玩邊備稍疎連年擁眾拆入我軍動輒失利一二年來寇復大舉攻陷清水營殘破花馬池上屋宸慮敕臣經理臣自慶陽直抵靈州一帶邊牆城堡墩臺躬親閱視應廣集眾思始有定論其大要有四修濬牆塹以固邊防增設衛所壯邊兵經理寧夏以安內附整飭章

定邊縣志

卷十三

藝文志

條議

六

定職業學校印

州以邊外侵當務之急莫先於此伏見受降城據三面之險當千里之蔽正統以來舍受降而衛東勝已失一面之險又輟東勝以就延綏則以一面之地遮千餘里之衝遂使河套沃壤為寇甌脫巢穴其中而盡失外險反備南河此陝西北邊之患所以相尋而莫之解也茲欲復守東勝因河為固東接大同西接寧夏使河套方千里之地歸我耕牧開屯田數百里用省內運及今將延綏寧夏一帶邊防設法整教賊來有以待之或數十年未敢輕犯我得休養生息東勝之地未必終不可復也

徐宗濬邊鹽壅滯餉匱可慮疏延鎮兵馬雲屯惟賴召買鹽引接濟軍需歲有常額往時召集山西商人承認淮浙二鹽輸糧於各

堡倉結引前去江南投司領鹽發賣鹽法疏通邊商獲利二百年來未聞壅滯及至於今商人苦稱邊鹽不通引積無用其情甚苦其詞甚哀細詢其故蓋緣江南鹽官失政恣肆漁獵弊竇多端如邊鹽每引每包重止五百五十斤例也而彼鹽每引每包重至二千五百斤人情熟不欲利誰肯舍多而就少乎是彼得利四倍而邊鹽利少無人承買其困一也邊鹽堆積三四年發買亦例也而彼鹽朝中暮鬻無容堆積人情孰不急於趨利誰肯舍速而就緩乎是彼獲利捷徑而邊鹽遲滯無人承買其困二也鹽誌開載商鹽必按單順序候鹽院委官盤掣而後發賣彼鹽不登單自任意中發既免守候之艱又無掣盤之費人皆樂趨所以邊鹽壅滯引

定邊縣志

卷三

藝文志

條議

七

定職業學校印

不得售其困三也且彼鹽發賣執有小票聯艘販運江浙吳楚之間何處不到夫行鹽之地有方食鹽之人有限彼之餘鹽既已盛行雖有邊鹽尋無買主其困四也先年鹽法通行或邊商安於故土不樂遠涉則有南商來邊收買鹽引引亦無壅今小票便而得利廣孰肯驅馳數千里遐荒之路而買引乎近年以來塞上無南商之跡矣邊商迫於官刑納粟中引無人承買齎之江南株守累月盤纏罄盡雖減價而不得售其困五也邊方准鹽每引官價五錢并在彼加納餘價共七錢五分今江南價銀止得四錢四分是虧折本銀三錢一分邊方浙鹽每引官價銀三錢五分今江南價銀止得一錢六分是虧折本銀一錢九分然皆疆而後售共計淮

浙二十二萬六千餘引虧短價銀五萬七千餘兩四五年間不能
周轉及至還鄉債主逼索變產賠償其困六也如此六蠹率由私
鹽徧行小票通而官引滯所以山西之商忿折資本盡歸原籍土
著之商力窮難支逃亡過半止餘見在數家號呼告退新鹽引日
節行催派并無一人承認三路鹽糧所藉以佐軍儲者盡化烏有
司餉者日夜皇皇束手無策邊事至此深可寒心夫三軍之為國
家効力者恃有此月餉耳月餉之所以充足者恃有此鹽商耳今
南方鹽法阻滯商鹽不行鹽引不售鹽商不願赴邊納糧中引則
軍餉無所復出三軍枵腹荷戈何以責之竭力以禦意外之虞哉
伏乞敕下戶部從長的酌議務使鹽法疏通邊餉充足無徇目前之
近永貽社稷之安熟敷利害覆請施行

定邊縣志

卷十三

藝文志

條譯

八

定職業學校印

國朝

姜圖南酌釐湖茶并行邊茶疏茶法中馬故明舊有川茶漢茶湖
茶川茶自隆慶三年題改折價臣前有蜀省文移一疏業經覆議
行彼中撫按酌議開徵漢茶自萬曆十四年題改折價所有茶園
茶課見在催徵冊報每歲招商散引前往漢南及湖襄收茶轉運
官商對分以供招中耳顧漢南州縣產茶有限且層巖複嶺山程
不便商人大抵浮漢江於襄陽接買臣衙門據引給票照驗比以
湖襄水販店戶將茶斤貪圖價值專賣別省無引私販官商齎引
無從收買臣查故明舊例湖茶通行各商招舉隨將引單號簿行

湖廣寶慶府轉發新化縣照引註定斤數多餘盡數抽稅該府仍委府佐一員監收接管嚴加盤驗如有低假茶戶牙行一體究處崇貞十五年題請在案今湖南茶法未能通行陝商統聚襄陽收買湖襄督催盤驗自不容已除漢中鞏昌兩刑官於湖茶照常盤驗外其襄陽收茶處所應請歲給官商引單號簿一冊於該府執對盤驗稽覈責有攸歸此所謂湖茶宜趨也至內地茶法故明嘉靖十五年御使劉良卿議酌西鳳等八府地方廣狹分派各府對半抽分照依時估定以價值商茶給商自賣外官茶價銀呈臣衙門計算或備軍儲迄萬曆十三年計小引茶西安行六萬斤漢中鳳翔行二萬斤今西漢二府尚行小商其對分官茶各交司中馬

定邊縣志

卷十三

藝文志

條議

九

定職業學校印

若延寧等處道里遼遠茶法久已絕響矣臣擬於榆林神木二道照舊小引例引茶百斤量入官茶三十斤額定每斤折價一錢三分報交延鎮官庫所過關津一體盤驗計榆林二處可行茶二十萬斤則由榆林以至寧夏俱可漸舉既以便民又復裕國此所謂邊茶宜行也蓋趨湖茶則商運速通邊茶則茶路廣斯實於目前茶法有裨者也

王廷弼屯政議古之實邊籌塞者莫不以耕屯為首務故有地而無人謂之守平虛有人而無食謂之與禍居是必耕之者眾而後民多紅粟之陳邊無懸釜之懼即遇軍興災告可免匱乏之憂又何有流離夫所與弄兵潢池者哉順奉戶部經理流民議修屯政

給資本寬賦徭制甚善而民甚更也但建榆綏三衛現荒屯地四萬二千一百餘頃皆處沿邊絕塞沙漠不毛初非平原沃野可以成賦中邦在昔止募商人輸粟於邊計其所輸而給鹽引商人饒其利招納貧民以事耕耘倉庾既盈地日墾闢兼有素裕之商又市粟屯民屯民者日不足而歲有餘者也春糶以十恒有不贖本之憂商之市者眾而穀踊矣穀踊而耕耨益勸矣迨至明季賤粟貴金遂徵銀而不徵粟商病而鹽政壞矣鹽政壞而屯地廢矣數十年來荆棘成林胼胝莫施今欲招一時饑饉之流民而屯久經廢棄之邊地竊恐勢所難行而民亦未必稱便且流移者之去留恒視年歲之豐歉故園各有恒產非若兵戈失業之流誰肯棄故土而事荒屯莫若將此地畝聽土著之民自墾不在牛種之給與不給而在薄賦寬徭倘不在三年起科之限例則民樂於播種矣不遽廢地方各官之功罪則官亦樂於招墾矣如有奸民棄熟就荒即繩以脫漏之條不數年間生聚招徠又安有失所之人與廢棄之地哉語曰藏富於民則國自富弭盜實邊莫善於此謹議

詩選

唐

張敬忠邊詩

五原春色舊來遲二月垂楊未掛絲只今河畔冰開日正是長安
花落時

李益登長城

漢家今上郡秦塞古長城有日天長慘無風沙自驚當今聖天子
不戰四裔平

白居易城鹽州

城鹽州城鹽州城在五原原上頭舊東節度鉢闡布忽見新城當
要路金烏飛傳贊普聞建牙穿箭集羣臣君臣頽面有憂色皆言
勿謂唐無人自築鹽州十餘載左衽禮表不犯塞晝牧牛羊夜捉
生常去新城百里外諸邊忽經來戍人惟此一道無烟塵靈夏潛
安誰復辯秦原暗通何處見鄜州驛路好馬來長安樂肆黃耆賤
城鹽州城鹽州未城天子憂德宗按圖自定計非關將畧與

定邊縣志

卷十三

藝文志

詩選

十一

定職業學校印

廟謨吾聞高宗中宗世北鄙猖狂最難制韓公創築受降城三城
鼎峙屯漢兵東西互絕數千里耳鈴不聞邊馬聲如今邊將非無
策心笑韓公築城壁相看養寇為身謀各握強兵固深澤願分今
日邊將恩褒贈韓公封子孫誰能將此鹽州曲翻作歌詞聞至尊
于清長城

秦王豈無德蒙氏非不武豈將版築功萬里遮胡虜圍沙世所難
作壘明知苦死者倍堪傷僵屍猶抱杆十年居上郡四海誰為主
縱使骨為塵冤名不入土

宋

范仲淹秋思漁家傲

塞下秋來風景異，衡陽雁去無留意。四面邊聲連角起，千障裏長
煙落日孤城閉。濁酒一杯家萬里，燕然未勒歸無計。羌管悠悠
霜滿地，人不寐。將軍白髮征夫淚。

明

唐龍出塞二首

五鼓嚴軍令，平明出塞行。青霄橫殺氣，白日振軍聲。野潤千營肅，
秋高萬馬鳴。單于皆避北，不用築長城。

鼓角川原振，旌旗日月明。屯兵紅石峽，斬將黑山城。血染芹河赤，
氛收榆塞清。陰山應有淚，飛檄到神京。

孫慎西巡邊

定邊縣志

卷十三

藝文志

詩選

十一

定職業學校印

長城迢遞接虹霓，此日登臨信馬蹄。秦地河山連草合，漢家州縣
入雲迷。旌旗高出青霄上，節鉞親持紫塞西。自愧儒冠膺重寄，願
將方畧共封題。

崔鏞塞上曲

鼓角聲喧塞日孤，黃沙白草走單于。大荒自古無分地，指點而今
入版圖。

國朝

吳炳東定邊將軍

榆關飛雪滿輕裘，射獵曾同出塞遊。沙淨旌旗連上郡，風高笳吹
雜涼州。別來蕭瑟空聞雁，客去羈離倦倚樓。月近賀蘭人獨遠，何

時燒燭看吳鉤

郭指南塞門行

勞擾干戈二十年
羸身日走萬山巔
朝隨緜緜過塞門
暮同雀鷲集沙田
有妻有子添貧病
心疆命弱空相競
老親嗒然為我慰
幼兒啼饑向誰控
去年洛濱移來此
今年更入沙漠裏
惟將書卷伴春秋
滿引濁醪消我愁
君不見鷓鴣葬去後
音書絕辟穀子房今亦休
人生萬事終歸盡
只此榮名天地留

郭允升把都河道中二首

長城關外暮飛雲
蕭瑟秋風雁幾羣
戍士牧兒頻借問
只今誰是李將軍
落日平沙接大荒
蕭蕭衰草藉河隍
受降城在今何處

定邊縣志

卷十三

藝文志

詩選

十三

定職業學校印

此地空題古戰場

張偉次定邊

連山奔冥漠
朔氣結雲黃
漢月千秋古
秦城萬里長
駝眠沙草煖
鴈唳塞垣涼
自惜兵戈地
今為耕牧方

王際有邊地吟

從來征戰地
落落幾人家
有日猶飛雪
無風亦起沙
山城誰設市
牧卒強排衙
更有淒涼處
春深不見花

王士禎執定邊劉守備殉節

河套南來控馬池
嚴城一夕滿旌旗
驚傳絕塞豺狼窟
坐失三軍熊豹姿
恤緯孤魂留婦女
成仁浩氣屬偏裨
高才大纛工翻覆
請

視劉君墜淚碑

顧然定邊秋夜

暮上東城烽火樓漢家兵甲舊防秋只今牧馬常西度夜月空寒
故壘愁

又塞下秋日

定陽秋嶺接風陰城下黃榆落葉深夜聽禁門歌唱發那知征客
倍傷心

吳瑞借趙總戎錢笠菴司馬觀鹽池

天工施變幻斥鹵作清湖岸積千山雪池生萬斛珠薦盤思古事
累箸笑山夫澤國同回首應知風味殊

吳與錢皆江南人

定邊縣志

卷十三

藝文志

詩選

十四

定職業學校印

徐洪懿塞外詩

絕塞少人跡征鞍却問途萬里隨地盡一鳥入林孤到處天空濶
不知春有無行程何處宿鳴角起邊隅

張元弼塞外詩

昔觀滄海水今見塞垣煙風過塵吹浪春蒸氣接天馬蹄雲片起
沙影月光連遊覽平生志襟懷一灑然

永佑新秋漫興

初秋風雨暗城闌塞上秋光莫比倫樹樹煙籠茅屋小山山雲覆
亂峯勻到來真不隨時熱老去何妨為仕貧性淡那知秋意冷無
邊清興喜方新

葉鈐到延安日謁見張午莊太守旋蒙柱駕見答即成

短裘匹馬到延安陳榻親登禮節寬豈有文章傾太守又勞冠蓋

下閒官塵寰父老迎人問野店兒童駐馬看十七年來彈指事故

人欣得復瞻韓鈐在都中嘗見太守於宋文正公邸第

又安塞山行

策馬繞過冰水濱又隨鵬鷲入重雲迴峯路似腸千折絕壁人垂

足二分去鳥影連蒼藹沒飛流響過絳雲聞登高頻覓驚人句回

首雕陰已夕曛雕陰山在甘泉南

又靖邊道中

翠嶺盡重山萬綠無凝黛陟陰逾百尋已苦馬力殆奇峯拔地起

定邊縣志

卷十三

藝文志

詩選

十五

定職業學校印

峭立絕芥蒂振策上高層鼓勇氣什倍峯迴露傑閣突兀聳天外

一線走蒼冥羣峯羅細碎饑鷹盤浮屠夕陽閃其背俯視疑有無

遙空互明晦吾生飽行役輪蹄信所屆忻茲捧檄遊恢奇得勝概

冥冥山霧重熒熒星芒大回首城兜窩地名烟波渺何在

又入定邊境口占

平沙踏盡馬蹄忙纔見荒城隱夕陽地近華離烟淡漠疆分夷夏

日昏黃定邊與蒙古接壤胡茄韻合車鈴動自寧條梁至定邊俱通車道晝夜鈴聲不絕野店

寒飄毳幕涼花馬池邊重回首風流何處學江郎

又之任後邀同黃明府諫前署龔贊府啟宋協戎銜解

都關聖易宴飲即事

相逢都是宦遊人喜向源頭作問津接物莫先嚴克己和衷自要
結同寅遲吟黃綬青雲句先判回身動手因語林以回身作廉字解以動手作貪字解
予不負丞丞豈負哦松已遍牧龍濱

董彩虹夜半風止得雨定邑午夏天旱夜得雨口吟

久切雲霓望濃陰傍晚時幸緣風暫息乃趁夜潛施頓解未麻困

還乘長養期深宵遙聽處仁愛仰天慈

又早從鹽場堡海眼取水是晚即雨

此水傳靈異淵淵不大津凌晨纓禱雨八夜恰隨人少府宋君黎明取水晚即

得赤子生鹽母天朝救旱臣休為漁利數到處有明神

又連日身患熱疾

定邊縣志

卷十三

藝文志

詩選

十六

定職業學校印

虔禱隨傷暑微軀曠廢多兩日未到顯因同位切邑侯赴郡少尹宋君朝父進香

冥感 帝心和厚澤千山被公田萬姓歌繡衾身懶試喜雨效

東坡

宋謙甲戌八月四日同范邑侯掄策邀李廣文簡臣宋協戎錢解

都閩聖易宋司廳大相李司廳成龍遊城北方家園集宴口占

爽籟增涼八月天來遊且喜繼羣賢非關春禊多佳日為慶秋成

樂有年地取芳園聊遠俗身閒寸晷亦同仙此問桃李栽培久中座

有以芳園擬者會看瓊開月下筵

又重九日同范邑侯復邀諸公集宴中門樓即事二首

同上高樓雅興長街盃憑眺駐斜陽嵐凝遠塞煙光紫堞映平沙

日色黃鴈字書來雲篆古酒兵談罷菊英香題糕自古稱佳節各把茱萸制錦囊

又折黃花當酒籌相逢人喜說重遊雲連北障龍沙峻簾捲西風羊圈道圈讀倦羊圈山最堪羨武功觀馬射何妨學士賦漁舟莫將此會尋常視應識今秋勝去秋

又乙亥與黃邑侯分路編查保甲口占

保甲森嚴率舊章問闈次第察須詳沙堤雨過行偏潤邊地風過沙塵滿日

是時多雨藉以滋潤菲屋煙微遠似藏其邑民多在山溝密居非隱自是編民

還按戶一行定章程十牌一甲頓教弭盜即安良驅馳鄉國甘勞瘁月旦

於今愧頌揚

定邊縣志

卷十三

藝文志

詩選

十七

定職業學校印

又思位軒偶詠 二堂東軒為退想之所額曰思位蓋取艮卦象

辭之義丙子歲謙在斯室增輯邑志

思惟素位理求殫無辱無榮作是觀世局如碁休亂着官場似戲且徐看居閒自得閒中樂守拙偏從拙處安每向公餘勤採輯從知稱職大為難

又定民苦况凡四野產苦菜咸采食之邊外沙蒿成米曰登粟歲

歉輒以充饑鄉村水少而味甚鹵即鑿井亦十無一甘家各置

窖貯夏雨冬雪其中雖雜污穢而舍此無可為水冬月煨炕皆

牛羊馬糞臭氣亦所不計蓋習俗然也謙因分列其目詩以紀

之

苦菜濟貧

野產乘時秀，閭閻采采嘗。調知美味苦，餐覺菜根香。問俗挑宜早，資貧願易償。和甘逢歲稔，此景未應忘。

登粟療饑

未種能成粟，天心愛育人。論苗非上品，充食亦忘貧。穗比蜂窩近，形同芥子真。救饑猶竹實，應感彼蒼仁。

水窖需飲

汲飲宜先務，僉籌積水盈。鑿泉嫌片鹵，置窖利瓶甕。事兵饑寒用，人忘雨雪并。不須梅止渴，會有化機生。

煨炕禦寒

定邊縣志

卷十三

藝文志

詩選

十六

定職業學校印

栗烈寒何禦，人憑火炕支。爨憂新不繼，煨喜舊常宜。日暖晴窓候，陽回運泰時。總然春有象，餘况許誰知。又謙取定邑之勝蹟為八景各係以詩

南山積雪 縣治南山最峻山北雪積春融始消居民掃積水窖

需飲

突兀山形峻，經冬雪嶂開。天邊擎玉柱，離位峙瑤臺。遠靄迴巒聚，祥光入座來。應藏高尚士，積水煮香醅。

北塞層沙 塞外沙漠風捲層湧遂成波隄

大漠颼時起，長隄盡擁沙。迴環山有跡，飄逐浪生花。雨過明如錦，晴餘燦若霞。霜天長望處，月下亂飛鴉。

紅柳映岸 縣屬西南紅柳溝街北龍王廟前水溝舊時兩岸紅柳掩映因為地名

本是蘇隄柳栽來此地同連村疑杏媚火岸詩桃紅折染啼襟血飄迴舞袖風地名今視昔一望艷陽空

花馬名池 鹽場堡北有花馬大池本西秦牧地池產鹽前明天順中復以鹽易馬故名之

池也何名馬池開貿易通一泓光積雪千里影追風利牧傳秦伯和我紀魏公魚鹽昭畫一歲獻五花纓

磚井泉湧 磚井堡城西舊有古井磚甃因名堡井泉汲之不竭不汲亦不溢其味甘美

定邊縣志

卷十三

藝文志

詩選

九

定職業學校印

井深經言汲邊城堡亦名澄泓泉既美甘冽取仍盈為有源頭活能教徹底清讓廉非敢擬守口却如瓶

石峽流長 洛源出縣東南琉璃廟石縫中廟西北有白露山即

山海經所云白於山水從此出經張千戶岔與安花縣白豹川河合流由保安靖邊安塞甘泉各縣界又歷鄜州雒川中部宜君耀州白水同州府澄城朝邑入河

漫道中流細紆細曲轉腸遠山縈帶迥古寺發源長別派原名洛歸河却是黃從茲放四海有本始無疆

奎星樓聳 城垣巽方設奎星樓配合角樓樓三層巍然聳峙

危聳東城上奎光挾斗分幾層連紫氣百尺上青雲金碧凝朝旭

高寒倚夕曛地靈人自傑領袖寄斯文

元帝臺高 縣城北街建元帝廟額紫極元宮為南山乾溝水直

衝縣城遂倚北添建三天門復築崇臺鎮之形勢完固

紫極當城北魏義殿宇開門送分上界閣亦在高臺瞻仰規模整

登臨氣脉培至今山水真人唱壤歌來

邑廩膳生蘇大顯琵琶城懷古

空餘鴈齒啄山城狀若琵琶千載名指顧將軍桐柱在將軍山在琵琶城北

低徊姊妹鐵鞭橫鐵鞭城田百戶城與琵琶城為鼎足之秋風天勢昔胡女姊妹三人分據之交相援應

外征鴻響暮雨河邊牧馬鳴暮雨兩城傍河記得勝蠻曹一曲當年

韓范戰功成胡女三人後為宋范文正公韓魏公所滅

定邊縣志

卷十三

藝文志

詩選

二十

定職業學校印

定邊縣志

藝文志卷十四

雜文

明

潞安守崔鏞協署題名記都督徐公前掛征西平羌將軍印因疾謝政歸樂於林臯之下者也易年華辛酉秋套衆內訌延之西以衆寡失利民不安其居者六旬是以遠邇震恐天子有西顧之憂詔下閣部議起忠勇舊帥以安攘之時延綏御史大夫孫公持疏以公干城宿將有經濟才改公守定邊副總兵捍禦地方以起瘡痍公聞命忠勇奮發不以崇卑為重輕即單車赴任時方殘破之

定邊縣志

卷十四

藝文志

雜文

定職業學校印

餘廢事叢勝之際公酌昔準今不旬月百廢俱興營伍大振僚屬秉命可謂邦家之光邊徼之幸矣於凡經畫之良錯綜之密臬司陰公悉記其勝獨題名未舉禮余志之余謂禮莫大於分分莫大於名官以勒名分理所當然稽古雍州銘其尤者出隴西屯金城入玉門築受降守廊延豐功偉烈千載而下耿耿乎其不泯矣然則公勒是石豈直為名氏爵里如斯而已乎蓋將冀後之為將者忠以事君仁以愛物廉以約己勇以克敵能此四者庶不愧於古人不然非勒石之本意而徐公之望孤矣於戲有位者不可不慎也

嘉慶二十四年

國朝

李泌重修演武庭記予以陽平參將隨征西醜裔

皇恩授定邊副將凱旋到任見講武庭卑處平地勢將傾頽旗臺照壁亦皆低損固問其故眾曰此庭去舊址猶在二十步之外被山水浸壞前任高公捐資重修已十載有餘連年山水時發淤泥漸厚故臺基漸卑以至於低損也然不復重修亦非無故繼高公而任者張公趙公張公甫任即調欲修而未及修趙公出征西醜欲修而未暇修所以延至今日低損益甚也予聞之竊自思馬武職有營伍之責凡夫惠愛士卒嚴明止齊分所當為皆宜克供厥職而講武之地不修其何以時簡閱勤訓練乎爰是率標員捐資修補將親督土作適奉文署理本鎮因委中軍馬都司監修工成

定邊縣志

卷十四

藝文志

雜文

二

定職業學校印

告竣庭仍三間也臺壁俱備也視夫前之卑處損壞者不已高而且新乎雖然予之重修非踵事增華也亦豈徒以肅觀瞻耶惟願同我標員盡心盡職善教兵丁俾列其臺下者皆有勇而知方庶幾報

國恩於萬一耳而至於恢濶潤色以俟後之君子是為記乾隆二

宋鉞題關帝廟匾額敘伏惟關聖大帝護國佑民英靈千古我

朝屢加封號至隆至崇天下官軍士庶無不起敬起誠廟貌可不

壯麗整肅哉余自癸酉歲仲秋署理定邊協鎮事詣禱禮畢關廟

三層規模宏敞惟年遠將傾兼無關將軍周將軍配殿及月臺鐘

鼓樓戲臺後甬道洵不足以昭祀典而肅觀瞻於是與署中軍都

司解聖易等商同捐俸復勸本營官兵捐銀一百五十兩協屬各營官兵捐銀一百餘兩紳士與商民共捐銀五百餘兩鳩工於甲戌之春至季秋告竣嗚呼不有所廢其何以興此千秋金刹每昔纏辭泐於當時而六代琳宮仍鳥革翬飛於今日漢觀成而玉梁自下廬峯闢而銀殿飛來一聲谷響疑睿講院之音三闋漁歌似亂梵窻之唎觀大觀之有耀藉衆心之樂輸焉爰書於匾垂示不朽云爾 嘉慶二十年

宋錢題馬王廟匾額叙粵稽馬王之為世所尊奉也久矣故禮著春祭夏祭秋祭冬祭之文而詩歌有駟有驂有騶有駟之頌蓋禮極其隆盛神佑其蕃滋也定邑馬王位像先附供於藥王洞繼附

定邊縣志

卷十四

藝文志

雜文

三

定職業學校印

供於大神廟洵不足以昭誠敬癸酉歲余署理定邊協鎮事詣禱之餘不覺心悚遂與署中軍都司解聖易等高同捐俸復勸本營官兵捐銀一百兩紳士與商民捐銀五十餘兩度地庀材鳩工建廟經始於乙亥歲春日是歲秋九月落成嗟乎鵲毛禿便成橋蜃氣噓能結市賴神靈之呵護藉衆力以集成觀義義之貌憑式是依烜赫赫之威應求如響矣爰書於額非敢自云建立亦期後之君子觀垣墉而塗墍茲焉是為敘 嘉慶二十年

碑記

明

兵備副使陳燁撰重修宏法寺碑記斯營商人高朝陽許海等俱

富而好善人也一旦發願欲重修營之內西北古刹曰宏法寺余嘉其善念復下通判劉桐遂議以建立年遠殿宇星散可重修以為經久之基余允之且以余儒家者流辭而闢之者人人能矣弗聞而崇尚者亦人人能矣余俱不敢復為勸說姑以其理明而大聖之真見於世也夫聖者通也寂然不動感而遂通變化無方威靈莫測人苟善則降之以福不善則降之以殃福與殃之積率由於一念之發今壽官高朝用指揮高朝毓王府官高朝陽捐施者同心共濟非一念之善乎余不之拒而力贊其成是以四人日夜焦勞殫竭心力材木山積貨泉川湧凡棟宇之撓折者瓦甍之破缺者藻繪之漫漶勿鮮者悉以易之於是秋七月僅半載而功已

定邊縣志

卷十四

藝文志

碑記

四

定職業學校印

告成請記於余余謂天地生生之理不息而氣機之運用不窮二者相因如寒暑晝夜迭運而未嘗已也然則是寺之修豈非理勢之使然哉余詣觀其功殿堂崇深若有連雲之勢簷楹輝煥猶有炳蔚之光形懸曉月影湛長虹誠為夫人之冀幸由是神人肯悅靈貺孔彰為善者即是寺而益勸為善為惡者即是寺而愈改其惡孰不相化是四人者雖捐一已之資未始有期於人人之慶然德望流邊陲芳聲及遐邇而福善降祥必然也但莫為於前雖美而弗彰莫為於後雖盛而弗傳四人之功美矣盛矣余猶慮其無傳焉計殿宇共三十餘間諸佛像共二百餘位碑庭一座鐘鼓樓二座凡宮之廊廡門庭垣墉丹漆視為之而不力者奚啻霄壤此

革故鼎新哀多益寡皆高許等捐資之所成也可不深取之乎凡世之富而好善者亦可以勸矣是為記 萬曆四年

兵備副使姚繼可撰重修定邊城隍廟記嘗謂陽為善惡陰為報應此理難明不可取必然無所利而為善無所畏而自不為惡惟君子能盡其在我有所慕而為善有所畏而不敢為惡乃常人之情待感而應者也余丁丑歲奉命飭兵定邊蒞任年餘迄戊寅五月妻忽遘病昏暈輒不省久弗瘳雖醫藥罔效也乃於是歲八月初八日疾復作視昔更沉昏暈良久始甦云得城隍默佑之力語其事甚詳厥後果漸漸愈矣予感其靈異往拜謁焉見其廟宇卑隘止正殿三楹廊廡寢宮俱無適遇舊鎮守寧夏總戎李公琦喟

定邊縣志

卷十四

藝文志

碑記

五

定職業學校印

然嘆焉謂邊地素尚鬼神凡他寺觀皆競相修飾城隍一方正神其廟貌若是獨無動念者乎總戎李慨然有意即以身任督率之勞遂約衆施財協助下期經營予亦量捐資益之復擇鄉民高朝陽取資鳩工董其事顧舊廟基濶僅三丈殿後深坑弗堪修建定邊副總兵聶公大經撥助軍夫取土實坑本營操守李茂先將西關空地易民間隣廟地基東西各擴出三丈地基始定於是建大門三楹兩廊共三十楹內敘列六曹像正殿後蓋捲棚後建寢宮一座塑像於中正殿亦重修易柱增高焉兩閱月告成觀其廟貌規制森嚴望之起人敬畏矣李公琦來求言立石以垂有永予惟以善惡報應渺冥難知固不可盡信至理感通幽冥無間亦豈可

盡誣哉民偽日滋世事寧幾君子盡其在者是舉也使人曉然知福善禍淫之不爽皆勉為善不敢為惡於治道豈無小補乎哉若能敬鬼神而遠之為善無心責報為惡惟恐加誅斯又吾之良民庶乎不失修建之意矣 萬曆六年

定遠糧鹽同知羅昂撰重修鼓樓玉皇閣記此閣之建其來遠矣然舊無磚券止平地植木即今券上閣是已萬曆己巳春余來於茲見城中巍然有此閣也其意美其制善但年久圯壞至次歲丙午有將傾狀余慮其損傷像木即令拆之噫拆之易矣修之更新則難况舊無磚臺高址猶不足以壯具瞻茲欲舉而高大之則又難會有軍屯向武當進香者余問之僉云約會集錢赴山朝禮本

定遠縣志

卷十四

藝文志

碑記

六

定遠職業學校印

營四鄉約有十餘會集有百餘兩余即諭以玉皇即武當神也不如將會錢修閣其心則與朝一矣眾欣然從之得錢米百五十兩許命糾首鄉約雇工燒造磚料間本營副總兵陞宣府總兵王公國棟繼陞榆林總兵王公成各捐俸採柴助之共得磚一十五萬料定矣其工匠之費猶難也蒙先任靖邊道王發銀十兩嗣男崇簡發銀九十兩共百兩由是人心益勸各輸錢米以助乃繼陞榆林總兵張公承印現任李公懷信發衆督工庠匠兼作即本營男婦莫不裹土運磚不約而至不令而速不俟歲月而臺基樓閣儼然告成夫豈人力乎哉則神矣余叙其始末以識 萬曆三十八年邑貢生後官縣丞溫學詩撰重修元帝廟碑記定陽正午位有元

帝廟不知肇建於何時歲久傾圮弗堪瞻仰壬子歲會有善風鑑者謂定邊四面固密環拱形勝甲諸堡獨南山乾溝北走直衝本營真所謂完鏡纘塵也當於元帝廟後倚北樓築崇臺設真武像南向對峙則風氣聚而形勝完不但一方豐樂統為國家祈天永命培植萬載無疆之休其裨益豈渺小哉於是鄉之父老蔡友倉蘆朝綱等偕俱狀白之監司汝南李公首肯之輒下諭於糧庭大名劉公會聚鄉耆輩共議可否僉曰可於馬庀材斫石難如聚沙磨杵芘砌磚臺凡三座第一重臺口暨坊榜曰一天門東西小殿各一間中塑馬趙二帥像其二重臺口亦然榜曰二天門創立正殿四楹置聖父母像於其中列全真二菴於左右最上創殿四楹

定邊縣志

卷十四

藝文志

碑記

七

定職業學校印

中安元帝銅像一尊鐘鼓樓各一座坊牌榜曰三天門舊轉角大殿一座兩廡五祖七真殿各四楹儀門一間靈官藥王殿二間大門四楹皆坍塌剝落統為僦工命繪雕者葺之損者完之金碧交錯丹堊爛熳外屏以琉璃大壁而週迴繚之以垣墉廟前牌坊亦易琉璃而五彩之以輝以煌以祀以將規模大倍疇昔矣肇工於乙卯之秋告成於戊午之夏以盛事不可無傳也乃屬於文以識之余以為元帝北極而北極君象也夫人既知竭誠以事神余知善端一啓無之非是以之事君必能忠以之事親必能孝忠孝之風浹洽八紘此雍熙至治之景象也古人神道設教蓋如此若曰緣是超苦海獲福田是聳贖而人也非余所能知也凡夫助緣人

士姓名咸附著於他石俾後之觀是石者知有所自云萬曆四十六年

溫學詩又撰元帝區記崇貞壬申正月晦恰酋包藏禍心因總戎

曹公偕副帥張公約監軍郡丞趙公密議軍機於閭門輒乘機勾

着酋開東門以納虜閉南門以距我師遠城馳驟人心驚疑其勢

誠岌岌矣三公聞變起倉卒返旆遂救先設奇兵於東郊內防奔

逸外逼虜衝從南門併力攻入賊懼甚棄城拒戰東門首矢石如

雨門弗得合趙公督兵民挽牛車擁板為楯以蔽矢石遂奪東門

而高之由是曹公戰城南張公戰城北賊敗競潰連斬叛虜百四

十有奇平大亂於指顧間俾數萬生靈獲免於鋒鏑之慘備歌巷

舞莫不慶生全而樂完聚者孰非元帝默佑於冥冥之中則我氣

定邊縣志

卷十四

藝文志

碑記

八

定職業學校印

奮揚賦膽墜地不覺兒喙一至於此於是將吏士民往往樂施潔
潔感備楮鏹俾酬神功於萬一因記其事用誌將來凡後之納降
者要當知狼子野心終非養養所能羈遠鑒前代近懲滿蒙海四
之叛雖一時權藉其力必周慎以防其變毋徒博招徠之虛名釀
噬臍之費禍將封疆寧謐宗社鞏固矣謹記崇貞五年

國朝

書丹師帝賓撰重修定城南寺碑記壬戌之秋余奉

天子命來鎮斯土地雖巖而絃誦如故風雖勁而樸魯如故所可

惜者兵燹後而室廬邱墟征調繁而壁壘殘廢嘉植黃茂半同蕭

艾爭長沙埠塵堆幾同郭郭並峙余懼弗力拮据補苴閱明年始

度幾其可焉居無何有僧人妙源者詣余曰定陽南寺舊為供俸
觀音大士之剝邑乘失載而斷碣久殘不知創之何代父耆相傳
咸謂築邑以居而已然矣第歷年久頽圯益甚前協澤海柯公諱
彩者今陞南陽都督是也於軍興旁午之際安輯哀鴻發揚蹈厲
振興豎固真天性好善樂施復於諸寺廟悉出清橐俾令重修間
有不逮佐以募化以故是寺正殿展大而兩廡更新面殿塑以韋
馱護法上下偏隅置有香積僧舍複道周匝圍墻環繞前墜山門
三楹面拱殿壁森立而且簷阿華彩堦砌麟集雖美備微俟徐增
然而規模較諸曠昔宏厥已足役也肇始於康熙庚申歲落成於
壬戌秋八月也爰勒貞珉以垂不朽故乞以文嗟乎余武人也既

非默成而上之姿又鮮投戈講藝之學余何文哉惟是目見其事
誠有不能已於言者昔先王之立教也安愚民於飲食孰秀士以
詩書所以一道德而同風俗也迨其後人異其趨家殊其學禮樂
刑政之所弗治者一聞因果感報之說而恍然懼悚然悟此二氏
之學凡以補王化之所不及者為由興也况大士千百億化身慈
悲度世雖愚夫愚婦皆知頂禮期一皈正是故聞鐘磬聲則惕然
以思期無壞身聞迦葉語則翻然以悟解無生理自是而臣盡忠
子盡孝為兄弟而友恭為夫婦而和睦朋友而信義交免人倫以
正風俗以醇民恃以安物恃以阜凡所以廣大士之教者一如王
化之所必及者也昔慧恭精誦尊經天樂繚繞而極空而花雲霏

而滿地夫非明驗也哉坡公不云乎因敬生悟夫敬者悟之門也
悟者覺之路也雖至人不緣色相而神道設教必由入廟而思敬
然則斯寺之修又何可已哉余是以知柯公之好善也先成民而
致力於神也都人士之景行也能思齊以媿其美也僧妙源之守
恒也能載歷寒暑卒瘞以竟其事也故樂為之記以告後康熙二
十三年
關帝廟重修匾記夫關帝心乎漢室者也當炎帝將終羣雄並起
董卓弄權曹操肆志斯時也正不知幾人帝幾人王而已不可問
矣幸而元德公者乃帝室之胄中山靖王之後也帝則左袒從之
布大義於天下為之扶弱劉拒強曹吞勁吳而漢室重興高光再
見微夫人之力不及此迄於今千載而下覆載之中祠而祀之者

比比然也余定陽正坎位有廂馬年遠日久風雨飄搖榱桷零落
基址凋殘於是總鎮柯公涼州總鎮董公協鎮麥公率屬員士庶
咸捐俸資而行宮獻殿兩廡賽樓越兩年而告成以文屬余余何
能文無已則就帝之芳名素著者以闡揚之獲于禁而不殺仁也
掛印封金義也秉燭達旦禮也水滸七軍智也華容釋曹信也威
鎮華夏雄也五關斬將勇也而帝之立身行己如是安得不與日
月爭光天地並立哉後之入斯廟觀斯誌者知將心切景仰合廟
貌常新而引祀典於勿替云康熙三十五年

靖庠增廣生陳章撰重修三義廟碑記甚矣兄弟朋友之間至今
日而極矣蓋兄弟以情合者也朋友以義勝者也今之好為通譜

往往非族聯族而闕墻之變多慙德焉苟於訂盟往往指天誓日而凶終隙末多反復焉是知兄弟但取同心而不取同姓朋友第觀同德而不觀同宗試看桃園三義以異姓而朋友朋友而兄弟兄弟而君臣始終無渝堅若金石其情義之炳昭蓋不啻日月經天江河行地萬載而下神而欽之者無人無之廟而尸之者無地無之噫嘻其維係於倫常者豈淺鮮哉吾地南關外舊有三義廟殿僅三楹康熙歲矢志者慨然廓大之環以迴廊建獻殿闢戲樓巍然改觀獨是地勢卑下新創者亦就其規模而未計及於後則年日久遠不免浸潤頽圯之患幸有山陝客人十方院持僧福壽者飛錫於此及五六年矣修廟建寺諸善工無不攘臂為之觀此

定邊縣志

卷十四

藝文志

碑記

十一

定職業學校印

廟勢倏動深慮於是持鉢走募十方高其基址另為恢澗禪院香積罔不俱備莫不輝煥大工告落意欲勒貞珉鐫姓諱以垂久遠故丐言於余余思三義人紀之所關風化之所係也故不惜數行以紀其勝云 康熙四十三年

邑貢生牛薦撰重修關帝廟碑記國家崇儒重道帝廟之尊次於文廟春秋致祭上祀先公典制儀文煌煌乎超越前代矣定邑為秦邊要衝文經武緯內安外寧永享太平之福足徵盛世嘉祥然亦豈無默護於冥漠之表者乎年來凡屬正祀神祇祠壇俱煥然維新獨我關夫子廟內外仍舊歷年多漸至剝落計其工費雖不便估報動修而及時補葺亦理勢所不容緩輿情所同悅者也爰

是公議重修捐資興工鎮斯土者亦以事屬善舉從眾樂為因而
闔營倡於前市廛繼於後隨心施助共勦厥事工始於四月吉日
告竣於五月初旬正殿之脊瓦維新非復前此之弗蔽風雨者矣
獻殿之墻門鞏固非復前此之傾圮破裂者矣且兩廡繪飾也不
同於向時之損壞大門磚砌也不同於向時之磔碎樂樓增粧也
更勝於前日之瞻觀猗與美哉廢幾以享以祀以妥以侑以介景
福焉耳立議者誰左司劉威然右司張鵬飛也經理者誰外委趙
成領旗魯國友張英也糾工者誰領旗劉萬昌管隊張俊石光化
也勒石書記以為後之好善樂施者勸

訓導賈爾鐸撰重修東嶽廟碑記岱宗之祀遍滿寰區蓋以捍災

定邊縣志

卷十四

藝文志

碑記

十三

定職業學校印

禦忌使下民陰受其福故祀之者夥非若世俗所謂刀山劍樹輪
迴生死之謂也然而君子之為善也無俟於勸衆人之不為惡也
必藉於懲懲生於畏畏生於見不知闢立本當年何所見聞作此
幻想雷車鬼斧離奇變態以洩獄帝之秘以繪嚴酷之案使千百
世下海宇日出若男若女若老若幼咸震攝一世之人心褫奪奸
人之狂魄以至此極耶是以元惡巨靈間有漏王章而不能逃陰
譴則神道設教直以補王法之不逮洵至教哉定邑獄廂聞自天
啓年始移此地規制卑隘弗稱帝居目擊者早有鼎新之志繼於
雍正五年山水瀑漲半畝宮闕盡在沙壅泥淤中矣邑人士共發
厥誠庀材鳩工經始於雍正六年落成於雍正十二年此七年中

踏破鐵鞋嘔盡心血者難一二數以故卑者崇之隘者潤之圯者新之缺者補之正殿巍巍廊廡翼翼頭門二門以及賽神之樂樓無不嵯峨而義義周以綠垣樹以榆柳帝容煥金碧之光侍從顯淨穉之威於以安神則捍災禦患裕如也於以牖民則遷善改過霍如也主事者誰邑之文武達宦也倡議者誰邑之會社紳耆也助貲者誰邑之義民賢商與闔營之兵弁也經理獨任者誰則諸生梁宗晉也併記之以俟於後雍正十二年

邑貢生牛薦撰十方禪院粧修工竣序定陽南關商賈驛路衝繁往來車轂擊人肩摩宛然富麗景象也旁有禪院一所為僧會司主持之利暮鼓晨鐘醒迷覺悟梵音磬聲入耳警心步其內殿宇

定邊縣志

卷十四

藝文志

碑記

十三

定職業學校印

輝煌清肅幽雅不覺諸緣皆空有出塵脫俗之想焉真所謂關中取靜城市山林也然而禪院之由來久矣今則煥然維新焉人見其莊嚴法華金碧色相丹雘耀目玲瓏彰彩與夫禪室之寂靜市廛之環拱咸嘖嘖嘉賞之抑曾思歷年來經營構造捐貲修飾屢費辛勤而後漸次以成之乎况夫莫為之先雖美弗彰莫為之後雖盛弗傳今之終美者功固不朽而始之創建與繼之重修者亦未可湮沒而弗傳不然則後之不知有今亦猶今之不知有昔矣愚不辭固陋於工竣之期畧述其始末而序之此院昉於何時明神宗三十五年也誰為重修者候推都司王進孝時康熙二十五年也繼又發心捐修者管理塘務旗員花色首倡厥事而闔城共

勦馬時在康熙五十六年也茲者內外齊備潤色昌明工興於數歲告成於今秋釐數年之積貲為一邑之觀瞻屢經寒暑獨苦心力圓滿建醮設壇施濟是又誰之功與乃鑑如和尚明如禪流也孟子云守先以待後覩斯善果其亦紹往而開來者乎後之人庶幾循流以溯源由始而知終矣是為序

乾隆十七年

又撰魯班廟工成記作者之謂聖述者之謂明統緒相傳儒宗大道固然即百工技藝亦有前事而為後事之師制器尚象教學綿延益於國家利於民生因流溯源不忘本者定邑初無魯班廟雍正四年邑庠生吳建基捨地一塊近於大寺之西側財神廟白衣寺之中隅木工陳起政傅潤鐵匠李有忠倡於其首盧順等附於

定邊縣志

卷十四

藝文志

碑文

十四

定職業學校印

其次創建神庙三楹台階大門粗備而工未竣延至乾隆年間募資捐施城關市廛皆有同心其廟之扁扇脊瓦乃全而神像猶未燦煥維時公議中塑老君左塑魯班而右邊一楹空有待詔藝人等發心隨力塑羅祖像於馬廟貌昭著供祀不替亦有年矣茲者木工人等復有修補樑下花板之舉工成告享欲叙始末以垂經久而屬詞於余竊思柱下史職函關紫氣道德五千言太上感應篇固為道教之宗而金爐推尊亦代遠相沿人心所在必為神靈式憑矣孟子章句公輸之巧規矩以成方員蓋既竭目力不可勝用秦漢以來工匠供祀磚泥咸欽亦相傳而不改焉至若淨髮一藝其在前代童少所藉僧尼必需而本朝薙髮普天永遵因人以

事神亦不誣也總之前事為後事之師有創垂必有繼述此廟之祭享雖弗載於祀典而其術其業益於國家利於民生因流溯源而供奉焉誠不忘本之禮意也由此推之臣不忘君子不忘親弟不忘師民生於三事之如一誰謂觀於形而下之器不可以悟形而上之道耶凡有入而瞻神像者或亦有感於斯言乾隆三十四年邑貢生馬慎言撰通濟橋碑記二道溝有橋由來久矣地屬於靈境隣於定陝甘之聲氣通馬車馬之衝繁傑馬誠要路也余未知建自何時聞前之補修已屢矣近復傾圮業已崩墜吾定邑郭君美玉不忍坐視誓欲重修奈工程浩大獨力難支以故募化庀材興工於丙午之夏落成於丙午之秋由是共樂蕩平不限天涯於

定邊縣志

卷十四

藝文志

碑記

十五

定邊職業學校印

咫尺同歌砥矢誰悲岐路於窮途茲復勒石書名以垂久遠因問序於余余故即巔末爰秉筆而為之序乾隆五十三年

又撰通濟橋碑記帝君云修岐嶇之路造往來之橋尤功德之顯見者也郭君美玉者見此橋損傷挺身首事不一年而落成蕩蕩平平若涉大川誠盛事也有靈之將君三仕詣余言曰梵王之字老子之宮尚可邀福於一身况修橋之功往來者無慮波餘行道者功等慈津而竟泯沒不傳也余曰善君之排難解紛矜孤恤貧種種善端因即功德之顯見者爰秉筆為記以誌君之盛德不朽云乾隆五十三年

紅柳溝文昌閣碑記文昌帝君天上文衡人間福主固有求必應

無感不通者也紅柳溝原無樓閣武生郭君名玳字美玉者好善樂施發心創建於是既捐已財復募眾善遂於鎮之東南立其基址定其規模糾工庀材興作於庚戌之夏上下高卑親為擘畫土木金石日費經營不數月而凌雲射斗者遂屹然特起焉乃未及完美而君忽赴玉樓之召矣當斯時也其誰不切半途之慮乎幸其弟武舉名璵者克繼厥志不廢前功上塑魁星神像中塑文昌神像配侍朱綠無不得宜由是觀乎其外畫棟雕梁也入乎其中披金佩玉也使非其兄創始其弟作成何以巍然在望煥然壯觀哉蓋作善降祥帝君垂訓故其子永崇蔚子發秀於是歲而並列膠庠詎非有求必應無感不通之明驗與適有信士趙保舍牌一

定邊縣志

卷十四

藝文志

碑記

十六

定邊職業學校印

座因舉斯樓之巔末并施財之姓名鐫刻於上以垂久遠然要非徒紀其歲月已也將使後之君子觀前人之用心而時加敬重庶斯文之有永云爾 乾隆五十七年

署安邊理事同知多福重修關帝廟碑記安邊關帝廟創自何年遠不可稽辛未仲春余攝篆茲土謁廟之初見殿宇欹頽心甚悚然竊思帝之忠義炳昭古今溥海內外咸相敬禮安邊地處荒陬依然四民萃集查覽前有萬曆四十二年副將姚德明率屬劉保等重修正殿兩廊建修獻殿寢宮戲樓正樑額記繼有康熙二十二年守備李毓龍率商士建修牌樓照壁廊廡圍牆碑碣寧忍廟貌傾圮如是不為之整理乎惟余下車伊始實有志難伸且邊地

荒旱連年亦何能驟舉而余心總悚然莫釋迨壬申夏五月尚不
而望澤孔殷余設壇帝前虔心默禱曰神佑萬方安邊屢年歉收
仰祈轉歉為豐當捐俸募資啓新廟宇未幾幸邀神佑得沛甘露
是秋有成癸酉歲又復雨暘時若帝之靈應誠昭昭也於是余先
捐俸本堡士商隨同輸資并出土商舊存捐銀八百兩復得寧條
梁定邊城各士商捐銀共勦之即擇紳士等庀材經理無不踴躍
從事於癸酉五月興工甲戌九月落成計修正獻殿各五間東西
配殿六間鐘鼓樓二座東西廊房三十間樂樓五間東西牌樓二
座山門三間東西角門二間牌樓照壁各一座僧房九間又置德
盛油房一所計五十三間價銀四百六十二兩每歲得房租錢六

定邊縣志

卷十四

藝文志

碑記

十七

定邊職業學校印

十千文為終年香火之資告竣之日焚香禮叩仰瞻聖容嚴肅廟
貌巍峩覺向之悚然莫釋者一旦而心始得貼然矣回憶前此荒
旱頻仍今茲歲豐民裕益欽帝之靈應誠昭昭也因崇其號曰保
安寺以冀後之官斯土者鑒余一念之誠得蒙靈應如響庶幾隨
時補葺俾殿宇以常新入廟欽誠荷神靈之永佑此固余之所深
幸而亦闔堡士商之所深幸也是為記 嘉慶十九年

訓導李簡臣撰重修文廟碑記蓋一邑之中學校為先學校之興
文廟為重我國家之尊崇至聖先師較歷代為極隆每遇春秋二
丁必先備其陳設考其器數俾祀典申虔歌容兼盛者誠欲使天
下士庶潛形默化共躋於詩書禮樂之域是文廟之設基址必宜

寬廣宮墻必宜壯麗非徒以肅觀瞻實所以重文教也定邑自雍正九年設縣十二年邑侯佟公鉅請修文廟未竣邑侯林公天章接建成之規模頗極宏敞迄今八十餘年風雨剝蝕若大殿後殿尊經閣兩廡雖經歷任邑侯司學問加修補而一切墻垣臺砌馬頭窓扇幾有欹斜傾頽之勢他如名宦鄉賢忠孝祠櫺星門泮池兩坊以及官廳均經圯頽僅存階基荒陋之不治於斯為極癸酉仲春余蒞斯學見而心惻以獨力難支未經舉議甲戌孟春新任邑侯范公掄策詣廟謁聖禮畢自擊傾圮情形不禁喟然曰廟貌零落如斯夫豈尊禮至聖敦崇文教之道耶遂歷述其前蒞神木孝義等處恭修文廟創興學校數事維時少尹宋公謙隨馬聞言

定邊縣志

卷十四

藝文志

碑記

六

定邊職業學校印

前揖力請倡舉余固贊勸之范公復曰頃吾所言實存此舉於是設席延請邑中紳士集議范公與協鎮宋公鉞首先捐俸署中軍都閫解公聖易司廳宋公大相李公成龍並宋少尹與余均隨捐俸諸紳士亦俱踴躍捐資即於季春擇吉祀土興修其間諸生總理者有武志道姜大魁劉觀海督理者有劉創基李長發陳中選常山甫楊均師主善劉希周李奉青汪進福日事稽察鳩工庀材殿廡尊經閣之欹墜在在繕葺也名宦鄉賢忠孝祠之廢圯歷歷創修也門坊池廳之坍塌一一興舉也諸生備極辛勤無稍間斷閱半載工固質樸由是前後內外煥然幸新此固有賴於范公倡舉之力亦至聖有靈俾范公之得蒞斯土有以振興定邑之文教

於不墜也外若城東南隅文昌閣並學署明倫堂及門墻廟屋俱加修補核計是工幾費千百餘金爰勒碑記冀後之君子覘文思義焉茲值修葺工竣謹敘以昭久遠云 嘉慶十九年

刑部司廳王銓撰重修關帝廟碑記歲癸酉夏四月鎮標遊府宋公鉞來攝定協篆謁關帝廟禮成之後周視殿楹廊廡門樓規模雖備措置失宜一切丹漆彩畫中多剝落思為重建謀諸署中聞解公聖易欣然曰是固易所蓄意已久未及施功而亦副總兵曹公子元暨其哲嗣福壽志也於是勸率闔標兵弁齊力捐輸及廣募士庶客商延至甲戌夏初興工先補葺正殿獻殿錯鳩鏤甍霖金燿碧以壯觀瞻繼於正殿旁建兩夾室內祀忠孝顯忠二王像

定邊縣志

卷十四

藝文志

碑記

十九

定職業學校印

以配饗獻殿前展築月臺以瞻禮臺左右列鐵塔鼎以焚化體統綦嚴肅也規模甚壯麗也至於樂樓舊建卑隘每逢朔望出入必偃樓樞衣恐失之褻乃築基改建添砌甬道磴道自山門以達樓後中間設立門屏俾歲時祀祭者咸無失容焉若夫鐘鼓舊置於殿上陋矣茲則建兩岑樓於樂樓旁設虞以樹鏞崇牙以懸鼉峻起於地聲聞於天非徒以炫耳目實用以鳴神威也他如東西兩廡損者修之舊者新之則彩飾黝堊之功多復於廟西隅置韓姓地建蓋道院則守斯廟者自不廢晨暮香火邑侯范公掄策同少尹宋公謙除修獻殿內墻畫工外又撥捐舊養濟院官地一段建官廳立廟室以為春秋祭祀時更衣退息所庀材鳩工經始於孟

夏告成於季秋統計修補殿宇廟廡二十有六間創建配殿樓座十有二間角門二間左右兩哨宋公大相李公成龍李公梅不辭勞瘁以勦厥工并隊兵丁不惜餘力以成其事可不謂一時之盛舉百世之功德歟要之事惟創始艱而繼工較易是舉也繼之前人之功稍為創作無不煥然聿新後之蒞斯地者吾願思艱圖易時加修葺庶足安神靈而答帝庥以永曹公宋公解公之盛事於不朽也是為記 嘉慶十九年

定邊縣志

卷十四

藝文志

碑記

二十

定邊職業學校印

補遺

鹽場堡鹽課大使蘇廷舒重修鹽神廟甘肅靈州州同李大樞撰碑記嘉慶癸酉秋東海蘇公屏山奉

命來董定邊釐政下車三載惠商恤民敬老禮賢興利除弊謳歌孔邇有日矣誠和之氣感召休祥若有默相之者會所屬之鹽場堡舊有鹽神廟創建既久棟宇頽圯追維源本思葺而新之有賀生蘭峯田生有華諸信善士咸起而奔走贊勳之維月若日曠金貨土木之費告備始鳩工塗墍以是廟貌鼎新工告訖功從事諸君皆精白矢誠經營勞動凡五十一人樂觀厥成壽紀其事以貽厥後遂因炳堂胡先生以告將碑以記之樞惟碑以紀事記以章

之式圖有永其曷敢以弗文辭乃颺言曰鹽之孔溥故神為之靈
特著昔大禹列九州海岱貢鹽粵若成周有鹽人掌其事及管仲
相齊肇興鹽筭國用富強後世漢唐始置鹽鐵諸官經理備載於
史然皆內地之鹽繼乎龜茲鹽池兼贍兵餉邊鹽之利始於剛見
其間董義之協宜於塩池之豐嗇天時地利亦若有主之者從官
以釐之有不虞之備而皇神相之以能保我子孫黎民出作入息
歲益日新相安於勤苦衣食沐膏澤共課賦幾忘夫神之功德涵
煦迄

昭尚二百餘年之深矣今蘇公首倡義舉壘飛魏煥報審以時廟
堂肸嚮飶芬椒香之達與我公之懿德仁聲共洋溢於口碑傳頌

定邊縣志

卷十四

藝文志

碑記

二十一

定職業學校印

聞將見神庥之佑及一方者實同蘇公之澤而俱永也公夙有令
聞簪纓奕業積厚流光行膺大邦善地自今俾藏俾嘉康比阜物
列諸貞珉垂芳久遠所以奮興來許繼述濟美敢無望於後之君
子歟標不敏樂拜手稽首而為之序嘉慶十八年把總郭
成俊廩生郭樞同立